

پیام کربلا

اشطبع

حاج صادق نائب

حاج صادق  
نائب

پیام کربلا

کتاب  
۵۵۲۰۲۶

۲۹۰۱

۱۶۰۰  
۱۸۸۸

پیام کربلا

اثر طبع:

حاج صادق تائب

مناقب و مصائب

حضرات معصومین علیہم السلام



### مناجات

بِيحَدِّ نِعْمَتِ اَيْتَمُوسِنِ اللّٰهِ عَطَا مَنِهِ  
 شُكْرٍ وَ ثَنَاسِي وَ اَجِبْ اَوْلُورِ بَرْمَلَا مَنِهِ  
 يَا رَبِّ مَنْ كَيْمَمِ كِه سَنِي دَادِه سَسْلِيمِ  
 وَيَرْمُورِ اَجَازَه كَثْرَتِ شَرْمِ وَ حِيَا مَنِهِ  
 قَطْعِ اَيْلِيُومِ اَمِيْدِيْمِي سَنَدْنِ نِه نُوْعِيْلِه  
 دَر صُوْرَتِيْكَه سَنَسْنِ اَوْلَانِ مَرْتَجَا مَنِهِ  
 سَنَسْنِ خُدَا كِه اَيْسْتَه مَاقِيْمْدَانِ قَبَاقِ اَوْزُونِ  
 هَر نِعْمَتِ گِرَانُونِ اَيْدُوْبَسْنِ عَطَا مَنِهِ

بِسْمِ تَعَالَى وَ بِهِ نَسْتَعِينُ

حمد و سپاس بی قیاس و پرستش بی آرایش بر ذات باری تعالی که بین  
 جمیع الوجوه قابل ستایش و صنع واجب الوجودیش در ممکنات ظاهر و  
 هویداست.

همه هستی عالم بر وجود هستیش برهان

زیبدائیش هر پیدا، به هر پیدا است او پیدا

و صلوات و سلام بر پیامبر عزیز اسلام حضرت محمد بن عبدالله ﷺ  
 و اهل بیت طاهریش.

اما بعد، این ذرّه بی مقدار و بنده حقیر رو سیاه غرق گناه و نیازمند غفران و  
 محتاج امان، محبّ حضرات معصومین علیهم السلام «حاج صادق تائب» در اواخر  
 عمرم در سنین ۷۵ سالگی نیز توفیق حضرت باری یاری کرد توانستم در  
 مناقب و مصائب و نشر پیام حضرات معصومین علیهم السلام کتاب «پیام کرپلان» را  
 چاپ و در دسترس علاقمندان و دوستداران اهل بیت علیهم السلام قرار دهم با اینکه  
 حتی الامکان سعی بلیغ بکار برده شده که این کتاب خارج از پسند اهل بیت  
 عصمت و طهارت واقع نگردد مع الوصف بشر جایز الخطاست و لذا از ارباب  
 فضل و کمال تمنا دارم که در صورت برخورد با اشتباهی، با بزرگواری خود  
 عفو و چشم پوشی فرمایند.

وَالسَّلَامُ عَلَیْكُمْ وَ رَحْمَةُ اللّٰهِ وَ بَرَکَاتُهَا

پاییز ۷۶ ماح اهلیت «حاج صادق تائب»

سندن سوا حوائجیمی کیمدن ایستیوم  
 کیمدور ویرن حوائجی سندن سوا منه  
 سنسن هرایه سسلّمه میش تیز ویرن جواب  
 سندن سوا کیمیم وار او ویرسون صدا منه  
 سنسن سزیلدا ماقدان ازل رحم ایدن منه  
 کیم وار سزیلدیوم که او رحمان اولا منه  
 بحری یاروب کلیمه ویرن غرقه دن نجات  
 تیزال یتور خدای حق و ذوالعلا منه  
 رحمت یتور محمّد (ص) و آل محمّده  
 هم لطف قیل برات نجات ای خدا منه  
 مشکله قالمیشام فرج عاجلانه ویر  
 دردیم آغردی رحمیله ایله دوا منه  
 آزالدی بو داریخما منی غصّه مرگ ایده  
 ازبس هجوم ایدوبدی غم جانگزا منه  
 گه درددل دیوب اوزومه سس سیز آغلارام  
 خون جگر اولوبدی شراب و غذا منه

غربتده بو جوان بالاما رحم ایله اوزون  
 سالم وجودیله اونی ایله عطا منه  
 آگاه سن آنا باجیسی گوزلوری یولون  
 هم گوز تیکوبله خویش و ئل و اقربا منه  
 هر بیر نجات سنده دی یا سیدالکریم  
 ازبر اولوب بو سوز هامی صبح و مسا منه  
 احسان ایله بو مخمصه دن ویر اوزون نجات  
 هم بو مریضیمه همی یا ذوالعطا منه  
 سالم ویر او غلومی آپاروم اوز بلادیمه  
 تبریک سویله سونله هامی آشنا منه  
 ایوای وای اگرالی بوش ایله سن منی  
 مرگ آفرین اولار بیله بیر ماجرا منه  
 سنسن بوتائی بیودوب بیر زاد ایلین  
 دنیاده خوار اولماقی گورمه روا منه

### مناجات فی التوہید

اللہ عرفاندان منہ پیمانہ سحرشار ویر  
 بیر گوزن گوز روح آگہ بیر دل بیدار ویر  
 هر سر موی حواسیم سیرینه بیر یول دو توب  
 بزم وحدتده پریشان سیریمه سن بار ویر  
 تیتزین ال ساخلیانماز جامی - قدرت صاحبی  
 قوت بازوی توفیقی منہ همیار ویر  
 کارفرما اولماسا گتمز قباقه کاروبار  
 کارفرما - سن منہ توفیق کاروبار ویر  
 بیر زمان گفتار بی کردار اولوب هم صحبتیم  
 بیر زماندا لطف قیل کردار بی گفتار ویر  
 نشئه می که گیدندور اعتباری یوخ اونون  
 باده جام ولاتئیله دم هشیار ویر  
 ایلیوبدور بی سروسامان پریشانلیق منی  
 مغز پرکار ایت عطا بیر فکرت طیار ویر  
 سلمدور تائب مشیت هر نه ایتسه اقتضا  
 هر نه سوسن ای خدای قادر و غفار ویر

در صورت نهایی و حصول اشتباه  
به جامعه برادران دینی

دویموسان دنیادن اُتری جان من جانندان نیه  
 بُت یولوندا ایلوسن صیدحرم قربان نیه  
 باغلاماز عاقل دنی دنیا به بو عالمده بل  
 سیم قلبه سن ساتورسان یوسف کنعان نیه  
 گوزلوری آباء علوی انتظار یله سنی  
 طفل تک مهدون اولوب گهواره زندان نیه  
 توپراق ایتماق گوهری هرگز بصیرتدن دگل  
 سن توکورسن آبرووی بینوا انسان نیه  
 چشم اقبال سکندر سندن اُتری تشنه دور  
 قالموسان ظلماتده ای چشمه حیوان نیه  
 آریا ناین (یی) بهشت جاودانی سیرایله  
 قان اوتورسان تا پماقا بیر نعمت الوان نیه

زینت دنیا ندور انسان اونا پابند اولا  
 ایلوسن زتاری سن شیرازه قرآن نیه  
 توشه سیزدشت عدمده سیر اولار چوخ چتین  
 یوخدی تخم ا کماق سنون ذهنونده ای دهقان نیه  
 خنده بیهوده عمرین قصرینی ویران ایدر  
 هر نسیم یله اولورسان گل کیمی خندان نیه  
 درد اولار عالی دوا چون کامرانلیق گوسترر  
 سن چکورسن ناز دکتر منت درمان نیه  
 یوخدی بیر عقده که آه نیمه شب لر آچماسون  
 عقده دلده قالوبسان بیر یله حیران نیه  
 تائباً بازارده میزان یوخ انصاف تک  
 ایلمورسن درّی بو میزان یله میزان نیه

شکایت از اختلاف طبقاتی  
و روشنگریهای مردم

گوزده کی گوزیاشینی آه دمامد ییوری  
 بوستانیم ثمرین دیدۀ شبنم ییوری  
 ساخسی قابدا ایچورم قان دوداقی دیشلیورم  
 وای اوناکاسۀ زرینده دمامد ییوری  
 کاسۀ لعلی داش آلتندا گرک گزلماتاق  
 بیله دوراندا که آدم آتین آدم ییوری  
 ای خوش اول بزم محبت که شهنشاه و گدا  
 هر غذا وار سر هر سفره ده باهم ییوری  
 خالقی که ویری کور قوردا داش آتدا روزی  
 نسل آدم نیه روزی دن آتور غم ییوری

غم روزی ییوری خلق دمامد بلکه  
 چوخ تجمل غمی دور زاده آدم ییوری  
 دور دوران کلک دور قاریشوب بربره خلق  
 ایدوری تا پدیقینی درهم و برهم ییوری  
 خلق خلقی سریندن ایدوری استقبال  
 حق دیندن چوویرور از یوزینی رم ییوری  
 قفل ور آغزوا حق سوز دیمه هرگز تائب  
 گور موسن حق دانشان سیلی محکم ییوری

**فاطمه فاطمه دی، فاطمه فاطمه دی**

گوهر بحر و فاطمه دی  
معنی لفظ وفا فاطمه دی  
فاطمه فاطمه دی  
نوریدور نو خداوند و دود  
خلق اولوب خاطرینه هر موجود  
حکمران دور جبروت عالمینه  
شرح عنوان دی نعوت عالمینه  
فاطمه فاطمه دی  
شیره جان رسول الثقلین  
مادر پاک حسن مام حسین  
فاطمه فاطمه دی  
حائز وحی نبوت نسبی  
گوهر افشان اولونان لعل لبی

جوهر صدق و صفا فاطمه دی  
لنگر ارض و سما فاطمه دی  
فاطمه فاطمه دی  
آدی محبوبه ذات معبود  
حضرت خیرنسا فاطمه دی  
قهرمان دور ملکوت عالمینه  
اوکه وصف ایتدی خدا فاطمه دی  
فاطمه فاطمه دی  
کفو و مانند امام الکونین  
بحر مواج ولا فاطمه دی  
فاطمه فاطمه دی  
شرح معنای فتوت حسبی  
جوهر صدق و صفا فاطمه دی

فاطمه فاطمه دی  
اوکه گفتار صفا انگیزی  
باطل و حقی جدا فاطمه دی  
فاطمه فاطمه دی  
اوکه عفتدی او نایوزده نقاب  
معنی شرم و حیا فاطمه دی  
فاطمه فاطمه دی  
مرتضی مسلک و ام الحسنین  
فاتح کربلا فاطمه دی  
فاطمه فاطمه دی  
اوکه مشهور نماز شبیدی  
ایلین حشر بیا فاطمه دی  
فاطمه فاطمه دی  
مرضه ایسته شفا زهرادن  
ایلین درده دوا فاطمه دی  
فاطمه فاطمه دی

فاطمه فاطمه دی  
اوکه بیر خطبه آتش ریزی  
ایلین صحبت نهضت خیزی  
فاطمه فاطمه دی  
اوکه عصمتدی او ناستر حجاب  
اوکه اولموش او ناستر می کتاب  
فاطمه فاطمه دی  
اوکه پیغمبره دور نور دو عین  
گتورن عالم اسلامه حسین  
فاطمه فاطمه دی  
اوکه مرضیه او نون منصبی دی  
اوکه احیاگر دین زینبی دی  
فاطمه فاطمه دی  
تائب آل صدق و صفا زهرادن  
آل همامی درده دوا زهرادن  
فاطمه فاطمه دی



شکوائیه حضرت زهرا (س)  
بعد از وفات پدر بزرگوارش

قزون زهرادن ایتدون قطع الفت یار رسول الله  
منیله ایتدی الفت مین مصیبت یار رسول الله  
اولوب سنسیز منیله روبرو چوخ سخت ساعتلر  
توکولدی اوستومه هریاندان ایله دردو محتتلر  
ایشیق گوندوزلر اوسته گر یاغیدی بومصیبتلر  
دونوب غمدن اولاردی لیل ظلمت یار رسول الله  
گوتوردون سایه وی سایه منه ابر بلا سالدی  
خلاص اولدون ازون دنیا بویی غملر منه قالدی  
من اولدوم غملر اولدی غصه لرا طرفیمی آلدی  
اولوندی بیر باشیم مینلر مصیبت یار رسول الله  
فراقوندا بابا بو اولدنان دلده شراریم وار  
غمیم چوخ طاقتیم یوخ رنج و درد بی شماریم وار  
دونوب باغیریم قانا چون لاله قلب داغداریم وار  
بو حالی گوزباشیم ایلر حکایت یار رسول الله

سنیله خوش گونوم گیتدی سروریم یتدی پایانه  
ایله گونلر قباقه گلدی دوندی گوزباشیم قانه  
ایله سنندیم دولاندی آشنالر اولدی بیگانه  
قالوب بی آشنا آل رسالت یار رسول الله  
او زهرا که اُپردون گل تک ایگلردون محبتدن  
باساردون جان کیمی اوز باغریوا فرط عطوفتدن  
گل ایمدی گورنجه سالموش اونی غملر طراوتدن  
سولوب گل رنگی قالموبدور طراوت یار رسول الله  
سقیفه اهلی جمع اولدی سنون فرمانوی داندی  
قاییمی یان دیران لار گلدی اودوردی قاپیم یاندی  
قولوم سندی بالام محسن الوب سینم یارالاندی  
منیم جان یولداشمدور بو جراحت یار رسول الله  
جسار تلر اولوندی آستان دودمانیمده  
نه غوغالر یارانندی ماجرالی آستانیمده  
یتشدی یاره لر یر سالدی جسم ناتوانیمده  
قولومدا یوزده وار نقش جسارت یار رسول الله

قاپیم یاندی نہ لراولدی تن بیمار شاہد دور  
 نجه دوشدوم فشاره من درودیوار شاہد دور  
 نیه سینمدن آخدی قان منیم مسمار شاہد دور  
 ایدر بیرده آخان قانیم شهادت یار رسول اللہ  
 علینی بیعتہ چکدی عدو قول باغلی افتاده  
 دوروب گتدیم حسینیله حسن یانیمده امداده  
 قولوما وردیلار دشمنلریم یاره او ائناده  
 عم او غلوم گور میوب اولسون خجالت یار رسول اللہ  
 عم او غلوم عالمین مولا سیدور سندن وصیت دور  
 ازون تک محترم اولابنفس کل امت دور  
 ازی مولا سوزی اولا اولان صاحب ولایت دور  
 اونا نادان لار ایتدی هتک حرمت یار رسول اللہ  
 علی سیمای ایمان یوسف مصر عدالت دور  
 اونا قیمت ویره بیلمز او کیم اهل شقاوت دور  
 ویریلسه نقدجان قیمت گنه نقصان قیمت دور  
 ویروب اللہ اوزی چوخ یاخشی قیمت یار رسول اللہ

بابا سندنصورا مینلر مصیبت اولدی بیرباشیم  
 گیجه گوندوز سزیلتیم همدیم دورناله یولداشیم  
 غذا خون جگر دور شربتیم گوزده بوگوز یاشیم  
 دوشنمیش محفلیمده خوان حسرت یار رسول اللہ  
 گه ایوده دورت بالام منده گوزی اوز سینہ سین داغلار  
 قویوب کثوم وزینب یوز یوزه اشگی یوزه باغلار  
 اولار آغللا شور یله حسن آغلار حسین آغلار  
 اولالار همصدا آل طہارت یار رسول اللہ  
 حسینی که باساردون باغریوا مهر یله هر دمده  
 رضا اولمازدون اصلاً آغلاسون بیر لحظه عالمده  
 گل ایمدی گور نجه آغلور منیله بزم ماتمده  
 ایله آغلور سالور شور قیامت یار رسول اللہ  
 نلر فکره گلر گلمز گروه اشقیایا ایتدی  
 جفال بحر ی داشدی باشدان آشدی امر اورا ایتدی  
 ایمدن ظلمیله بدعت الی گلدی فدک گتدی  
 اولوندی بودجه اسلام غارت یار رسول اللہ

فدک ملکین الیمدن اوندا که بدعتگران آلدی  
 بوشا چخدی الیم اودلی دله بیر تازه اود سالدی  
 الی بوش گوردی قاچدی خلق عم او غلوم ایوده تک قالدی  
 اولوب مظلوم سلطان عدالت یار رسول الله  
 او گلشن که سن اولدون باغبان سندنصورا سولدی  
 باش آلدی گندی بلبل گلشنه زاغ وزغن دولدی  
 عم او غلوم حقیقی غصب ایتدیلر خانه نشین اولدی  
 اوتوردی ایوده سلطان عدالت یار رسول الله  
 دو توب آئینه اسلامی جهلیله جفا گردی  
 پوزوب دیو جهالت نظم دینی کفره دوندردی  
 تاپوب نامردلر ال ظلمیله مظلوم ایدوب مردی  
 نیدر نامرد الینه سالسا فرصت یار رسول الله  
 دانوب الهی آزدی یوللارین اتباع قرآن لار  
 یخوب اسلام آدیله دین ایوین صوری مسلمان لار  
 کناره قویدیلار دانانی قدرت تاپدی نادان لار  
 ایدر دانایه نادان لار حکومت یار رسول الله

ستمه قویدولار باب کتاب مُنزلی باغلی  
 تاپوب روباه لر فرصت دل آچدی هر دلی باغلی  
 دوروب شیر خدا باخدی دلی باغلی الی باغلی  
 دو توب باش غم دیزینده راه عزلت یار رسول الله  
 نجه آیا روادور هر یانا بدعت سوتک آخسون  
 یوزه تزویر یله دینی دانان لار رنگ دین یاخسون  
 دگیشسون حکم قرآنی اولار دورسون علی یاخسون  
 اولا پامال احکام شریعت یار رسول الله  
 عم او غلوم بالی سنمیش قوشدی همت آسمانینده  
 اوتور موش فرش ایدر سنمیش قانادین آشیانینده  
 قالب پر وازدن او چماق هواسی وار روانینده  
 ولیکن نیلسون یوخ موقعیت یار رسول الله  
 نچه دردیم قاریمیش بیر بیره باغیریم دونوب قانه  
 ازوم ایله مریضم هیچ امیدیم یوخدی درمانه  
 هامی غم غصّه بیر یانه عم او غلوم دردی بیر یانه  
 باخاندا یاغدیروور دنیاچه حسرت یار رسول الله

باخاندا حسرتیله من منه حسرت باخار آغلار  
 آخاندا گوز یاشیم رخساره گوز یاشی آخار آغلار  
 یانارلی خاطریمی یاندرار آهی یاخار آغلار  
 چکنده دلن آه پر حرارت یار رسول الله  
 عم او غلوم درد الیندن قان اوتار احوالینی بیلم  
 یوزینه من اودور گه گه باخوب لبخند یله گوللم  
 نهانی آغلارام گورسم باخور گوز یاشیمی سیللم  
 مبادا دلده ایتسون دردی شدت یار رسول الله  
 امانیم اولمادی کامیمجه سینه داغلیام باری  
 گوزومدن گوز یاشی رخسار زرده باغلیام باری  
 عزالیدیم ایویمده قویمادیلار آغلیام باری  
 دل پردرد اولا بیر قدر راحت یار رسول الله  
 اورکده باغلادی غم عقده ازبس جانه من یتدیم  
 داخی چارم کسیلدی منزلی هر صبح ترک ایتدیم  
 حسینیه حسن یانیمده گوز یاشلی چوله گتدیم  
 ایدم ناله بوشالسون دلده محنت یار رسول الله

پناه ماسوا ای هر جلال و شأنه زیبنده  
 سالاردیم باشینه هر دردمندین سایه ساینده  
 زمانه دوندی اولدوم سایه نخله پناهنده  
 دنی دنیاده وار گور نه دنائت یار رسول الله  
 بیله ده درد اولار عقد مصیبت باغلیاخ چولده  
 عم او غلوم قالسون آغلار ایوده بیزده آغلیاخ چولده  
 او یانسون ایوده دلن بیزده سینه داغلیاخ چولده  
 غمیله دوتموشوخ بیز گورنه الفت یار رسول الله  
 بیر اودلی آهیله من چولده سینه داغلادیم یاندیم  
 دلیمده و آبا اشگی عذاره باغلادیم یاندیم  
 آدون دلده گوزومده گوز یاشی قان آغلادیم یاندیم  
 اولوبدور آغلاماق زهرایه عادت یار رسول الله  
 حسینیه حسن منده گوزی گل یوزلری سولدی  
 حجازی نغمه سیله او خشادوخ چول شور یله دولدی  
 او نخلین سایه سی دوندی ایله دارال عزا اولدی  
 اودمده تاپدی معنا اوزگه صورت یار رسول الله

گوروب بو صحنه محنت فزانی هر گورن دوردی  
گورن دوردی باخوب بو ازدحامه هر گلن دوردی  
دایاندی هر گلن دوردی قیتدی هر گیدن دوردی  
بیوک بیر انجمن قوردی جماعت یار رسول الله  
سوروشدی کیمدی بوناله ایدن هر کس یاخونلاشدی  
دیدیلر فاطمه گوز جامی اشگیله دولوب داشدی  
بیز آغلاشدوخ بیز یله خلق اولوب همناله آغلاشدی  
او صحرا اولدی صحرای قیامت یار رسول الله  
دیدیلر تنگ ایدوب زهرایه دنیانی ایله اعدا  
گلوب چوللرده اطفالیله آغلار دختر طاها  
سقیفه اهلی نی یثربده ایتدی بوخبر رسوا  
اونخلی گلدی کسدی اهل بدعت یار رسول الله  
کسیلدی سایان بی سایه قالدوخ تاب اطاقینده  
صفالر گندی یوزلردن او تاینن احتراقینده  
حسینیه حسن رخساری یاندی گون قباقینده  
سولوبلار گلرخان باغ جنت یار رسول الله

عم او غلوم دوزمدی بو حاله اولدی خاطری ناشاد  
منه آغلار گوزیله بیت الاحزان ایلدی ایجاد  
گوروم اولسون علی نین هر ایکی دنیا ایوی آباد  
عم او غلومدان واریمدور چوخ رضایت یار رسول الله  
ایله دنیا دوشوب چون اشگ چشم اشگبار یمدن  
داخی من دویموشام یکسر حیات مستعار یمدن  
گوزی یاشلی اودور مرگ ایسترم پروردگار یمدن  
گوزلدور بو دعا تاپسا اجابت یار رسول الله  
حرام ایلوب ایله راحتیلیقی دشمن بو ناشاده  
داخی آسوده لیق یوخدور منه بو دار دنیاده  
مگر گلسون اجل آسوده ایتسون تحت غبراده  
گیدوب بلکه یاتام من اوردا راحت یار رسول الله  
سراغ شادی آلمیشدیم جوان لیق زندگانیدن  
نصیبیم اولمادی سندنصورا هیچ شادمانیدن  
سنق قول قامت خم قالدی دوران جوانیدن  
ایدوبدور اقتضا بیله مشیت یار رسول الله

اولوب کانون غم قلییم غم اوسته غصّه آلماقدان  
 گل زرده ورار طعنه یوزوم رنگی سارالماقدان  
 گوارادور منه ألقاق بونوعی زنده قالماقدان  
 اودور مرگ ایسترم ساعت بساعت یارسول الله  
 بهار عمریمی باد ملال ایلر خزان ألقم  
 او قدری اوتوشام قان لاله تک من باغریقان ئولقم  
 قوجالدوب غم ایاقدان دوشموشم بیلقم جوان ألقم  
 قالار ایل لرله دلرده بو صحبت یارسول الله  
 قوتاردی عمرینی مرضیه زهرا بیت الاحزاندا  
 قزی صحرانورد اولدی گهی گه قالدی زنداندا  
 گهی ویرانه لر کنجینده یاتدی شام ویراندا  
 دیردی زینبه ایله حمایت یارسول الله  
 بابا ویرانه گوگلوم گلدی بو ویرانه ده درده  
 بسان لاله باغریقیم باغلادی قان پرده به پرده  
 رقیتم ألدی نعشی از حسینیم تک قالوب یرده  
 کیمیم وار کیمدن ایلوم استعانت یارسول الله

غلاموز تائب من بیلمرم مولا سوا سیزدن  
 شکسته خاطریم قیلام تقاضای صفا سیزدن  
 مریضم وار ایویمده ایسترم کافی شفا سیزدن  
 اطبا ایلینمز لر طبابت یارسول الله  
 سنی ویرم قسم قلبی سنق مظلومه زهرا یه  
 خدادن آل شفا ویر بو مریض بی مداوا یه  
 جواندور قز بالالی قالماسون اطفالی بی سایه  
 آناسیز گورمه سونلر رنج ذلت یارسول الله

### یا حضرت زهرا (س) ادرکنی

یا زایلمزایمده کی خامه، وصف ستر و حجاب زهرانی  
جمع او لا گر تمام نابغه لر، شرح ایدنمز کتاب زهرانی  
دفتر عمرینه و راندا ورق اولی منشوره کتاب الله  
خطبه سینده اولان خطابه لری اولی انگیزه خطاب الله  
هم رضاسی اولور رضاء الله هم عتابی اولور عتاب الله  
وای اوبی شرم و بی حیایه ازی گوردی قهر و عتاب زهرانی  
خلقت خلق عالمینده گلوب چوخ عزیزه خانم بودنیایه  
ویریلوب هاجر یله ساریه امتیازات پایه به پایه  
ویروب الله ذوالجلال ولی آیری بیر امتیاز زهرایه  
بیر حساب اوسته کل نسواندان آیر و بدور حساب زهرانی  
مریمین امتیازی قرآندا چوخ گوزل طرز یله اولوب انشا  
کل نسوان دن اودور اولایک زهرادی مریم کبری  
اوبیر عیسی آناسیدور اما اون بیر عیسی آناسیدور زهرا  
روشن ایلوبدی سورة کوثر امتیاز جناب زهرانی

تک اوزیندن صور ابو عالمده قویدی مریم گیدنده عیسانی  
لیک زهرا گیدوب ذرارسی دولدور و بدور تمام دنیانی  
یا زیلوبدور کتاب فاطمه ده نام اولادی یو خدی کتمانی  
صاحب العصر از کنارینده ساخلیوبدور کتاب زهرانی  
حق احمدده کلمه لولاک گلدی سوی خدای اعظم دن  
فاطمه پاره تنیمدی منیم قول واردی رسول اکرم دن  
بیله بیر امتیاز یله مطلق اولی افضل بتول مریم دن  
ننگی یوخ بلکه افتخار ایلر اُپسه مریم جناب زهرانی  
بیر نجیبه خانمدی هر یرده بر ملا صحبت نجابتیدور  
بیر عقیفه خانمدی عفته عفتی پرده دار عفتیدور  
بیر خانمدور مقام عصمتده هامی عالم گواه عصمتیدور  
عصمتی خلق ایدن او عصمتدن یارادوبدی نقاب زهرانی  
ادبین ذکرایدم حیا ایدورم ادبین آخر و ازل سوزیدی  
نه دلیله دیوم حیا سیندن چون حیائیه عصمتین گوزیدی  
عقتیندن دیوم نجه یکسر بیر خانمدور که عقتین اُزیدی  
نه دیوم من گرک حجابین اُزی ایده و صف حجاب زهرانی

گتور ردی گورنده فاطمه نی جوشه قلبینده مهر طاهانی  
 باغرینا جان کیمی باسوب گل تک بوس ایدردی جمال زهرانی  
 یوزی زهرا یوزینده سویلردی سنه قربان اولآتان جانی  
 شانہ ایلردی دست رأفتیله زلف پرپیچ وتاب زهرانی  
 بیرخانم که بیلردی پیغمبر عزت وشوکت وجلالتینی  
 سوزسالوب سوزباشی ایدردی بیان قزنین قدر و قرب و قیمتینی  
 حیف بیر عده ناکس ونادان سندیر و بلار حریم حرمتینی  
 آچدی لار باب ظلم اودلا دیلار نارظلمیله باب زهرانی  
 نه قاپو یعنی فاطمه قاپوسی آدلانوب دور جهاندا باب کرم  
 نه قاپو واردی آندر ونینده حسنین و علی امام امم  
 ساخلاموب احترام و حرمتینی قیل وقال ایتدی قوم لایعلم  
 اوجالوب قیل وقال آرتیردی قلبده اضطراب زهرانی  
 دیدیلر بیروبوبایی یاندی تروخ باخماروق وار بوا یوده آل الله  
 وردیلار اودیانوب کرم قاپوسی چرخ مینایه گتدی دودسیاه  
 قاپی اوت دوتدی یاندی مسماری آتش سرخه دوندی یا الله  
 تازه دن یاندیروب یانان دلده آرتروب التهاب زهرانی

پنجة نحسین آچدی زاغ سیاه گل طاهانی زخم دار ایلدی  
 غنچه وقتینده غنچه تریتی شاخه سیندن قروب کنار ایلدی  
 سینه سیندن گلاب سرخ آخدی دوشدوقی خاک کی لاله زار ایلدی  
 بیله بیر صحنه ایلدی غارت قلبدن صبر و تاب زهرانی  
 اویانان بایین آستانینده دیمورم نولدای ایت مرم صحبت  
 قاپونی سندیران قوی پنجه پشت درده ضعیفه بیر عورت  
 قالدی نه حاله بولمورم یارب اوفدا کار بانوی عصمت  
 اوجالوب ناله سی آلوب فضه گوش جانہ خطاب زهرانی  
 گوردی فضه دیور خانم زهراویر خبر داده بو الحسن گلسون  
 غم شریکین یخوبدیلار یارالی درد پنہانیمی بیلن گلسون  
 گوز یاشیم قان اولوب آخور یوزیمه مهر یله اشگیمی سیلن گلسون  
 رشگ ایدر یاغدی ران بولود گورسه گوزایوبینده سحاب زهرانی  
 باغبان وفا گلوب گوردی آستانه اولوبدی گلشن غم  
 هر طرفدن گلاب سرخ آخوری یخلوب غنچه ئیله گل باهم  
 داغلانوب قلبی صورت گلینه گوز یاشین توکدی ایلدی شبم  
 اوزادوب عاطفی الیه سیلوب یوزده کی اشگنا ب زهرانی



دشمن ابرسیاه تک خسفه تامه برج عصمتی سالدی  
 اوزگه حاليله مهر دین گلدی دیزی اوسته اونون باشین آلدی  
 اوندا یاسلی عزالی اولدوز لار نه دیوم من نه حالته قالدی  
 گوردیلر آزالور اولور اولور اولور اولور اولور اولور  
 آغلاسون ازیوینده قویما دیلار غصه سی آرتدی قلب سوزاندا  
 بیر آغاج کولگه سین ایدوب مسکن سس چکوب آغلادی بیاباندا  
 اونیدا کسدیلر گیدوب ایتدی عمریجه ناله بیت الاحزاندا  
 تادم مرگ ایلوبله حرام اشقیا خوردو خواب زهرانی  
 تائب ادر دیله دولوب اورگون وار کیمون ایلویه بودرده دوا  
 وریانان قلبیله یانان قاپونی سسوه سس ویرر خانم زهرا  
 قاپوسی رحمت و کرم قاپوسی ازی محبوبه حق یکتا  
 الی بوش اولموب اولماز عالمده دُیسه هر کیمسه باب زهرانی

### در شخصیت حضرت فاطمه زهرا (س)

بحر موج ادبده پربها گوهردی زهرا  
 بانوی مهد عفاف و عصمت داوردی زهرا  
 نور احمد نور سرمد مرتضی نفس محمد  
 شآنده عزتده کفو فاتح خیبردی زهرا  
 یرده مرضیه آدی گویلرده منصوره ملقب  
 رحمت رحماندی یرده عرش ایچون زیوردی زهرا  
 هم جلیس مصطفادی هم نشین مرتضادی  
 تاج فرق مصطفاده باشفق گوهردی زهرا  
 فاطمه گر اولماسیدی مرتضا تا پمازدی همسر  
 اولین و آخیرینده کفو اولان همسردی زهرا  
 مرتضادور چون شهاب ثاقب و زهرا فروغی  
 چرخ عصمتده اولان بیر نیر انوردی زهرا  
 حضرت زهرا رضاسی بی سخن الله رضاسی  
 ذات خلاقه حبیبه پاکدل اطهردی زهرا

ایزدی عشقین نهالی سرمدی حسنین بهاری  
مصطفائی بر شکوفه معنی کوثر دی زهرا  
گوشوار او غلان لاری هم طرفه گردن بندی مولا  
مصطفای آدیله باشدا صاحب افسردی زهرا  
علم کان و مایکونه عالمه نادیده مکتب  
اولین و آخرین علمینده بیر مضمردی زهرا  
لفظ لولا کیله احمد اصل ام خلقت اولموش  
شأنه بیر باخ مصطفایه ام اولان دختر دی زهرا  
آدی لار الدن فدک ملکین ولی قیل سیر دولت  
مالک زیبا بهشت عارض حیدردی زهرا  
یعنی زهرانین بهشتیدی علی نین گل جمالی  
روی مولایه باخوب یاد بهشت ایلردی زهرا  
گر خانم غاصب قبایلینده قیام ایتدی دانشدی  
زینبه حق آماقا نهضت یولون گوستردی زهرا  
سینه دن اوغلی حسین و یردی شیر انقلابی  
انقلاب کربلا ده مظهر و مظهر دی زهرا

بو کمال هم تیله سال دیلار افسوس ایاقدان  
قامت سروین دیموبلر جان پیغمبردی زهرا  
داد او ساعتدن تو کولدی باب زهرا یه جماعت  
اودووروب یاندیر دیلار سانموبلا صاحب دردی زهرا  
دسته زاغ وزغن طاها گلینه آچدی لار ال  
آستان درده گوردی غنچه سی پر پردی زهرا  
بیرنچه ایل باغبانلیق ایلوب باغ ولاده  
باغ عمری تاپدی آفت بار محنت دردی زهرا  
سینه ده گز لتدی در دین قبره دل در دین آپاردی  
در دا و نون هم دردی اولدی در دینین هم دردی زهرا  
گزلین آغلاردی سیلردی گوز یاشین زینب باخاندا  
بیر دو تولموش ابره اقا رؤیتاً بنزردی زهرا  
او باخوب گه زینبه زهرا یه گه زینب باخاردی  
جان آنا سسلردی زینب جان قزیم سسلردی زهرا  
جانه یتدی درد الیندن ایش یتشدی بیر مقامه  
یا الواروب اللهه هر لحظه اوم ایستردی زهرا

عرض ایدردی بارالها دویموشام بوزندگی دن  
 نیلورم بیله حیاتی گر آله بهتردی زهرا  
 عمریمی قورتار الهی دردو غمدن قورتولوم من  
 طالب درک حضور پاک پیغمبردی زهرا  
 ایلیوم آگه بابامی دلدہ کی درد دلیمدن  
 گرچه آگهدور اورکده بسلیوب مین دردی زهرا  
 چکموشم امت الیندن نه جفا بیریر دیوم من  
 تا اولا اعلان قتیل فرقه کافر دی زهرا  
 المیوب زهرانی ازبس انجیدوبلر الدوروبلر  
 مصطفا دیدارینه مجروح یوز دوندردی زهرا  
 خواستار اولدی عنایت یازدی بو اشعاری تائب  
 بسدی تصدیق ایتسه بو اشعاردن بیر فردی زهرا  
 تائبا اهل ولایتسن خانم ایلر شفاعت  
 چون که صاحب اقتدار عرصه محشر دی زهرا  
 گل میونجه فاطمه صحرای حشره محشر اولماز  
 حشر اعظم آیری محشر محشر دیگر دی زهرا

**حضرت زهرا و ظالم دشمن به او  
 و اشارتی به واقعه کربلا**

اگر سیلی او ظالم صورت زهرا یه ورمازدی  
 عدو کعب سنان اول زینب کبرایه ورمازدی  
 اگر حق علی غضب اولماسیدی تادم محشر  
 قلم دشمن حقوق عترت طاهایه ورمازدی  
 او ظالم گر لگد مال ایتمه سیدی حق زهرانی  
 لگد زجر شقی اطفال مه سیمایه ورمازدی  
 اگر اود ورماسیدی بی خیالر باب زهرا یه  
 عدو آتش خیام زاده زهرا یه ورمازدی  
 قاپی پشتینده مقتول اولماسیدی محسن زهرا  
 عدو اوخ حلق ناز اصغر زیبایه ورمازدی  
 پیمبرقلیننی سن دیرماسیدی دشمن جانی  
 شقی منقذ یارا شبه شه بطحایه ورمازدی  
 اگر بازوی زهرا گور مسیدی قمچی شام اهلی  
 ستمله تازیانه زینب کبرایه ورمازدی

علیدن اولماسیدی نقل فی العین قذا دشمن  
کنار نهرده اوخ دیده سقایه ورمازدی  
بتولین اویماسیدی سینه سین مسمار در اعدا  
حسینون پیکرینده اوخ دل شیدایه ورمازدی  
علینی مسجده گر چکمه سیدی خصم قول باغلی  
عدو زنجیر کین سجّاد دل آرایه ورمازدی  
شهیده اولماسیدی فاطمه گر راه مولاده  
باشین زینب ستون محمل والایه ورمازدی  
اگر دشمن بتولی ورماسیدی ساربان سیلی  
رقیّه آدلی نازلی دختر رعنایه ورمازدی  
امید ساحل امن اولماسیدی تائبه هرگز  
خداگویان اُزین بی باک هر دریایه ورمازدی  
اگر مایوس اولیدی لطف مولادن امیدله  
او کشکولین بو بحر قلزم مولایه ورمازدی

زبانحال حضرت زهرا (س)  
درد ۳ واپسین خطاب به علی (ع)

گل عم اوغلی گیدور الدن زهرا  
جلب ایدور دعوت جانان آپارور  
درک ایدوب پیک اجل دلدہ یارا  
پیک جانان گتوروب جان آپارور  
چکـمیشم درد و غم دورانی  
باغریقان ترک ایدورم دنیانی  
تندسیر اسب اجل زهرانی  
چوخ شتاباندی شتابان آپارور  
گزدیروب جام بلا ساقی غم  
ایچدیروب فاطمیه قان هر دم  
باغلیوب قانه دونن باغری ورم  
دلدہ دریاجه دولی قان آپارور

موج طغیانیلہ غم عمّانی  
 غرق ای دردی یارالی زهرانی  
 دادینہ یتدی اجل طوفانی  
 ساحل امنہ او طوفان آپارور  
 واریدی دلہ غم پنہانیم  
 دردی مہ الما قیدی درمانیم  
 شکر اولاً لطیفیلہ اوز جانانیم  
 ایلیوب دردی مہ درمان آپارور  
 چکمیشم محنت ہجران گیدورم  
 لالہ تک باغریم اولوب قان گیدورم  
 باباما یارہ لی مہمان گیدورم  
 میزبان دعوتی مہمان آپارور  
 بیر قوناقم سیزی ترک ایتملیم  
 وقت یوخ قالماقا تیز گتملیم  
 بابامین محضرینہ یتملیم  
 از بابام عشقی شتابان آپارور

چاغروب قدرت اول یارالی  
 امرایدوب محضریمہ گل یارالی  
 گیدورم سینہ یارا ال یارالی  
 یارالی جذبہ جانان آپارور  
 آریوب جان ستم اعدادن  
 داخی دوشموش اورگیم یارادن  
 فاطمہ گتملیدور دنیادن  
 گیدوری بیر آریمیش جان آپارور  
 ای اولان کل جہانہ مولا  
 ازی مولا ہامیلاردان اولاً  
 بسلیوب سینہ دہ مہرون زہرا  
 دلہ گنجینہ پنہان آپارور  
 فاطمہ غرق مصیبت گیدوری  
 شاہد اول اہل ولایت گیدوری  
 داغلانان دلہ جراحت گیدوری  
 قبرہ بیر سینہ سوزان آپارور

گل اوخی ناطق قرآن قرآن  
ویر منیم روحیمہ حظّ شایان  
او گوزل لحنوہ زہرا قربان  
دردیمی نغمہ قرآن آپارور  
اولدی چوخ باشی بلالی زہرا  
غصہ لی یاسلی عزالی زہرا  
بولوسن دلده یارالی زہرا  
نقدر محنت دوران آپارور  
یوردی اندوہ و الم زہرانی  
مادر محنت و غم زہرانی  
ایلدی قامتی خم زہرانی  
دہردن قامت چوگان آپارور  
لطفاً آسودہ خیال ایله منی  
یعنی مشمول نوال ایله منی  
رَنجشین اولسا حلال ایله منی  
دل غبارین بیله احسان آپارور

واردی سیلی ییری سیمین روده  
تازیانہ اثری بازوده  
بیر سنق ال یارالی پهلوده  
قبرہ بو دیدہ سی گریان آپارور  
یادایله لطفیلہ نسکل لریمی  
ساخلا گوزاوستہ شیرین دللریمی  
سنہ من تاپشورورام گللریمی  
بولارا رشگ گلستان آپارور  
واردی دنیاچہ بو گللرده صفا  
ہم صفا واردی ہمی بوی وفا  
گللریم عطرین آلوب باد صبا  
جنتہ نکہت ریحان آپارور  
جان قویوب جوهر جان بسلمیشم  
جان عالمده روان بسلمیشم  
نوگل باغ جنان بسلمہ میشم  
غبطہ بو گللرہ رضوان آپارور

گل جنت حسنینمدی منیم  
 تک تک کی نور دو عینمدی منیم  
 قلبیم آرامی حسنینمدی منیم  
 دردی آرام دل و جان آپارور  
 گیدورم من حسنینم قالوری  
 بو ایکی نور دو عینم قالوری  
 گوزی یاشلی بو حسنینم قالوری  
 هجریم اوندان لب خندان آپارور  
 قیل محبت حسنین آغلامسون  
 بو ایکی نور دو عین آغلامسون  
 خاصه گل یوزلی حسین آغلامسون  
 گوزیاشی رونق عثمان آپارور  
 دللری داغلار اورک داغلاماقی  
 خون دل گوزدن اوزه باغلاماقی  
 آغلادار یرگویی قان آغلاماقی  
 رشگ گوزیاشینه باران آپارور

گوزلری دولسا هامی دیده دولار  
 گلستان لار گل اوزی سولسا سولار  
 آغلاسا دهر عزاخانه اولار  
 ناله سی گو یلره افغان آپارور  
 هر سوزوم شرح اولابیر مطلب اولی  
 آنیه قز هامودان اقرب اولی  
 جانشینیم بو قزیم زینب اولی  
 من کیمی رنج فراوان آپارور  
 زینبیم شرم و حیا دریاسی  
 زینبیم و قرو ادب سیماسی  
 زینبیم دور بو ایوین زهراسی  
 آنادان ارث بو ذیشان آپارور  
 اولی زهرا کیمی زهرا بالاسی  
 آلا جاق دور دله هجران یاراسی  
 اولاجاق دور آناسیزلار آناسی  
 بو عمل همت شایان آپارور



گیدوری الدن آناسی بوقزین  
 باشلانور دردوبلاسی بوقزین  
 وار غم کربوبلاسی بوقزین  
 اوردا غم غصہ فراوان آپارور  
 آناسیزلاره بوگون یار اولاجاق  
 کربلاده گنه تکرار اولاجاق  
 چوخلی ایتمه پرستار اولاجاق  
 صبريله آخره پیمان آپارور  
 ویرماقا باشه ازل پیمانین  
 وقفایدرد اوردا بلالی جانین  
 ایتماقا زنده حسینین قانین  
 شامه بیر جمع پریشان آپارور  
 تائب اول خادم شاه شهدا  
 بیر مدال ایلر آناسی اعطا  
 اولسا سیننده مدال زهرا  
 جتته سرور عطشان آپارور

## حضرت علی (ع) در سوگ زهرا (س)

یان ای گوگل که دلدہ کی حسرت شراریدور  
 آغلا گوزوم کہ آغلاماقین نوبہاریدور  
 زہرا وفات ایدوبدی علی ساخلیوب عزا  
 آغلار گوزیلہ فاطمہ نین سوگواریدور  
 ایلوب وفالی ہمدینی اوز الیلہ دفن  
 ہمدم اونیلہ آہ دل پر شراریدور  
 گوزیاشینی گوزیندن ایلہ یاغدیورور یوزہ  
 باران ابر گوزیاشینین شرمساریدور  
 آغلار گوزیلہ قبر بتولہ خطاب ایدر  
 سندہ یاتان رسول خدا یادگاریدور  
 ہم مصطفی عزیزہ سی مظلومہ فاطمہ  
 ہم مرتضی قرار دل بیقراریدور  
 ایلہ خانمدی مثلی بو دنیاہ گلمیوب  
 گلمز نقدر دوردہ دوران مداریدور

واردور بو کارخانہ خلقتدہ چوخ گوزل  
 کانون خلقتین بو گوزل شاہکاریدور  
 گردون عفتین مہ تابان عفتی  
 دریای عصمتین گہر شاہواریدور  
 روح علیدی فاطمہ سندہ اولوبدی دفن  
 مہریلہ ساخلا مہر و محبت عیاریدور  
 ایلہ نجیبہ دور کہ نجابتدہ مثلی یوخ  
 بیر باحیادی شرم اونون آئینہ داریدور  
 باشندان ایاقہ مہر و محبت صفای دل  
 روح وفادی عاطفہ بنیانگذاریدور  
 دنیا و آخرت خانمی بضعہ رسول  
 نسوان عالمین شرف و افتخاریدور  
 دنیا دہ واردی ام ابیہا گنیثہ سی  
 ہم امتین شفیعہ یوم شماریدور  
 تائب کتا بلردہ گورن مطلبی یازار  
 بیلہ نگارش قلم خوش نگاریدور

نومید لر او گونده تمام امیدیه  
 بانوی هر دو عالمین امیدواریدور  
 تنها نه امتین گوزی زهراده دور اوگون  
 بلکه رسول حقه اونون انتظاریدور  
 گوزلر قزی بتول الیندن گلوب دوتا  
 اوردا خانم رسول خدا دستیاریدور  
 سس خلق اولارا ودمده که یومسون هامی گوزین  
 زهرا گلور وقاریله همره وقاریدور  
 بیردن گلر ظهوره اودم نور فاطمه  
 ظلمات دشت حشرین اولان نورباریدور  
 هامی پیاده موقف محشرده بیر فقط  
 زهرا خانم او معرکه ناقه سواریدور  
 پیراهن حسینی سالوب باشینه گلر  
 یعنی که انتقامین اوگون روزگاریدور  
 بیره یارالی الدهه ایکی قانلو ال دیر  
 عبّاسمین یدان یمین و یساریدور

اللّٰه یولوندا بو ایکی اللر اولوب فدا  
 بوگون کی گون شفاعتیمین اعتباریدور  
 بیر قانلو اُنوک الدهه سالار شور محشره  
 آغلار دیر بو اصغریمین یادگاریدور  
 ای اهل حشر سودامریم تک منیم گورون  
 مظلوم اولان جهاندا کیمین شیرخواریدور  
 بیره بالاسی محسنه راجع نه لر دیر  
 من عاجزم یازام او اساتیدکاریدور  
 مولا دیوبدی امت قرآن شفیعہ سی  
 پیغمبرین صبیّه والاتباریدور  
 اللّٰه ویروبدی فاطمیه بو جلالتی  
 بو عزتی مواهب پروردگاریدور  
 بیله جلال صاحبینی قبره گوندَرَن  
 پهلوسنق یارالی زمانه شراریدور  
 مرضیه اُمدی وروب اُدوردیلر اونی  
 قاتل مدینه نین نچه بی ننگ و عاریدور

نیلو بدیلر دیر اوزی بیریر آتاسینا  
دیوان ایدن او قوميله باب کباریدور  
داغلار بویی اورکده غم و غصه جان و یروب  
همراه اوزیله درد دل بی شماریدور  
آز عمر ایدوب آزعمرده چوخ انجیدوبدیلر  
یورقون گلوبدی خسته وجود نزاریدور  
قلبینده آرزولری قالموش جوان اَلوب  
همدم اونيله نسکل اندوه باریدور  
سنمیش قاپیم یاناندا اونون سروقامتی  
بیر قائلو آستانه اونون جویباریدور  
بیر شاخ لاله دور که سینوب تازه غنچه سی  
بر قائلو قتلگاه اونون لاله زاریدور  
بطحا غزالیدور بونی مجروح ایدوبدیلر  
صیاد مرگین ایمدی یارالی شکاریدور  
جان جهانندی جان کیمی باس باغریوا ولی  
انجیتمه جسمی دست جفا زخم داریدور

پهلوشکسته ال یارا مجروح سینه سی  
گزلتدیقی مصیبتنون آشکاریدور  
زهرادی واردی زهره جمالینده ال یری  
لطمه گوروبدی نیلی او سیمین عذاریدور  
بو گوش هوشیمه اوتوروب اوندا ایمدیده  
زهراسزیلتی سی او جالان آه و زاریدور  
یانماز نجه دلیم نیه سنماز منیم بلیم  
ارخام گیدوب بوکن بلیمی غصه باریدور  
یالقیزلیوبدی غم منی مرضیه دن صورا  
درد فراق یار بو بی یار یاریدور  
ال دن گیدوب وفالی کمک دشمن ال تاپوب  
بوندان صورا سیاه علی روزگاریدور  
دشمنلریم ایاق گوتوروب اوستومه منیم  
فقدان فاطمه بو علی انکساریدور  
شهبازیدیم بتول گیدوب سندی شهپریم  
پرسیز قوش آشیانه سی دارالقراریدور

سَنَمِش قَنَادِیْمِ دوشِرم آشیانده  
 پرواز ایدنمرم بوغمیم اختصاریدور  
 بیر داغ چکدی سینمه زهراگیدن زمان  
 حشره کیمی او داغین اورک داغداریدور  
 غم غصّه روحیمی داخی محبوس ایدوب منیم  
 جانندان اوساندیران منی غملمر فشاریدور  
 نه خیر وار جهانده مرضیه دن صورا  
 مرضیه سیز جهان منه محنت حصاریدور  
 ایکاش اجل تاپا منی منده خلاص اولام  
 بوگوزلریم او پیک اجل انتظاریدور  
 بی جا دگل که من ایدرم اُلماق آرزو  
 بو آرزو آدامسیزین انجام کاریدور  
 قورخوم بودور که چوخ یاشیام غصه چوخ گورم  
 بو زندگی بو بی کسه روح انزجاریدور  
 مشهوردور آچار دو تولان قلبی آغلاماق  
 اما منیم دلیم گره دردی کاریدور

هر قدر آغلورام گنه قلبیم آچیلموری  
 قلبیم اگرچه دردوبلا بردباریدور  
 مرضیه سیز بو گوگولوم آچیلسون منیم نجه  
 دلدن سیلنمین غم و محنت غباریدور  
 نسکل لری دوشر یادیمایانام آغلارام  
 آغلار گوزوم اُلونجه اونون اشگباریدور  
 تا زنده ام بتول فراقینده آغلارام  
 اُلسمده آه و ناله بو روحیم شعاریدور  
 مشکل بیر اولسا حل اولی بوگیردارده  
 مظلوم اولان علی ایکی مشکل دچاریدور  
 قبر بتولی ترک ایده قویمور علاقه سی  
 چون که بتول روحدن آرتوخ نگاریدور  
 قالسون نجه اوشاقلاری باشسیز قالوبدیلار  
 چوخ ناگران بو باره ده قلب فگاریدور  
 روحی بو یرده فکری اوشاقلار یانندادی  
 شوره گلن او اودلی دل شورباریدور

بوردا علی سزیلدیری یا فاطمه دیور  
 ایوده گویه چیخان بالالار آه و زاریدور  
 آغلار گوزیله دوردی گیدوب منزله گوره  
 زینب نجه یتیم لرین غمگساریدور  
 گوزیاشینی سیلوب بالالار گورمه سین اونون  
 گوهر نثار دیده گوهر نثاریدور  
 وارد اولاندا گوردی حسین وای آنادیر  
 در یتیمه دولی چشم خماریدور  
 آغلار حسن ورار قزی کلثوم سینه  
 ایوگلشن عزادی اوشاقلار هزاریدور  
 بلبل لريله اولدی هم آواز باغبان  
 آغلار دیلار دیردیله شیون بهاریدور  
 مولا باخوب بالالارا دولدوردی گوزلرین  
 یعنی علیده فاطمه نین سوگواریدور

فرمایش ایتدی زینبیم اوخشا من آغلیوم  
 دور مورگوزومده گوزیاشی غم چشمه ساریدور  
 قزلار آنایه چوخ گوزل اوخشارگوزل قزیم  
 اوخشا او اوخشاماق آناسیزلار شعاریدور  
 زینب یانقلی اوخشادی شیرحق آغلادی  
 ماتم نشینون آری بورسم و قراریدور  
 تا آغلادی علی بالالار دگدی بیریره  
 گویاکه آل فاطمه روز شماریدور  
 زینبده آغلاماقی آناسیندان اورگشوب  
 زهرا بلالی زینبین آموزگاریدور  
 تائب ولایت اهلیدی آل رسالتین  
 هم نوحه خوانیدور همی نوحه نگاریدور  
 بسدور بو افتخار ایکی دنیاچه تائبه  
 مولا بویورسا فاطمه خدمتگزاریدور

## حضرت علی (ع) در عزای زهرا (س)

ای خدا دلده اولان تاب و توانیم گتدی  
 گتدی زهرا اونیله روح روانیم گتدی  
 نطقده لعل لبی گوهر شهوار توکن  
 بحر عفت صدف پاک دهانیم گتدی  
 دم زهرا منہ بیر دولت امنیتیدی  
 امن سیز قویدی منی امن وامانیم گتدی  
 گو تورر اوستومه بوندانصورا دشمن لر ایاق  
 چون بولوللر او قوی یاور اولانیم گتدی  
 فاطمه آرخام ثلیم هم منہ همسنگریدی  
 سنگریم سندی قوای دل و جانیم گتدی  
 هم منہ فاطمه همدرده می همسریدی  
 قویدی تک درد آراسندا همگانیم گتدی  
 نیلوری فاطمه سیز بیرده علی دنیانی  
 فاطمه گیتدی منیم جمله جهانیم گتدی

هجر زهرائیله یاندی اورگیم سندی بلیم  
 باغ طاهاده اولان سرو روانیم گتدی  
 واردی داغلار بویی دردیم اورکیمده کیم آلا ر  
 درد آلان محرم اسرار نهانیم گتدی  
 او منیم حالیمه آغلاردی اونون حالینه من  
 عمرین آغلار قوتاران اشگ فشانیم گتدی  
 قالدی بُرنده بیانیم دلیمین آلتندا  
 یعنی زهرائیله شمشیر بیانیم گتدی  
 فاطمه دلده اولان قدرت گفتاریمیدی  
 فاطمه گتدی منیم نطق زبانیم گتدی  
 عالم پیر قوجاتدی یارالی زهرانی  
 قبره خم قذیله زهرای جوانیم گتدی  
 اوبهشتی گلی مجروح ایلدی زاغ و زغن  
 سینه ده یاره گل باغ جنانیم گتدی  
 گل امیدیمی دی تاپدی بهارینده خزان  
 داخی الدن منیم امید و گمانیم گتدی

نار نمرود یله یاندی او خلیلی نوریم  
 یارالی آتش ظلمیله یانانیم گتدی  
 دلده زهرا آدی بیر عمر سوزوم تک قالدی  
 تادم حشر آدی دلده قالانیم گتدی  
 ایویمین فاطمه سیز ذوق و صفاسی یو خودور  
 چون بو ایودن او صفابخش روانیم گتدی  
 قدری تک فاطمه نین قبری ده اولدی ایتگین  
 مدفنه گنج گران قدری گرانیم گتدی  
 سایه سیز قالدیلا گل یوزلی حسین و حسنین  
 نازلی زینب باشینا سایه سالانیم گتدی  
 زینبیم اولدی یزینده آناسیزلار آناسی  
 آنالار عزتی باعزت و شأنیم گتدی  
 نوحه خواندور منه تائب دوتولوب زندانه  
 حق یازوب حق دانشان نوحه یازانیم گتدی  
 دین یولوندا ازوب ال ماملکیندن او دیر  
 گتمدی دینیم اگر مالیه جانیم گتدی

### حضرت علی (ع) در عزای زهرا (س)

گتدون ای روح روانیم زهرا  
 اولدی قان اشک روانیم زهرا  
 باغریمی قان ایلدون دیده گریان ایلدون  
 حیف خاتون دو عالم گتدون  
 ایلدون قامتیمی خم گتدون  
 منه دنیاچه قویوب غم گتدون  
 واردی اندوه گرانیم زهرا  
 ویردیم الدن یارالی همدیمی  
 اون بیر عیسی آناسی مریمیمی  
 دردیمی دلدن آلان محرمیمی  
 دردیمی دلدن آلانیم زهرا  
 ایویمین روح شفاسی گتدی  
 دردیمین دلده دواسی گتدی  
 ایویمین سنله صفاسی گتدی  
 اولدی غمخانه مکانیم زهرا



سنیدون یار دل آرای علی  
 دلده آرام و تسلائی علی  
 گتدی سنله هامی دنیای علی  
 مندن آیریلدی جهانیم زهرا  
 سن کیمی سر سرشتیم گتدی  
 هم پناهییم همی پشتیم گتدی  
 سن کیمی روح بهشتیم گتدی  
 یوزی مرآت جنانیم زهرا  
 ای اولان عصمت ذات یکتا  
 گوهر عفت و دریای حیا  
 سن گیدوب قویدون علینی تنها  
 صدف پاک دهانیم زهرا  
 سنیدون راحت جان صبر دلیم  
 سنیدون داده یتن ارخام ثلیم  
 سن که گتدون یارالی سندی بلیم  
 واردی بیر قد کمانیم زهرا

سن منیم یار و مددکاریمیدون  
 سن منیم محرم اسراریمیدون  
 سن منیم غم گونی غمخواریمیدون  
 گتدون ای غصه ستانیم زهرا  
 سنیدون فاطمه محکم سنگر  
 گتدون اولدوم داخی من بی یاور  
 منی یالقزلیه جاق دشمنلر  
 منیم امید و گمانیم زهرا  
 سن منه دلده بیوک قوتیدون  
 سن منه قدر تیدون دولتیدون  
 سن منه مایه امنیتیدون  
 سننله گتدی امانیم زهرا  
 او گوزوندن اولابو حال ایراق  
 سن که مندن ازوبال دوشدون اوزاق  
 گوتورر اوستومه دشمنلر ایاق  
 ال تاپار دشمن جانیم زهرا

اوزولوب روح روانیمدن الیم  
 گهر بحر بیانیمدن الیم  
 ناطق پاک دهانیمدن الیم

سندی شمشیر بیانیم زهرا  
 ترک ایدوب معرض دشمنده منی  
 یالقیز ایوده دم شیونده منی  
 ایلدون درده پناهنده منی

همدمیم اولدی فغانیم زهرا  
 گذریم دوشسه منیم گلزاره  
 توش گورسم گلی نیش خاره  
 آلاجاق یاره لی قلبیم یاره

یاناجاقدور دل و جانیم زهرا  
 صحن گلشنده گل باغ ارم  
 شاخه گلده سنق غنچه گورم  
 من سنون محسنوی یاد ایدرم  
 سلب اولار تاب و توانیم زهرا

لاله گورسم سنی یاده سالارام  
 اوزگه بیرحالته یانام قالارام  
 لاله تک سینه من داغ آلارام

دلده وار داغلی نشانیم زهرا  
 گجه وقتی یوخی گلمز گوزیمه  
 همدمیم یوخ قولاق آسون سوزیمه  
 دانشوب سوز دیرم از ازیمه

دیده ده اشگ روانیم زهرا  
 داریخان وقتده سنسیز مَلرم  
 قبرون اوسته دل شبده گلرم  
 یوزه گوزیاشیمی گوزدن الرم

اوج ایدر عرشه فغانیم زهرا  
 سینه دن صبریمی آلدون گتدون  
 گل یوزون سولدی سارالدون گتدون  
 نوجوانلیقدا قوجالدون گتدون

قوجالان غملی جوانیم زهرا

دیمه چوخ دردوغم آلماز اورگیم  
 کاریدور زخمی صاغالماز اورگیم  
 دولیدور غمله بوشالماز اورگیم

واردی چوخ دردنهانیم زهرا  
 غم هجرانون ایدوب باغریمی قان  
 اولدی محبوس اوغم اوستونده روان  
 کاش ایده ترک قفس طایرجان

چخا بو حالدده جانیم زهرا  
 زندگی خیر اولا سنسیز حاشا  
 آغلارام دوشدی گوزومدن دنیا  
 قورخورام دهرده عمریم چوخ اولا

چوخ اولا رنج روانیم زهرا  
 دلغمین ایتسه بیرین ناکسلر  
 بیر سنق قلبده مین غم بسلر  
 اُلوم ایستر اُزیننه بی کسلر

مرگ اولوب ورد زبانیم زهرا

گاه دیواره قویوب از یوزیمی  
 گه قوجاقلوب غمیله غم دیزیمی  
 حَسَنینه تیکرم گه گوزیمی

قان اولار اشگ روانیم زهرا  
 دلده آهیم بو دو عینیم آغلار  
 آغلارام من حسنینیم آغلار  
 آن اوای دلده حسنینیم آغلار

اولی بیر مرثیه خوانیم زهرا  
 آغلاروق قلبینی داغلار زینب  
 گوهر اشک اوزه باغلار زینب  
 گوزل اوخشار گوزل آغلار زینب

او گوزل نام و نشانیم زهرا  
 ایستیوب بیله عنایت بو سوزی  
 تائب ایلوبدی کتابت بو سوزی  
 بویوروب شاه ولایت بو سوزی

گتدون ای روح روانیم زهرا

زبان حال حضرت علی (ع)  
بعد از وفات زهرا (س)

ای یادگار مصطفی  
آرام جان مرتضا  
یافاطمه یافاطمه  
یافاطمه یافاطمه

سنسبز غمین اولموش علی  
خانه نشین اولموش علی  
یافاطمه یافاطمه  
من آهیله دل داغلام  
ایوده اوتورام آغلام  
یافاطمه یافاطمه  
گتدون منیم ارخام ثلیم  
سنسبز منیم سندی بلیم  
یافاطمه یافاطمه  
عزلت گزین اولموش علی  
یافاطمه یافاطمه  
یافاطمه یافاطمه  
سنسبز قاپومی باغلام  
یافاطمه یافاطمه  
یافاطمه یافاطمه  
چون لاله قان اولدی دلیم  
یافاطمه یافاطمه  
یافاطمه یافاطمه

گتدون وفالی یاوریم  
قوینومدا قالدی اللریم  
یافاطمه یافاطمه  
ای روحیم آتدون سن منی  
یالقیزلادی دشمن منی  
یافاطمه یافاطمه  
گتدون یتشدون ایمنه  
ایوای منه ایوای منه  
یافاطمه یافاطمه  
گتدون قوناق پیغمبره  
دیدار قالدی محشره  
یافاطمه یافاطمه  
وارتائین آغلارگوزی  
بیله دیدی مولا اوزی  
یافاطمه یافاطمه  
قدرتلی محکم سنگریم  
یافاطمه یافاطمه  
سالدون بیله گوزدن منی  
یافاطمه یافاطمه  
جاریدی اشگیم دامنه  
یافاطمه یافاطمه  
سالدون ملالون دلره  
یافاطمه یافاطمه  
یافاطمه یافاطمه  
آغلارگوزی شیرین سوزی  
یافاطمه یافاطمه  
یافاطمه یافاطمه



### در ولایت حضرت علی (ع)

دل علی خانه محبتیدور  
 دیده آئینه دار طلعتیدور  
 اگرم باش اگرچه کیمسیه من  
 گردنیم زیر بار منتیدور  
 قامتی منظریمده طوبادور  
 هرکسین فکری قدر همیتدور  
 گیتدی عشاقی نوبتیمدی منیم  
 هرکسین بیر زمان نوبتیدور  
 من هارا عاشقی و عشق هارا  
 اثر لطف و یمن همیتیدور  
 من هارا بیر حرم هارا که صبا  
 پرده دار حریم حرمتیدور  
 من الوب توپراق آتداگر چور ویم  
 دلده زنده علی ولایتیدور  
 بی خیال اولما بیله منظر چشم  
 چون که بو گوشه جای خلوتیدور

گر من آلوده دامنم یارین  
 هامی عالم گواه عصمتیدور  
 هر گل تازه کیم بزر چمنی  
 اثر رنگ و بوی صحبتیدور  
 نیلوم خلقتاً نهادیمده  
 جاگزین مرتضا ولایتیدور  
 تائبی گورمه فقر ظاهرده  
 سینه گنجینه محبتیدور  
 هانسی دلدۀ علی محبتی وار  
 دنیوی اخروی سعادتی وار  
 نه علی ختم انبیایه وزیر  
 نه علی اشتهاری عالمگیر  
 هم وصی عزیز پیغمبر  
 هم ولی خدای حی قدير  
 نه علی وصفینه قلم عاجز  
 دلدۀ یوخ مدحه قدرت تقریر

نه علی پشتوانۀ احمد  
 نه علی مصطفایه یار و نصیر  
 نه علی اول امام جنّ و بشر  
 هم طفیلی سی هر کبیر و صغیر  
 یر و گوی خلق اولوبدی خاطرینه  
 بونا خاطر جهان تا پوب تقریر  
 عقل کوتاه دور دور علی تائیه  
 تانوری یاخشی کردگار خبیر  
 نفسۀ تسلیم اولمین ایلین  
 نفس اماره نی الونجه اسیر  
 نه علی جنگ بدرده فاتح  
 نه علی شهریار خبیرگیر  
 نه علی قهرمان جنگ حنین  
 دشمنه حمله ایلین چون شیر  
 نه علی مهدده بولکن اژدر  
 جنگ لرده بسان شیر دلیر

نه علی روز جنگ خند قدہ  
 بت سُون عمرو یله اولان درگیر  
 عمروی تک بیرجه ضربتیه یخان  
 اوجا آوازیله دین تکبیر  
 نه علی غزوه احدده اولان  
 فرقدہ تاج لافتایه جدیر  
 بیر علاوه اوگون کی گون جبریل  
 گتوروب ذوالفقار تک شمشیر  
 حفظ جان رسول اکرم ایچون  
 گوتورن زخم تیغ و نیزه و تیر  
 دوخسان اوچ یاره پیکرینه آلان  
 استقامت ایدن او دشمنگیر  
 اهمامینده بی عدیل و مثال  
 استقامتده بی بدیل و نظیر  
 بیلمورم فاطمه فراقینده  
 نه فشاراتیله اولوب درگیر

تنگ اولوب روزگار مولایه  
 آچدی دل زندگیده شکوایه  
 ازی دلدن یاناردی محنتینه  
 غرق اولاردی سرشگ حسرتینه  
 عزم ایپردی داشاندا دل دردی  
 گجه لر فاطمه زیارتینه  
 دلده یافاطمه گوزی یاشلی  
 دوش نردی بتول تربتینه  
 سسلنردی اولان شریک غمیم  
 دور شریک اول علی مصیبتینه  
 بیر جهان غمدی بیر علی سنسبز  
 دوش موشم درد و غم اسارتینه  
 سن گیدنن منیم یوزوم گولمز  
 باتارام دیدم اشگ حسرتینه  
 گون کیمی گون باتان زمان باتدون  
 گوندوزوم دوندی شام ظلمتینه



گجه هامی یاتاللا من بیدار  
 باخارام گویده ماه صورتینه  
 آی یوزون دوتسالگه بنزدَرم  
 مه جمالوندا ال علامتینه  
 گویده اولدوز آخاندا اوخشادارام  
 گوزیوین یوزده اشگ حسرتینه  
 شاخه گلدن آیری غنچه گورم  
 آغلارام محسون شهادتینه  
 همدمیم یوخدی درد دل ایلیم  
 گلیمش من نگار صحبتینه  
 دفن اولان سینه ده یاراسی اویان  
 باخ علی قلبنون جراحیتینه  
 سینه سی داغلانان علی قربان  
 یارالی سینه وین جراحیتینه  
 ساتاشاندا گوزوم یانان قاپوا  
 یانارام من او هتک حرمتینه

سن یخیلمیشدون اوردا بنزردون  
 بیر نگونسار سرو قامتینه  
 یارالی قان آخاردی سینندن  
 قان دولان آستانه ساحتینه  
 بیله بیلم سز یلدا سان گنه سن  
 دوش موسن اوردا ضعف حالتینه  
 اورگون داغی یاد اولار باخسام  
 لاله نین دله داغ علامتینه  
 اوردا واردور حکایت مسمار  
 ورمارام ال اونون حکایتینه  
 او دولان میشدی آتش سرخه  
 نجه دوزدون او نار ضربتینه  
 چخدی ال دامن وصالوندان  
 وصل قالدی علی قیامتینه  
 سن گیدوب مرتضانی تک قویدون  
 کیم یتر درد بی نهایتینه

داری خوب گل میشم زیارتوه  
 قویموشام یوز بو پاک تربتوه  
 چو خدی قبرون صفاسی یازهرا  
 جان بو قبرین فداسی یازهرا  
 عطر جانان ویرورمشام دله  
 نکهت جان فزاسی یازهرا  
 دویمارام پاک تربتوندن وار  
 تربت روح زاسی یازهرا  
 بوگوزل قبردن صفا آلام  
 واردی دردیم دواسی یازهرا  
 آغلارام دویمارام که وار اورگیم  
 درد بی منتھاسی یازهرا  
 آغلاماق قلب آچار وار آغلاماقین  
 حالت دلگشاسی یازهرا  
 آغلورام لیک آچیلموری اورگیم  
 یوخ آچیلماق بناسی یازهرا

ویرموسن بس نندن جواب منه  
 مهر و رأفت نماسی یازهرا  
 بولموسن چوخ شکسته دلدی علی  
 واردی دلده یاراسی یازهرا  
 گوگلومی آل سنق دل آماقدا  
 واردی اللّٰه رضاسی یازهرا  
 قبرون اوستن هایانه گیتسون علی  
 وار غریبین هاراسی یازهرا  
 دونه بیلمز علی بو مدفنه وار  
 عشق بی منتھاسی یازهرا  
 نجه گتسون یاتوب بو مدفنده  
 سن کیمی دلرباسی یازهرا  
 قیل مرخص گیدوم گوروم ایویمین  
 واردی نه ماجراسی یازهرا  
 ایمدی بیدار اولوب حسین و حسن  
 ایوده وار حشر اساسی یازهرا

زینبیم ایمدی شیونیه قوروب  
 ایوده زهرا عزاسی یازهرا  
 زینب اوخشار اولار حسین و حسن  
 زینبون همصداسی یازهرا  
 صغرسنیه اولوب زینب  
 آناسیزلار آناسی یازهرا  
 یوزی دیوارده قزیم کلثوم  
 دلدۀ وار آه و واسی یازهرا  
 چوخ منی یاندیروور یاخور بوبالا  
 وار یانقلی نواسی یازهرا  
 گه منیم بوینومی قوجاقلیوری  
 دلدۀ ایوای آناسی یازهرا  
 آناسین ایستوری سالور غوغا  
 چوخ او زهرا بالاسی یازهرا  
 هامی بیر یان حسین بیر یانه  
 واردی حال سواسی یازهرا

یارادور غم حسینون آغلاماقی  
 وار مؤثر بکاسی یازهرا  
 سسلینده غمیلۀ و اقمّا  
 آغلادور آل یاسی یازهرا  
 آتلانور سیل توکنده گوزیاشین  
 دیدۀ چشمه ساسی یازهرا  
 اشگیله کپریگی یوزینده یازار  
 وار باشندا بلاسی یازهرا  
 اونیلۀ زینبونده شرکتی وار  
 سفر کربلاسی یازهرا  
 تائبه حشرده شفاعت ایبله  
 پرخطر دور جزاسی یازهرا

زبانحال حضرت علی (ع) بعد از وفات زهرا (س)

ای مدینه مرتضانین یاور و ارخاسی گندی  
 قالدی تک ظلمات غمده زهره زهراسی گندی  
 غنچه سولدی - لاله یاندی - باغریقان زهراسی گندی  
 ای مدینه آغلارام من روزوشب واردور دلیلی  
 ماه برج عصمتیم باتدی منیم رخساری نیلی  
 گوشه چشمی قارالمیش صورتینده نقش سیلی  
 قلب مجروحیم صفاسی اول وفاسیماسی گندی  
 ای مدینه سنده زهرا گل کیمی سولدی سارالدی  
 غصه لر سالدی ایاقدان نوجوانلیقدا قوجالدی  
 سولدی امیدیم بهاری ایده آلیم گوزده قالدی  
 ایده آلیم آرزومین صورت و معناسی گندی  
 ویر خبر اهل مدینه جمله خواب آلوده یاتسون  
 نازیله غافل یاتان لار بستر پر قوده یاتسون  
 آلدی زهرا راحت اولدوز قاتلی آسوده یاتسون  
 قبره داغلی سینه سینده آه آتش زاسی گندی

سس یا توب یکسر سکوت محض اولوب یثرب فضاسی  
 ابر ماتم اگلشوبدور یاغدیورور محنت هواسی  
 واردی چوخ گزلین سزلیتی یوخدی زهرانین صداسی  
 گیتدی زهرانین ازیله بانگ و او یلاسی گندی  
 ای مدینه اهلی سیزلر باب حقه اود وروبسوز  
 سندیروب قلب بتولی باغریقان دولدور وروبسوز  
 باغ طاهانی پوز وروبسوز گللرینی سولدور وروبسوز  
 رنگی سولموش مصطفانین نوگل رعناسی گندی  
 غم ایاقدان سالدی دوشدی آیری شیرین دللریندن  
 دویمادی مرضیه اما اوز گل اوزلی گللریندن  
 گلشنیندن گللریندن خوشنوا بلبل لریندن  
 بی صدا باغ رسالت بلبل شیداسی گندی  
 بیر خانم که ذاتاً اولسون ذات خلّاقه حبیبه  
 نه روا دوشسون او قدری اختناق بی حبیبه  
 عاقبت ویرسون وطنده باشه از عمرین غریبه  
 چوخ غریبانه مزاره یثربین داراسی گندی

حس انسانیتی بو شهرده ترک ایلدوز سیز  
 نخل اسلامی بی باروبی برگ ایلدوز سیز  
 فاطمه تیز لیکدا المزدی جوان مرگ ایلدوز سیز  
 غصه مرگ اولدی اورکده غصه لر دریاسی گتدی  
 فاطمیدی دیزده طاقت دلده یاراسی علی نین  
 فاطمیدی دادخواهی یار و آرخاصی علی نین  
 فاطمیدی لاجرم دنیاده دنیاسی علی نین  
 فاطمه گتدی علی نین سربسر دنیاسی گتدی  
 ازیوینده قویمادوز سیز آغلاسون بیر یاسه باتسون  
 چوله نخلین سایه سینده آغلادی دردین آراتسون  
 سیز گیدوب کسدوزا ونخلی قویمادوز قلبین بو شاتسون  
 دلده مین دردی حجازین بانوی عظماسی گتدی  
 پیک رحلت گلدی مندن قلبیمین آرامین آلدی  
 یاری یاریندن آیردی بیر بیریندن آیری سالدی  
 بو الیم الدن اوزولدی اللریم قوینومدا قالدی  
 کیملرین من تک الیندن یار دل آراسی گتدی

اودلی دردییم وار گرکدور دلده کی آهه دیم من  
 گه دل شیده چخوب رازدلی ماهه دیم من  
 گاه گز لینه گیدوب از دردیمی چاهه دیم من  
 نیلیوم چارم کسیلدی قلبیمین یاراسی گتدی  
 هر بلایه وار توانیم گرچه بیر روح شکیم  
 لیک زهرادن صورا بیر بی شکیم غم نصیم  
 بیر آدامسیز بی پناهم من غریب من غریب  
 تک غریب اولدی علی نین اونداهه همتاسی گتدی  
 شهر یثرب غربت اولموش گوئیای بی اقربایم  
 آشنالر یاد اولوبلار من ازوم غم آشنایم  
 آشیانیم حسرت افزا شهپری سنمیش همایم  
 بیر همانیلر که الدن شهپر زیباسی گتدی  
 نوحه گرداننده قربان آل حیدر نوحه خوانی  
 ایتدی خواهش یازدی تائب بو کلام غمفزان  
 یاعلی ایستله باهم بیر برات کربلانی  
 کربلا یاد اولدی باشندان اوزگه لر سوداسی گتدی

**زبانحال حضرت علی (ع) بعد از وفات زهرا (س)**

تا پمیوب در داهلی میر مؤمنین  
 تا ایده اظهار اوز درد دین  
 چولده ناچار اگیدردی چاهیله  
 دردل باشلاردی میر متقین  
 حقیقی الدن دیردی آلدیلار  
 ظلمیله اولدوم بیله خانه نشین  
 حقی باطل باطلی حق ایتدیلر  
 تیره اولدی روزگار مسلمین  
 بسکه بو امت آییلماز یاتدیلار  
 ایتدیلر گمراه خلقی مشرکین  
 اتمته باب ضلالت آچدیلار  
 دین آدیله دشمنان شرع و دین  
 پرچم ضد شریعت آچدیلار  
 ظاهراً عنوان لاری شرع مبین

برخلاف حق مجلس قور دولار  
 دانیدیلار فرمانینی پیغمبرین  
 ظلمیله عدلین بناسین یخدیلار  
 لعنة الله علیهم اجمعین  
 دینه بدعت گتدیلر بدعتگران  
 بدعت اولدی جزء احکام مبین  
 قیلدیلار بی پرده عیناً آشکار  
 دللرینده واریدی هر قدر کین  
 ایتدیلر غوغائیله بیردن هجوم  
 بیعتین عنوانی الده فاسقین  
 وردیلار اودی باندی بیر باب کرم  
 کیم آلاردی اذن جبریل امین  
 نه قاپی نه اود نه جرأت نه فشار  
 واردی اوردا صحبت سقط جنین  
 دوندیلر شیریه اوگون روباه لر  
 گوردیلر یو خودور منه یار و معین

ریسمان ظلمیله اولدی اوگون  
 دست بسته عروۃ الوثقای دین  
 قوللاری باغلی چکیلدی مسجده  
 بیعت اوستونده علی حبل المتین  
 مسلمینی اوند اغوا ایتدیلر  
 جبریله اولدی علی عزلت گزین  
 من هارا خانه نشین اولماق هارا  
 گوزده اشگیم دله آه آتشین  
 بودجه دینی الیمدن آلدیلار  
 بر ملا قالدیم الی بوش دلغمین  
 دینی دنیایه ساتانلار گتدیلر  
 قالدی یالقز ایوده میر مؤمنین  
 قالمیشام تک نه گلن وار نه گیدن  
 اولموشام درد و غمیله هم نشین  
 بالی سنمیش مرغ اوج همتم  
 ویرمیشم پروازین الدن قدرتین

فرش ایدوب یر اوسته سنمیش بالیمی  
 غممه اولام آشیانیمده مکین  
 آشیانیندن نجه پرواز ایدر  
 طایری که سندیروبلار شهرین  
 قصدا ایدوب سندیرماقا حق نورینی  
 کورباطن توده کوتاه بین  
 بولمیوبلر نور حق اولماز خموش  
 گون اولار هر حالده نور آفرین  
 پاک اور کلرده حکومت ایلرم  
 سینه لرده مهریم اولموش جاگزین  
 شیعه لر ایستر گله دیداریمه  
 یولدا مانع اولماسا اشرار کین  
 نیلسون احباب یول تا پماز گله  
 یوللاری غصب ایلوبلر غاصبین  
 ایوده یالقیزلیق غمی دل یاندیرور  
 کوجهده زخم زبان آن و این

الامان زخم زبانان الامان  
 ای عجب دل یاره سی بس دلنشین  
 اولمیوب مظلوم برکس من کیمی  
 بیرکس اولماز من کیمی درده قرین  
 درد حسرت روحیمی تنده سخار  
 مرتضایه تنگ اولوب روی زمین  
 تلخدور مطلق مشامیمده منیم  
 زندگی گر اولسا شهد انگین  
 بیربیله غمله گنه صبر ایلمرم  
 منله دور دائم خدای صابراین  
 صبرقیلام ایله راه دیننده  
 صبریمه سویلر اوزی صبر آفرین  
 حق یولوندا هر بلایه راضیم  
 اوندا وار مرضات رب العالمین  
 ظلمیله هرکس قاپیمی باغلا دی  
 باب ظلمین باغلاسون جان آفرین

ال آچوب هرکس الیمی باغلا دی  
 باغلاسون حق هم الینی هم دلین  
 چاره سیز قالام قاپیمی باغلا رام  
 هم نفسدور منله بو صوت حزین  
 اقمته ایوده اوتورام آغلا رام  
 فکر قیلام مسلمینین آخرین  
 حقی بو اامت نندن درک ایلمز  
 هیچ پیری بیلمز نندن خیر و شرین  
 هر ملال و درد و غصم بیر یانا  
 بیر یانا دلده اولان اندوه دین  
 آغلاماق دردی آزالدار آغلا رام  
 آغلاماق دلدن بوشالدار دل غمین  
 خادم پیر حسین کیم صرف ایدوب  
 یا حسین دلده شبابی دوره سین  
 تائبه دم ویردی دوزسون شوقیله  
 رشسته نظمه بیله در ثمین



دست خـالی ایلمز لطفاً اوزی  
 شافع محشر امیرالمؤمنین  
 وار امید اللهدن آلسون بیزه  
 برگ غفرانی امام المتقین  
 ساقی کوثر دی لطف ایلر یقین  
 آب کوثر دن دولی بیر ساتکین  
 تائبه دم ویردی دوزسون شوقیله  
 رشته نظمه بیله دُر ثمین  
 دست خـالی ایلمز لطفاً اوزی  
 شافع محشر امیرالمؤمنین  
 وار امید اللهدن آلسون بیزه  
 برگ غفرانی امام المتقین  
 ساقی کوثر دی لطف ایلر یقین  
 آب کوثر دن دولی بیر ساتکین

احوال غدير خم

ایتدی بوگون بیان خاتم الانبیا  
 من رسول منه جانشین مرتضا  
 مرحبا مرحبا مرحبا مرحبا

ذات حق امرینی گتدی روح الامین  
 هامی بولسون ندور امر جان آفرین  
 سوز سوز اولسون گرک بوگون اکمال دین  
 خلقه ابلاغ ایله مطلبی بر ملا  
 مرحبا مرحبا مرحبا مرحبا  
 امر ایدر خالق کبریای علی  
 یتمز اکماله دین جز ولای علی  
 او وصیتمدی من پیشوای علی  
 دی امامیزدی بو مرتضا مطلقا  
 مرحبا مرحبا مرحبا مرحبا

آشکار ایتمه سن حق پنهان اولار  
 حق قرآن و دین ترک و کتمان اولار  
 بی ولای علی دین ده نقصان اولار  
 هم قالار یرده هر امر ذات خدا  
 مرحبا مرحبا مرحبا مرحبا  
 قو خما بیر کیمسه دن وار صیانت سنه  
 هر زماندا ایدر حق حمایت سنه  
 خصم ایدنمز داخی بیر جسارت سنه  
 ذات باری سنه عصمت ایلوب عطا  
 مرحبا مرحبا مرحبا مرحبا  
 تا صیانت تا پوب سوی حق دن نزول  
 ایتدی ختم رسل امن جانی حصول  
 بی نهایت آلوب قوت دل رسول  
 ایلدی خُمّ ده بیر منادی ندا  
 مرحبا مرحبا مرحبا مرحبا

دو تدی خُمّین چولین رحمت ذوالمین  
 هم دوروب قافله هم قیتدی گیدن  
 منبر اوسته رسول ایتدی داد سخن  
 خالقی یاد ایدوب دلدده حمد و ثنا  
 مرحبا مرحبا مرحبا مرحبا  
 مرتضانی چکوب ایتدی زیب کنار  
 قربت مرگینی سویلیوب آشکار  
 دعوت ایلوب منی محضره کردگار  
 ایلیم من گرک دور اجابت اونا  
 مرحبا مرحبا مرحبا مرحبا  
 ایشیدون هوشیله سیز بو وصیتی  
 تا پوشورتام سیزه ایکی امانتی  
 بیر کلام اللّهی بیرده بو عترتی  
 هرگز اولماز اولار بیریریندن جدا  
 مرحبا مرحبا مرحبا مرحبا

اقمیتیم من سیزه یاخشی پیغمبرم  
 سیز بولور سوز نجه مهربان رهبرم  
 ایستورم دوز یولی سیزلره گوسترم  
 هامی بیردن دیدی سویله یامصطفا  
 مرحبا مرحبا مرحبا مرحبا  
 گون ال اوسته ایدوب ماه دینی بلند  
 ماه و مهره سالوب نورین اول هوشمند  
 مؤمنین سروری طالعی ارجمند  
 گون الینده ایدوب جلوه بدرالدجا  
 مرحبا مرحبا مرحبا مرحبا  
 آی جمالی اولوب گون الینده عیان  
 نورخورشید دین ماهیله همزمان  
 سالدیلار عالم دینه بیر شعشان  
 شاهد دین حق اولدی چهره گشا  
 مرحبا مرحبا مرحبا مرحبا

سویلدی مصطفا امریکتادی بو  
 نفسوز اولاسیم من تک اولادی بو  
 کیمه مولا منم اونا مولادی بو  
 مرتضانی اودم ایتدی بیله دعا  
 مرحبا مرحبا مرحبا مرحبا  
 ایسترم سندن ای کردگار علی  
 دوست دوت اولسا کیم دوستدار علی  
 یاور اول اولسا هرکیمسه یار علی  
 مرتضا خصمینه دشمن اول ای خدا  
 مرحبا مرحبا مرحبا مرحبا  
 مژده اولدی علی عقل کله وزیز  
 هم وزیر علا هم مشار و مشیر  
 اگلشوب مسند حقه خلقه امیر  
 صُورَتاً هَلْ أَتَى سیرتاً لافَتی  
 مرحبا مرحبا مرحبا مرحبا

امـرقیلدی رسول اللّٰه مؤتمن  
 مسلمین گلدیلر قوردولار انجمن  
 مرتضایه دیوب تهنیت مرد و زن  
 نه گوزل جشنیدی حَبّذا حَبّذا  
 مرحبا مرحبا مرحبا مرحبا  
 اولدی دشمن ازل شادلر اولی  
 بَخ بَخ دیدی پس به صوت جلی  
 بُو ولایت مبارک اولایاعلی  
 مؤمنینه مننه ای اولان مقتدا  
 مرحبا مرحبا مرحبا مرحبا  
 غبطه ایلر هامی شانس و اقبالوه  
 عزّت و شوکت و شأن و اجلالوه  
 ای خوشا شأنوه ای خوشا حالوه  
 ایلوب اللّٰه سنی عالمه رهنما  
 مرحبا مرحبا مرحبا مرحبا

اولدی اولده کی شادباش آفرین  
 سویلوب اولدون علی سرور مؤمنین  
 مرتضانی صورایتدی خانه نشین  
 اونا شیطان دیدی مرحبا مرحبا  
 مرحبا مرحبا مرحبا مرحبا  
 یعقوب نوحه خوان ایستدی بو سوزی  
 یازدی تائب سوزی اولدی سوزلر گوزی  
 دعوتایت یاعلی نوحه خوانی اُزی  
 سنه جمعیه بیر وقفه زوّار اولا  
 مرحبا مرحبا مرحبا مرحبا

## آل علی (ع) در شب بیست و یکم رمضان

گلون علی ایوینه نوحه و نوا آپارون  
 گوزوزده گوزیاشوزی مایه بکا آپارون  
 علینی باشدا کی یاره سالوبدی طاقتدن  
 گیدون عیادتینه مرهم و دوا آپارون  
 مریض عیادتینین چوخ ثوابی وار بولوسوز  
 بیله عیادتیله بیرییوک جزا آپارون  
 قالبوب گوزی قاپودا آشنالرین گوزلر  
 او آشنای غمه بوی آشنا آپارون  
 سزیلدیری یارالی زحمت جراحتمدن  
 گل جمالی سولوب سیز اونا صفا آپارون  
 ایوینده رنگ عزا وار عزا ایگی گلوری  
 عزاسیاقی دوتون حالت عزا آپارون  
 دگوبدی بیریرره اهلحرم اوزین ایتیروب  
 او اهل بییتی تاپون شیوه وفا آپارون

شکسته دلر آرار اهل دل یامان گونده  
 صفائیله او سنق دللره صفا آپارون  
 دیور بو حالیله لازم دگل طیب منه  
 خرابه ده او یاتان ناخوشا دوا آپارون  
 طیب عشق بیله حالیمی منیم خوشلار  
 یادوزدان آیری اطبانی مطلقا آپارون  
 ازی قوناق چاغروب باشدا یاره مجلسینه  
 منی نگار ایوینه فرقه یارا آپارون  
 او بیله حالی سووب منده یوخ سوزوم سُورم  
 رضای حقه طرف سیز منی رضا آپارون  
 ویروлле شیر بیر آز میل ایدور دیور بو سوتی  
 مرادی او غلونا ایتماقلیقا ادا آپارون  
 نه اولسا زاده ملجم گنه قوناقدی بیزه  
 قوناق حرمتینی ساخلیون باشا آپارون  
 مباد آج قویاسوز چون سیزون اسیروزدور  
 او شوم قاتل خونخواریمه غذا آپارون

روادگل من ایچم سود ولی او آج قالسون  
 باخون مروته پی رحمہ برملا آپارون  
 الی اورکده توکر گوزیاشین خانم زینب  
 دولی گوزیلہ اورا چشم اشگ زا آپارون  
 او قدر قالموری زهراقزی قالا آتاسیز  
 اونا تدارک ایدون الده بیر قرا آپارون  
 ویرون او قارہنی سالسون باشا بلالی خانم  
 بو رمزیلہ اونا پیغام کربلا آپارون  
 دیون کہ کرب و بلا ماجراسی وار باشوین  
 بو غمفزا خبرہ غملی مُبتدا آپارون  
 حسینویلہ خانم واردی کربلا سفرین  
 او نینوا چولونہ نوحہ و نوا آپارون  
 گنہ قلم سوزومی چکدی کربلا چولونہ  
 بو سوز گلندہ گویہ بانگ آہ و وا آپارون

امان او وقتده امرایتدی شمر مقتلدن  
 چکون اسیرلری قوم اشقیآ آپارون  
 باباسی سینہسی اوستہ رقیہ شمرہ دیدی  
 چکون کنار اوزوزی اوزگہ بیر یانا آپارون  
 قویون دویونجا بو صحراده او خشیوم باباما  
 یووم یارالارینی اشگیلہ صورا آپارون  
 بابام یانندا منی دوگمیون یانار اورگی  
 نہ قہرایدون منہ نہ قہر کبریآ آپارون  
 آتایانندا رسوماً بالانی دوگمزلر  
 حیاییدون اوتانون شیوہ وفا آپارون  
 بابام یارالارینا من قویون سالوم مرہم  
 کچیک او خدمتیلہ ایلوم اکتفا آپارون  
 بابامی من سُورم چوخ اودا سُور منی چوخ  
 بو عاطفی سوزہ پی فرقة جفا آپارون

قویون دیوم باباما درددل آلوم در دین  
 بو قلبیمی بوشادیم ایلون جدا آپارون  
 کفن تدارک ایدن یوخ ویرون منه مهلت  
 کفن ایدیم باباما زلف مشگ سا آپارون  
 بو ظلم بسدی که قویدوز بيله یتیمه منی  
 بو دشته گویه آز ظلم ناروا آپارون  
 آیرمیون منی بوگل جنازه دن باری  
 او ظلمدن ایدون اوز نفسوزی رها آپارون  
 بوگل جنازه دن آیریلما رام امان اولسا  
 نه انجیدون آیرون نه یانایانا آپارون  
 بو سوزده شمر دیدی بو حسین سویگولوسین  
 ورا ورا آیرون هم ورا ورا آپارون  
 حسین دیه دیه تائب گیدر بو دنیادن  
 آدینی خادم سلطان کربلا آپارون

### در شهادت حضرت علی (ع)

یـخـلـوب شاه ولایت یارالی  
 ایچدی صهبای شهادت یارالی  
 دفنی گزلین اولدی قبری ایتگین اولدی  
 خبر آلمانجه تکفین اولدی  
 دفن و کفنی گجه گزلین اولدی  
 قبری زهرا کیمی ایتگین اولدی  
 اوزی ایتمیشدی وصیت یارالی  
 چکدی زهرا غم اوچ آی دنیاده  
 قبره گتدی یارالی افتاده  
 یرمی بش نیل قان اوتان مولاده  
 دفن اولوندی شب ظلمت یارالی  
 درد و غم مونس مغموم علی  
 حقدن ظلمیله محروم علی  
 حقی گتمیش ازی مظلوم علی  
 ایلدی مرگینه رغبت یارالی

ملک لاهوتده کاشانه نشین  
 پَر سَنق قوش تک اولان لانه نشین  
 ایتدیلر یرمی بش ایل خانه نشین  
 ایلدی قلبینی حسرت یارالی  
 عدلی دنیالره اعلان ایلین  
 پیکر عدله اوزین جان ایلین  
 ازونی عدلینه قربان ایلین  
 اولدی قربان عدالت یارالی  
 گوردی چوخ جنگده پیکر یاراسی  
 بیر یانا جانه یتن هر یاراسی  
 بیر یانا لیک آجی دل لر یاراسی  
 قلبینی ایتدی شماتت یارالی  
 حیف او دریا کیمی انگیزه جوش  
 حیف او دارای هامی جوش و خروش  
 بی صدا دوشدی خموش اولدی خموش  
 دفن اولوب گنج فصاحت یارالی

قطع اولوب فیض افاضات علی  
 کسیلوب نطق و بیانات علی  
 گلموری بانگ مناجات علی  
 گتدی دنیادن او حضرت یارالی  
 حیف اودرده اورگین رام ایلین  
 خلقه احسانینی اتمام ایلین  
 آج یاتوب آجلارا اطعام ایلین  
 ویردی جان روح سخاوت یارالی  
 گاه دردین گجه لر ماهه دیدی  
 گاه قلبینده اولان آهه دیدی  
 گاه گزلینجه گیدوب چاهه دیدی  
 دردینی ایتدی حکایت یارالی  
 باتدی دینین مه عالمتابی  
 سالدی ظلمات غمه احبابی  
 حیف بوش قالدی گوزل محرابی  
 دفن اولوب روح عبادت یارالی



او گیدوب مجلس رازه گلمز  
 گجه لر رازون یازه گلمز  
 مسجده بیرده نمازه گلمز  
 ایدوب عقباده اقامت یارالی  
 غم گلوگیر ایلیوب عباسی  
 دولدی داشدی او ادب دریاسی  
 آغلادی کربوبلا سقاسی  
 درک ایدن تشنه شهادت یارالی  
 ماتمه باتدی بلالی زینب  
 بیر قراگیدی عزالی زینب  
 آغلادی کربوبلالی زینب  
 او خشادی بانوی عفت یارالی  
 کوفه شهرین بوریوب شیون و شین  
 آغلاشوب قول بویون اولدی حسنین  
 سسلدی شوريله گوزیاشلی حسین  
 باتدی خورشید شفاعت یارالی

امّتین ال یستورن مشکلینه  
 فقرا دردین آلا اوز دلینه  
 رحم ایدن قانین ایچن قاتلینه  
 ایدن اعلان فتوت یارالی  
 دیدی بو طرز سیاقمدی منیم  
 قاتله رحم وفاقیمدی منیم  
 قاتلیم ایوده قوناقیمدی منیم  
 ایدرم من اونا حرمت یارالی  
 قوناقین حرمتی لازمدی اگر  
 داندی بو حکمی ندن کوفه لیلر  
 میهمان او غلونا حرمتدی مگر  
 یخدیلار اهل شقاوت یارالی  
 امن و امنیت ایراقیدی حسین  
 طایفه ئل لر اوزاقیدی حسین  
 ملت کوفه قوناقیدی حسین  
 قوناق اُدوردی او ملت یارالی

آتدیلار مهر و وفانی اوزاقا

آتفاق اولدی مشبدل نفاقا

وردیلار یاره حسین تک قوناقا

دوشدی احکام شریعت یارالی

تائب وار سینه لطف ازلی

حقی یاز دفتره با خط جلی

دین حق اوسته حسین ابن علی

ایچدی صهبای شهادت یارالی

زبانحال امام حسن (ع) خطاب به

خواهرش بعد از شهادت پدر بزرگوار

ای آنامین نایبه سی باحیا زینب

قلبون او غوشدوروب دیمه و ابا زینب

حسرتیله باخما بیله دردون آندیرما

دوریه آغلار گوزیوی چوخ دولاندیرما

آهون اودیله قلبیمی بیله یاندیرما

بیرده بو داغلی سینه می داغلاما زینب

دلده بابام وای گلوسن داد و فریاده

دلده کی صبردلیمی ویروسن باده

اوندا دوشور منیم آنام فاطمه یاده

سن تک اودا دیردی چوخ و ابا زینب

تاپدی منیم مظلوم آتام دل شب تکفین

قویدوم مزاره از آنام تک اونی گزلین

هم دفنی گزلین اولدی هم مدفنی ایتگین

ایل لر بویی قبری تاپار اختفا زینب

کلک قضا ایتموش بیله گوئییا مرقوم  
 اولسون هامی آل عبا حقدن محروم  
 اولدی همی مظلوم آنام هم آتام مظلوم  
 ایلوب مشیت اقتضا آغلاما زینب  
 سن درد آلان درده یتن باوفامیزسان  
 فاطمه یادگار یسن هم صفامیزسان  
 هم باجیمیزسان سن بزیم هم آنامیزسان  
 ای آناسیزلارا باجی هم آنای زینب  
 ای چرخ عصمتده اولان بیر ایشیق کوکب  
 ای دانشقدا مرتضی فاطمی منصب  
 ای فاطمی منصب و هم زیناب زینب  
 تکجه سنوندی بولقب مطلقا زینب  
 دللر صفاسی خواهر باصفا سنسن  
 باشدان ایاقه مهر اولان باوفا سنسن  
 چشم چراغ عترت مصطفی سنسن  
 خیرنسیاه جانشین باحیا زینب

اگرچه غم آدلی سنون یولداشون واردی  
 الدن آتان گیدوب آخان گوز یاشون واردی  
 غم ییمه یدئی باوفا قارداشون واردی  
 دردون آلالار بیرنچه باوفا زینب  
 بیرگون اولار درد دلون بیر بیلن اولماز  
 قارداشون اولماز سسوه سس ویرن اولماز  
 رأفتیله گوز یاشوی بیر سیلن اولماز  
 سنله گوزون یاشی اولار آشنا زینب  
 یعنی باشوندا غصّه لی ماجرا واردی  
 باشون بلالی دور سنه چوخ بلا واردی  
 غم یارادان واقعه کربلا واردی  
 شور قیامت یارادار کربلا زینب  
 کرب و بلا چولونده چوخ یاره باغلارسان  
 دلدی کی اودلی آهیله سینیه داغلارسان  
 شوره گلوب نوائیله چوخ چوخ آغلارسان  
 شور و نوائیله دولار نینوا زینب

بیر ایله یردور که سنه چوخ مصیبت وار  
بیر نچه قارداش اَلومی قتل و غارت وار  
هم سویولوب دوگو لماقون هم اسارت وار

اوردا اسپرایدر سنی اشقیا زینب  
داد ایله گوندن که علی گللری سولدی  
یتدی خزان زاغ و زغن گلشنه دولدی  
زینب اسپر لشکر اشقیا اولدی  
سالدی او دشته ناله و اخا زینب  
گلشن عشقده خانم گزدی سرگردان  
فاطمه نین گلین تاپوب پرپر و خندان  
توکدی گلاب اشگینی یا حسین گویان  
فاطمه نین گلین یعووب باوفا زینب

در جشن ولادت امام حسن (ع)

گلدی بو عالمه حسن مجتبا  
منزل فاطمه تاپدی عالی صفا  
مرحبا مرحبا مرحبا مرحبا  
ویردی یشریده باش ملک بطحا گلی  
ملک بطحا گلی باغ طها گلی  
عطریله دولدوروب دهری زهرا گلی  
سبب اول حسن گل آدی مجتبا  
مرحبا مرحبا مرحبا مرحبا  
بیر گل عشقدور عشق دمسازیدور  
مصطفی باغنین بیر گل نازیدور  
فاطمه بو گل ناز گلبازیدور  
مرتضی بو گله سویلیوب مرحبا  
مرحبا مرحبا مرحبا مرحبا

بو گل اوسته قویوب فاطمه جانینی  
 صرف او یولدا ایدوب دور دورانینی  
 بسلیوب نازیله نازلی جانانینی

احسن احسن دیوب هر باخشدا اونا

مرحبا مرحبا مرحبا مرحبا

نه گل آدی حسن هم جمالی حسن

خط و خالی حسن هم کمالی حسن

خلق و خلقی حسن هم خصالی حسن

وجهی وجه خدا روح صلح و صفا

مرحبا مرحبا مرحبا مرحبا

عالمه پخش ایدن عطر مهر و وفا

هر مریضه ویرن بوی عطری شفا

عطر جانبخشیده دولدی ارض و سما

فاطمه منزلی اولدی دارالصفا

مرحبا مرحبا مرحبا مرحبا

تک لیقیندا اولان بیر بیوک انجمن  
 لیبی شگر شکن ازی شیرین سخن  
 ازی شیرین سخن سوزی عفت توکن

عفته ره نماکان شرم و حیا

مرحبا مرحبا مرحبا مرحبا

گوزی طاها باخیش قاشلاری چون هلال

گردنینه قرا زلفی یوسف جمال

گوئیا آردیجا سالموش احمد بلال

صورتاً مجتبا سیرتاً مصطفی

مرحبا مرحبا مرحبا مرحبا

یوخدی یثریده گر بزم شادی قوران

قبری اوستونده نه شمع وار یاندوران

لیک ایراندا وار چوخلی پرچم وران

حسنی جشنینی ایلیوبلر بیبا

مرحبا مرحبا مرحبا مرحبا

باخ چراغانلیقا گور نه انگیزه وار  
هر طرفده اولوب جشن لر برگزار  
تا اولاً مجتبا عزتی آشکار

مجتبا یاد اولاً فاطمه شاد اولاً

مرحبا مرحبا مرحبا مرحبا  
هم آ دیدی حسن هم حسینی مرام  
سری وار ایتمدی لیک او سرور قیام  
ایتدی عاشورایچون طرح نهضت امام  
انقلاب حسین آلدی اونندان قوا  
مرحبا مرحبا مرحبا مرحبا  
حسن تدبیر یله صبر ایدوب مجتبا  
خوش نتیجه آلوب صبردن برملا  
ظاهر اولدی همان صحنه کربلا  
تا حسینی اولوب فاتح نینوا  
مرحبا مرحبا مرحبا مرحبا

باشدا یتیمش ایکی مرد والاجناب  
جان بکف باشلادی سرخ بیر انقلاب  
یازدی حُرّیته قانی عالی کتاب

حشره تک زنده دی مصحف کربلا

مرحبا مرحبا مرحبا مرحبا  
شاه عشقین جهان اهلی مدیونیدور  
منت عشقینین خلق مرهونیدور  
لفظ آزادگی عین منظوریدور  
ایرلر آزاده لر اول شهه اقتدا  
مرحبا مرحبا مرحبا مرحبا  
ایستدی بوسوزی یعقوب نوحه خوان  
ویردی تائب اونا بیله شرح و بیان  
کربلا ایستروخ ای حق مستعان  
بیز نقدری دیاخ کربلا کربلا  
مرحبا مرحبا مرحبا مرحبا

## زبانحال امام حسن (ع) خطاب به خواهرش

حسن قارداشوی درک ایت بلایه آشنا زینب  
 ویرو بدور دشمن جانی منه زهر جفا زینب  
 وطنده بیر غریبیم من غریبیم من غریبیم من  
 یازیلמוש صورتیمده اشگیله اوزگه بیان واردی  
 دوزولמוש قطره قطره بو دوداقلاریمده قان واردی  
 بهار گلشن عمریمده آثار خزان واردی  
 نجه گور یان دیروب عمریم گلین باد جفا زینب  
 آنام یو خدور منیم بو قیدیمه سن تک قالان اولماز  
 بو غمگین ساعتیمده سن کیمی یاده سالان اولماز  
 یتوب دل دردیمه دل دردیمی دلدن آلان اولماز  
 کیمیم وار سن کیمی دل دردیمه ایتسون دوا زینب  
 آنام یو خدور ولیکن سن منیم زهرا نشانیمسن  
 آنامین یادگاری هم صفای خانمانیمسن  
 آنام سنسن باجیم سنسن آنام تک مهربانیمسن  
 آنام تک دردیمی گل آل آنام تک باوفا زینب

غمیله دوتموسان الفت بلایه آشنا سن سن  
 گنه بو حالیه درده یتن بیر باوفا سن سن  
 سراپا عاطفتسن باوفا سن باصفا سن سن  
 وفاده هم صفاده ای آنام خیرالنسا زینب  
 اوشاقلیقدان گرفتار ملال بی حسیم من  
 غمیله الفتیم واردی بلالی غم نصیم من  
 منه اولמוש وطن غربت غریبیم من غریبیم من  
 غریبیم گل منی درک ایت وفالی آشنا زینب  
 آتام گتدی اُزوم مقهور قوم مشرکین اولدوم  
 منافق لر منی انجیتدیلر عزلت گزین اولدوم  
 آتام تک حقیمی غصب ایتدیلر خانه نشین اولدوم  
 قوییدی کاش راحت اُز ایویمده اشقیا زینب  
 گه اولدوم روبرو من قوم بی شرم و حیائیه  
 یارا لاندیم گهی زخم زبان اشقیائیه  
 وریلدی گه ایاقیمه یارا نوک عصائیه  
 منی ناراحت ایتدی زهرلی زخم عصا زینب

بساط کینه سین هر لحظه قانلی قاتلم قوردی  
 قان اولموش قلیمی سندیردی خونایله دولدوردی  
 آجی دللر آچیلدی هریتن دل یاره سی وردی  
 امان دل یاره سیندن کیم ساغالماز بو یارا زینب  
 شبیهم داغ باشندا بیرگونه تیز باتماقیم خوشدور  
 او دنیا که دوشوبدور بو گوزومدن آتماقیم خوشدور  
 نگاریم دعوت ایلوب وصلینه تیزچاتماقیم خوشدور  
 وصال یار احسندور نه قدری تیز اولا زینب  
 نگار بی بدل شوقیله محو اشتیاقم من  
 دلیمده شوروشوق وصل نالان فراقم من  
 سیزه بو ایوده تزلیقدا گیدرگی بیر قوناقم من  
 دویونجا قارداشون گل گور بلایه مبتلا زینب  
 منیم تک سینه ده بیر کیمسه نین دل یاره سی یوخدور  
 منیم تک بیر کسین اکباد پاره پاره سی یوخدور  
 او اکبادی که اولدی پاره پاره چاره سی یوخدور  
 نه وار بو دردیمه چاره نه واردی بیر دوا زینب

پیمبر احترامین اشقیا بالعکس یوخلالار  
 ایدوبلر چوخ جفا دلبندینه دویمازلا چوخلالار  
 منیم تشییع ایدنده نعشیمی ظلمیله اوخلالار  
 ایدر شانسان منی تابوتده تیر جفا زینب  
 منی کیم ایلیوب مسموم ارادم یوخدی افشایه  
 اورکده ساخلارام گزلین آپارام دار عقبایه  
 حضوراً عرض قیلام از آنام مظلومه زهرایه  
 اوغول دردین دیه خوشدور آلا دردین آنا زینب  
 باخار ایستکلی لر گورم دولی گوزلی یانایانه  
 دُنور بو داغلی قلبیم تازه دن لاله کیمی قانه  
 اولار بیر یانه عبدالله و قاسم دردی بیر یانه  
 شرار آهیله اود یاغدیرو لآر برملا زینب  
 حیاسین گوسترور قاسم عفیفانه نگاهیه  
 وفاسین ایلوری اعلان شفیقانه نگاهیه  
 منه درد آرتورور اما یتیمانه نگاهیه  
 دیور رمزاً نگاهیه غمین اول دلربا زینب



گل اوزلی قاسمیم یاده سالار آینده سین آغلار  
 او یادیله ایدر دلدن نوای آتشین آغلار  
 توکر فرط حیادن گوزیاشین گزلین حزین آغلار  
 گلوگیر ایلوب غصه سزیلدار بی صدا زینب  
 دی قارداشیم حسین گلگون منیم احوالیمی بیلسین  
 منیم دل دردیمی آلسون دوداقیم قانینی سیلسین  
 دیوم دولموش اورک دردین اورکده دردیم اسگیلسین  
 منیله یوزیوزه قویسون ایداخ باهم نوا زینب  
 بقیعین خاکی مدفندور منه یثریده ویرم جان  
 حسینی کربلا عشقی ایدر چوللرده سرگردان  
 ویرر یتمیش ایکی تشنه منای عشقده قربان  
 اولار نه ایله قربان لار نه ایله بیر منا زینب  
 حسینیه بیر سفر وار محنت و درد و بلائیله  
 دوشر صحرالره شور و هوای نینوائیله  
 سنونده شرکتون واردی اونا صدق و صفائیله  
 حسینون باشلینده انقلاب کربلا زینب

حسین باشینده نه عشق و نه شور و نه هوا واردی  
 سنون باشونده ده ایله هوائیله بلا واردی  
 حسین تک مشتری سن هر قضا هر ابتلا واردی  
 ایکی قارداش باجی باشوزدا واردی بیر هوا زینب  
 حسین آدیله جمع اولمشدی لار باهم نچه احرار  
 ایدوب احمد سیه چهره حبیبیله صادق اصرار  
 امام مجتبا آدیله تائب نظم ایده اشعار  
 بیزی دعوت ایله ازقبریوه بیر وقفه یا زینب  
 ادبدن چوخ اوزاقدور ایلیه سندن گله تائب  
 گلایه ایلمز ایستر ولی سندن صله تائب  
 مریضی وار دواسی یوخ دوشوب چوخ مشکله تائب  
 یتور ال مشکلین آچ ای اولان مشکل گشا زینب  
 خانم زینب آدوندور زیب نام مرتضا سن سن  
 آتان مشکل گشادور هم ازون مشکل گشا سن سن  
 ویررسن هر مریضه سن شفا روح شفا سن سن  
 منیمده اوغلو ماگل ویر شفا روح شفا زینب

## زبانحال حضرت مسلم (ره)

گلمه بو کوفه ویرانه حسین  
دوندره لیر اورگون قانه حسین  
آغلادالار گوزیوی الدوره لیر ازیوی

ای یوزی آینه مهر و وفا  
ای ویرن جمله سنق قلبه صفا  
قانونه تشنه دی بو اهل جفا  
گلمه گلسن باتاسان قانه حسین  
کوفیان آتدیلا ایمان لارینی  
درهمه ساتدیلا قرآن لارینی  
سندیروب عهدیله پیمان لارینی  
پشت پا وردیلا پیمانیه حسین  
گرچه دعوت شده بیر مهمانم  
میزبان یوخ منه باغری قائم  
کوفه ده کوچده سرگردانم  
گیدرم دلشده هریانه حسین

اسمیوب کوفیه بیر باد وفا  
تا پیوبدور ازینه رنگ صفا  
دیمه کوفه سوله بیر شهر جفا  
ظلمی مشکلدی گله سانه حسین  
یار دور ناله جانگاه منه  
همنفس دلدی اولان آه منه  
نه امان وار نه امانگاه منه  
اولموشام طایر بی لانه حسین  
دلدی حسرتله یارام واردی منیم  
بو یارام تاکه وارام واردی منیم  
گتماقا بوردا هارام واردی منیم  
یوخ منه منزل و کاشانه حسین  
بو باشمدان یول آزان لار داغلوب  
الدوروب قبرقازان لار داغلوب  
نچه مین نامه یازان لار داغلوب  
سس ویرن یوخ من نالانه حسین

مردم اولده وفا گبوستردی  
 قهره صون مهر لرین چوندردی  
 هامی مندن یوزینی دوندردی  
 دولانوب اولدیلایا بیگانه حسین  
 یوزیمه باغلیدی راه چاره  
 صاق صولا گه گیدرم آواره  
 قویارام گه یوزیمی دیواره  
 اییدرم ناله یانایانه حسین  
 کوفه شهرین اییدرم مدنظر  
 ویروری قان ایگی هر راه گذر  
 قانلو قاتلریم آردیمجا گزر  
 توکه لر قانیمی میدانه حسین  
 آغلارام من منه وار چوخلی گولن  
 یوخدی بیر درده یتوب درد بولن  
 واردی نه گوزیاشمی یوزده سیلن  
 توکریم اشگیمی دامانه حسین

خوش دوشر یاره حبیب آغلماقی  
 غمیله غصه نصیب آغلماقی  
 یارادار حشر غریب آغلماقی  
 آغلارام منده غریبانه حسین  
 جاندان ال اوزموشم ای شاه زمن  
 آغلارام چوخ سنون احوالوه من  
 قورخورام سنده بو شهره گله سن  
 دوشه سن آتش سوزانه حسین  
 گلسه مین لرله بلا یوخدی گلم  
 لیک بییردردیله آزرده دلم  
 یازمیشام گل اودی سندن خجلم  
 خجلتیم اود سالوری جانه حسین  
 سن که پیغمبره سن روح روان  
 ترک ایدوب منده علی تک سر و جان  
 من اوم سن یاشای شاه جهان  
 جانشینم شه مردانه حسین

کوفیان ایمدیدن اعلان ایلر  
 گلمه گلسن سنه طغیان ایلر  
 بی سخن قانوه غلطان ایلر  
 گلمه بو کوفه ویرانه حسین  
 گلمه بو طایفه سفیانی  
 االدورر اکبر مه سیمانی  
 هجری مجنون وفالیلانی  
 سالی گوزیاشلی بیابانه حسین  
 گتوسن زینین اوغلانلارینی  
 جانانان آرتوخ او دل و جانلارینی  
 دوغریه لدر قوزی قربانلارینی  
 حشراولار زینب نالانه حسین  
 گتوسن قاسم گل پیرهنی  
 گل نورسته باغ حسنی  
 برگ برگ ایلیوب اشرار دنی  
 دوندره لدر گل خندانه حسین

گلمه الدن ویره سن عباسی  
 حیف دور حیف او ادب سیماسی  
 یخیلار قامت سرو آساسی  
 سوکنارینده باتار قانه حسین  
 بوردا برعکس سنی یوخلاآر  
 دلده آز اولسا غمون چوخلاآر  
 الون اوسته بالای اوخللاآر  
 قان ایچرده لله او عطشانه حسین  
 فاطمی لر اورگین داغلاآر  
 هم سویوب قزلاری هم آغلاآر  
 زینین قوللارینی باغلاآر  
 گلی بازاره اسیرانه حسین  
 تائب مسلم آدین یادایله  
 آغلا احوالینه فریاد ایله  
 او سنق گوگلونی آل شاد ایله  
 آغلیوب مسلمه فرزانه حسین

امام حسین (ع) بین راه مکہ و شام

حجاز محترمی محترم قطاریله  
 حجازی ترک ایلدی حال انکساریله  
 قویوبدی حجینی ناقص او مفخر حجّاج  
 او یرده اولمیه تارو برو شراریله  
 بنی امیه چکوب تیغ کعبه دامانین  
 مباد ایلیه رنگین سرخ ثاریله  
 دوشه حریم حرم احترام و حرمتدن  
 او یرده فتنه اشرار بد شعاریله  
 یغوبدی باشینه قربانلارین شب عرفه  
 منای کرب و بلایه کوچوب وقاریله  
 ایدردی طیّ مراحل کمال شوقیله  
 او جمع عشق و محبتلی همقطاریله  
 صاقیندا اکبر شهزاده مُلتّزم او شهه  
 که همردیف اولی شهزاده شهریار یله

صولوندا قاسم او نوباوه ریاض حسن  
 گل اوزلی اکبره همراه گل عذار یله  
 علی اصغری سپنه گلی ایدوب آناسی  
 یوزین اُپه اُپه همدم او شیرخواریله  
 گهی اُپور بوغازیندان او طفلی گولدوروری  
 بالا گولور آناسی شاد اولور نظاریله  
 ولیک بیلمزیدی کربلا ده حرمله وار  
 او حلقی او خلیه جاق تیر زهر دار یله  
 رقیّه چون گل زیبا گزردی الدن اله  
 دانشدیراردی هامی مهر بی شمار یله  
 سوزه گلنده او شیرین زبان شیرین دلیله  
 آلاردی دللری گفتار شهدبار یله  
 باساردی باغرینا زینب اُپردی گل یوزونی  
 آلاردی عطر گل اول بوسیله کنار یله  
 ولی دیمزدی او گل یوز سولار اولار نیلی  
 ستمله سیلی شمر ستم شعاریله

ویروردی پاس حرم یولدا حضرت عبّاس  
 گیدردی قافله محفوظ او پاسداریه  
 ولی او قافله تهدید اولاردی هر لحظه  
 بنی امیّه بی شرم و ننگ و عاریله  
 اودور چکردی اولاردان هامی کنار اُزینی  
 عمل ایدردیله مرسوم روزگاریله  
 مباد خواهش ایده سبط مصطفای عزیز  
 تماس محض خطر دور او تاجداریه  
 بلی ایشی اگیلندن قاچالاً رسمدی بو  
 قویالاً تک اونی اندوه بی شماریه  
 حسینه مترقب گزردی خائفیدی  
 یولون سالاردی نهان دشت و کوهساریله  
 ایدردی هاردا حسین ابن فاطمه اوتوراق  
 اوزاقدا خلق دوشردی ره فراریله  
 زهیرده سفر مگه دن قیتیشدی  
 اودا گلوردی همان یولدا بیر قطاریله

حسین منزل ایدن یرده منزل ایتمزدی  
 حسین گیدنده قالاردی او نفس خواریه  
 ساناردی دشمن او فرزند پاک فاطمه نی  
 همین او طرزیدی رفتاری بو قراریه  
 یتوبله بیریره کیم خیمه حسینه یاخین  
 زهیرده چادرین قوردی اضطراریله  
 باشندا اهل و عیالی ایدردی صرف طعام  
 یتوب رسول حسین کثرت وقاریله  
 دیدی آقام سنی دعوت ایدوبدی محضرینه  
 زهیر فکره گیدوب قلب بیقراریه  
 دوتوب زهیره یوزین سویلدی عیال زهیر  
 نه جای فکر و تأملدی اصطباریه  
 پیمبر اوغلی سنی دعوت ایلوب ایله شتاب  
 گیدوب حضورینه یت عین افتخاریله  
 سچوبدی چشم جهان بینیه امام حسین  
 سنی ده همره ایده بیر قطار یاریله

سنى تا پوبدى سعادت حسين قوناق چاغروب  
 نه لر ديسه قولاق آس گوش هوشياريله  
 عيالينين سوزى قويدى زهيرده تأثير  
 حضور نوره روان اولدى قلب تارييله  
 يتوب ازلده امام زمانه ويردى سلام  
 امام باخدى اونا بير گوزل نظارييله  
 او بير باخشدا زهيري ايدوبدى محونگاه  
 حسينه عاشق اولوب قلب بيقراريله  
 عياندی عشق اولی معشوقدن ازل ظاهر  
 كمند عشقه دوشر عاشق عشق يارييله  
 فدا اولوم آقامين كيما اثر گوزينه  
 آلور عدونى باخان نرگس خمارييله  
 نولور باخا او گوزل گوزلريله بيرده بيزه  
 صفا ويره بو سنق دللره نظارييله  
 نه لر دیدى نه ایشیتدی زهیر مولادن  
 قیتدی منزله افروخته عذاريله

عیالی گوردی که باشند باشا صفادی زهیر  
 دیدی گلوبسن عجب کسب اعتباريله  
 گیدن زمانده دلده غبارگتدون سن  
 گلوبسن ایمدی بیله چهر نورباريله  
 صفانی کیمدن آلوسان بیله صفا اولماز  
 صفالی گورسنوسن باصفا عذاريله  
 دیدی منیم دلیمی دولدوروب صفای حسین  
 او زنگ دل سلینوب دور صفای یاریله  
 ایله دوشوبدی حسینین محبتی دلیمه  
 که روحیمیز بیر اولوبدور او مردکاريله  
 داخی جهانی آتوب دوتموشام حسینی فقط  
 حسین بسیمدی بو آز عمر مستعاريله  
 ایکی محبته بیر قلبده مکان اولماز  
 حسین محبتی کافی دی بو فگاريله  
 حسین محبتین الله محبتی بیلم  
 حسین حسین دیرم من او اعتباريله

سنه طلاق و یروب ماملکدن ال چکدیم  
 گرک گیدم هاراگتسه او شهر یاریله  
 اقام حسینه قوشولدی زهیر پاک نهاد  
 گیده بلا چولینه شاه خوش تباریله  
 بلا چولونده امام حسینه سس ویردی  
 شهید عشق اولوب اصحاب جان نثاریله  
 سالاردی شورهار ایول سالوب گچردی حسین  
 او طول راهده همره لرین سچردی حسین  
 جهانه شور سالوب شور شور باریله  
 یغوب ایدردی هم آهنگ یاری یاریله  
 نه تک زهیری اقام بلکه یولدا ترسانی  
 کمند عشقه سالوب عشق جانسکاریله  
 آدی وهب ازی کلبی لقب تازا داماد  
 سالوب دالنجا حسین جلوۀ نگاریله  
 سچوب جوان مسیحی نی چشم حق بینی  
 او یرده حقه طرف چکدی بیر گذاریله

وهب آناسینا مولا بو یوردی من گتدیم  
 وهبده خوشدی گله رأی استواریله  
 ایله ایتدی اشاره او سرزمینه امام  
 صفالی گلشن اولوب لطف کردگاریله  
 وهب گلوب آناسندان سوروشدی یوخسا آنا  
 بسو سرزمینه مسیحا گلوب وقاریله  
 بو دشتی عطر بهشتی دو توبدی سرتاسر  
 بو یر قریندی فردوس مشکباریله  
 جواب ویردی بو صحرا یه گل میوب عیسی  
 گلن حسیندی بیر محترم قطاریله  
 صفا یاغیردی یوزیندن ایله صفالیدی  
 صفا یاراتدی بو چولده دم بهاریله  
 اشاره سیله بو صحرانی ایتدی گلشن قدس  
 برابر اولدی بو یر ضحن لاله زاریله  
 پیمبر اوغلی و یاکیم ازی پیمبردی  
 او عیسوی نفسیله او اقتداریله



تو کردی درّ و گھر لعل درنثاریندان  
 دولیدی کامی زبس درّ شاہواریلہ  
 نچہ دانشدی نچہ شرح ایدیم اولیدون کاش  
 قولاق ویریدون ازون گوش ہوشیاریلہ  
 گوریدون اوندا نچہ دل یاران بیان واریدی  
 ویروردی روح او بیانات خوشگواریلہ  
 ولی اونون پوزولان حالی حالیمی پوزدی  
 او روبرودی یقین تلخ روزگاریلہ  
 بیلہ خیال ایدورم خائفاً دوشوبدی چولہ  
 ایدوب جلای وطن اشقیافشاریلہ  
 بویوردی من گیدیرم ویز خبر وہبہ گلہ  
 بو یولدا ہمرہ اولاجمع جاننثاریلہ  
 بسوزلری ایشیدندہ وہب گلوب شورہ  
 او محو عشق حسین اولدی ابتکاریلہ  
 دوشوب حسین دالیجاگتدی کربلا چولونہ  
 بویاندی قانینہ دین اوستہ حق شعاریلہ

گہ ارمنی بالاسین یولدا دینہ دعوت ایدور  
 بلاچولونندہ مسیحی نی گہ ہدایت ایدور  
 داشاندا دشت بلا یادہ عشق عمّانی  
 دوتاندا عشق چولون خون سرخ طوفانی  
 اولوندی یتیمیش ایکی جان غریق موجہ خون  
 یارالی یخدیلار یالقز عزیز زهرانی  
 اولوبلا چوخلار او مظلوم قتلینہ مأمور  
 گوروب گوزل باخشین آتدی تیغ برّانی  
 گیدن قیتدی ندامتلہ پور طہانین  
 ایدوبلہ قتلینہ مأمور پور ترسانی  
 آلوبدی وعدہ سرلشکری روان اولدی  
 امام مَصْرَ عینہ اول جوان نصرانی  
 گوروب کہ قانینہ غلطان دوشوبدی بیر یارالی  
 نچہ یارالی وار اوندا جمال نورانی  
 جمالی ایلہ منوردی محو اولور نورہ  
 گورن جمال جمیلیندہ کی تجلانہ

خیال ایتدی که قان گاهواره سینده مسیح  
 یاتوبدی نازیله وار اوندا روح روحانی  
 دیدی بو خوابدی یارب یا که بیداری  
 نیه تلقی ایدوم من بو سرّ عظمانی  
 قیامت عالمیدور حضرت مسیح مگر  
 آتوبدی چرخ چهارمده مهد بالانی  
 نزول ایدوبدی همین قان دولان بیابانه  
 بو مهد خوندا یاتوب دلده ذکر جانانی  
 و یا که حضرت یحیادی طشتدن قانی  
 آخوبدی بیله دو توب قان دولان بیابانی  
 بو شعله ور که انا الحق چخور بوغازیندان  
 ایدر نظرده مجسم درخت موسانی  
 او حالتیله که غرق نگاهیدی او جوان  
 دولان دیروب او شه عشق چشم شهلانی  
 سالوب نظر او گوزل گوزلریله ترسایه  
 ایدوبدی محو نگاه اول جوان ترسانی

خطاب قیلدی عجب وقتده گلوبسن سن  
 نه وقتهدین ایده جاقسان سراغ جانانی  
 حریم عشقدی گل آت کناره زتاری  
 کنار ایله اوزیندن عذاب نیرانی  
 او بیر باخیش او بیان فصیح او منظر عشق  
 او عیسوی ده یاراتدی فصیح تیانی  
 دیدی یارالی اولوم گوزلریوه من قربان  
 باخاندا دلدن آلورسان هامی توانانی  
 شرار آهویله کایناتی یاندیروسان  
 بو قلبوبین نقدر واردی داغ سوزانی  
 منی بو دشته مأمور ایدوب مسلمانلار  
 که الدوروب سنی اجرا ایدم او فرمانی  
 عوضده وعده ویروبلر منه مقام بزرگ  
 دو تام سپاه آراسندا مقام بالانی  
 ندور گناهون اولوبسان بونوع واجب قتل  
 بولولله قتلوی واجب گروه سفیانی

دیولله عاق امام اولموسان قابونندی هدر  
 فهول عصر ویروبهر همین بو فتوانی  
 امام کیم اونا سن عاق اولموسان کیمدور  
 که قتلونین اولا مطلق دلیل و برهانی  
 سوسوز دوداقلاری دگدی اودمه بیریرینه  
 ایدوب نثار گهر لعل گوهرافشانی  
 بویوردی یوخدی گناهیم جماعت مجرم  
 قتیل ایدولله گنه سیز من پریشانی  
 ازوم امام امام اوغلیم بو عالمده  
 اولوبلا عاق منه بو جماعت جانی  
 آزوبلا یوللارینی قانیمی بولولله حلال  
 چکوبله تیغ منه از طریق شیطانی  
 دیوبدی حضرت عیسی سنه نه رؤیاده  
 دیورسن ایمدی و یا من دیوم او رؤیانی  
 دیدی صباح اولاندا بو قانلو معرکه ده  
 خجالت ایتمه محمد یانندا عیسانی

نه امر ایدوب سنه عیسی اونا اطاعت ایله  
 بو امتثالیه راضی ایله مسیحانی  
 دیدی بویور کیمه وار نسبتون ازون کیمسن  
 که واردی سنده بو قدری کمال انسانی  
 سنی او عیسی مریم گوزیله من گورورم  
 حواری اولماقا آماده ام همین آنی  
 اگر مسیح دگلسن بیان ایله کیمسن  
 که سنده واردی بواندازه روح روحانی  
 نه شمعسن سنه ایلوم بوجانی پروانه  
 آلوم بو جانیمه شوریه هر بلایانی  
 جواب ویردی که عیسی مسیحه دم ویزتم  
 که شور عشقیمین اولموش کلیم حیرانی  
 محمد عربی جد تاجداریمدور  
 قاباق گئیده گلوب مودمود عنوانی  
 آتام علیدی آدی ایلیا اولوب مذکور  
 یازوبلا بعضری شنطیا او مولانی

آنامدا حضرت زهرادی مریم کبری  
 اودور سپهر حیائین مه درخشانی  
 حسندی قارداشیم هاشن منیم آدیم هوشین  
 تانور کلیمی و انجیلیان بو اخوانی  
 قوی آشکار دیوم آدیمی حسین من  
 فدای دین خدا ایتیشم سر و جانی  
 قوناق چاغیر دیلا مهمان آدیله من گلدم  
 ایدر قوناق چاغیرانلار قتیل مهمانی  
 مسیح عبد ابی عبداللهم بو بسدی منه  
 خدا ایدوب منه احسان بو شأن شایانی  
 گویه گیدوبدی اگر پای داردن عیسی  
 منیم باشیم دولانار نوک نی ده هریانی  
 جداباشندا اوخور بو کسیک باشیم قرآن  
 که سرفراز ایلسون ملت مسلمانی  
 منیم بو حالیمه باخما که دوشموشم یارالی  
 بو حالتیله منم شهر عشق سلطانی

خدائیله آرامیزدا بیر عهد و پیمان وار  
 شهادتیمدی ویرن آخره او پیمانی  
 اولوب خدائیله عهدیم که دین حق اوسته  
 باتام قزلقانا گلزار ایدم بو صحرانی  
 مسیحی اوغلی منیم قاتلیم دگلسن سن  
 منی قتیل ایده جاق بیر ستمگر جانی  
 سنی چکوب گتوروب نیک طالعون بویره  
 کمرده محکم ایله همتیله دامانی  
 ازله پاک ایله دلدن غبار تثلیشی  
 وحید و فرد تانی ذات حی یکتانی  
 ازون خلاص ایله آج آت کناره زناری  
 حریم یارده سن ترک ایله کلیسانی  
 ره حقیقتی تاپ قوی کناره انجیلی  
 یوزیوی کعبیه دوت بول کتاب قرآنی  
 فصیح نطقی او حالتده عاطفی باخشی  
 ایدوبدی جلب ایله اول نوجوان ترسانی

کنار ایلدی بوینوندا کی او زتاری  
 الیندن آتدی پره تیغ تیز برانی  
 دوشندی شاه شهیدین گوزل قدملرینه  
 سرشگ شوق توکوب ایسلادوبدی دامانی  
 شهادتین دیوب اولدی مشرف اسلامه  
 وحید و فرد بولوب ذات حیّ سبحانی  
 شراب عشق حسینی اونی ایدوب سرمست  
 آلوبدی تیغ الینه قصدیلدی میدانی  
 ایدوب او تازه مسلمان قتال دشمنیه  
 او شور باشد اولوب دین حق قربانی  
 اودا قاریشدی شهیدان کربلائیله  
 گیدوب مقام ایلدی باغ خلد رضوانی  
 بلی حسین برینی سچسه چشم رأفتیله  
 یتر سعاده اولسون ولو او نصرانی  
 بو شرحی تائبه یازدیردی بیر وجود شریف  
 حسین شهرتی نوتاش حسین نواخوانی  
 امید وار بیزه ده چشم رأفتیله باخا  
 او باخماقی بیزه کافیدی یوخدی کتمانی

زیانحال امام حسین (ع) در بالین  
 فرزند زینب در علی اکبر (ع)

آچ گوزون ای اکبر آهونگاهیم آچ گوزون  
 ای گل اوزلی غنچه لب زلفی سیاهیم آچ گوزون  
 ای یارالی پیش مرگ راه اولاد خلیل  
 ای منای عشق قربانی اولان تشنه قتیل  
 باش و جان قویدون سپاه عشقیمه اولدون دلیل  
 ای دلیل راه جان برکف سپاهیم آچ گوزون  
 واردی جانانیله عهدیم سوزهمان عهدیم همان  
 لیک بو غوغاده قالیمشدیم بدادن ناگران  
 بو بدانی گوتدی یول اوستن آخان قانون عیان  
 جان نثاریم رهگشای شاهراهیم آچ گوزون  
 قطع الفت یانددیرار گرچه دل آگاهی  
 لیک سن گتدون اله بو نشئه ده دلخواهیمی  
 قانونیله ایلدون محکم کلام اللّهمی  
 ای فدای راه قرآن الهیم آچ گوزون

عمریمین باغینده ای نورسته نخل حاصلیم  
 ای منیم آرام جانیم ای سویدای دلیم  
 واردی تار عشقوه دلبسته یاسلی بیر ئلیم  
 گوزلوری بیر سلسله دیده براهیم آچ گوزون  
 خیمه لرده ایمدی عمن محشر کبراقوروب  
 اهل بیتیم انتظار یله یول اوستونده دوروب  
 باشون اوسته آه نالم نینوانی دولدوروب  
 کربلا دشتی اولوبدی حشر گاهیم آچ گوزون  
 بیله که یورقون یارالی سوزیله ساز ایلوسن  
 یان دیور سان قلبیمی دردیله دم ساز ایلوسن  
 گوز آچان مورسان و یا بو بی کسه ناز ایلوسن  
 ناز بسدی نازنین آهون گاهیم آچ گوزون  
 ای صف رزم غزائی ده اولان زرین کمر  
 ای درخت مرتضائی ده اولان شیرین ثمر  
 ای سپهر مصطفائی ده اولان رخشان قمر  
 گون باشون اوسته گلوب رخشنده ماهم آچ گوزون

پیر ویرن ای عشق جانانه دل آگاهده  
 از وجودین محو ایدن شور اوسته عشق اللهده  
 عشق قربانی بو شور انگیز قربان گاهده  
 ای منیم سرمایه اعزاز و جاهیم آچ گوزون  
 سن چالاندا ال ایاق قان ایچره باغیریم قان اولور  
 رنگیوی سولموش گورنده رنگ رخساریم سولور  
 عالم مهر و محبت دور گوزوم اشگه دولور  
 عارضه گوزدن آخور خونین میاهیم آچ گوزون  
 گل سولار گلشنده اما سن کیمی سولماز علی  
 دیده نرگس گوزون تک قانیله دولماز علی  
 قامتون تک هیچ صنوبر سرنگون اولماز علی  
 جو یبار عشقده سرو سیاهیم آچ گوزون  
 سن نه اسماعیله بنزر سن بو قربان گاهده  
 نه چاتار یوسف سنه شأن و جلال و جاهده  
 گلدی یعقوبین سنی تاپدی بو خونین چاهده  
 ای یارالی یوسف داور پناهیم آچ گوزون  
 ۱- سرو سیاه یعنی صنوبر الصغار

دل آچاندا صحبتہ ہر وقت ہر ساعتہ من  
گل آدون ایلر دیم ای عمریم بہاری سر سخن  
سوز لریم تک ساکت اولسیدیم قالاردون دلده سن  
ای سکوت سینم ای ذکر شفاهیم آچ گوزون  
ای گل گلزار عمریم ای قتیل جور خار  
مصرعون ایلوب قانون آخدیقجا عشقی لاله زار  
او خشارام بولالہ زار عشقده مثل ہزار  
چولقار عرش اعظمی فریادو آہیم آچ گوزون  
تا ئبا اکبر غمینده آغلیوب آل عبا  
سس چک آغلا سندہ اول آل عبا یہ ہمصدا  
مطلعی مقطعدہ یاز سسلردی شاہ کربلا  
آچ گوزون ای اکبر آہونگاہیم آچ گوزون

**زبانحال امام حسین (ع) در بالین  
فرزند دلینرش**

ای جوانلار جان ویرور شبہ شہ بطحادی بو  
اکبریم دور داغدیدہ قلبیمہ یارادی بو  
خنجر و شمشیریلہ جسمین ایدوبلر چاک چاک  
نرگس مست و خمارین دولدور و بدور خون و خاک  
عارضہ قان ہالہ سی آلموش بو ماہ تابناک  
مہجہ قلب ملول حضرت زہرادی بو  
پیر عشقم پیرویم نورس جوانیمدور منیم  
دیزلریمدہ طاقتیم دلده توانیمدور منیم  
دادخواہیم ہمدمیم آرام جانیمدور منیم  
نونہال گلستان حضرت طہادی بو  
اکبریم آل خلیلین اولین قربانیدور  
بو منای عشقی گلگون ایلین آلقانیدور  
چاک چاک اعضاسی عشقین زینت میدانیدور  
بوستان عمریمہ سروچمن آرادای بو

گل کیمی گل پیکری پرپر دوشوب اوراق دور  
 بوندان اوتری چو خلی بلبل لر توانی طاقدور  
 بیر بلوک اهل حرم دلبسته دور مشتاق دور  
 دلستان آل حیدر دور ملک سیمادی بو  
 پیکر پاکین یازوب دشمن دم شمشیر یله  
 بیر هما تک پر آچوب قد رساسی تیر یله  
 من باخوب یانام شرار آه عالمگیر یله  
 چون سویدای دلیم دور قلیمه یارادی بو  
 بیردی اوندی یوزدی هرگز سانه گلمز یاره سی  
 قویم یون قالسون یراوسته پیکر صد پاره سی  
 حمل ایدون گوزلور خیمده خواهر بیچاره سی  
 طاقت و صبر دل مجنون نما لیلادی بو  
 بیر گورون قالموش نه حاله نوجوان بی نظیر  
 ایتمیوب انصاف طغیان ایلوب قوم شریر  
 چوخ وروبلاز نازنین اعضاسینه پیکان و تیر  
 قاف همتده ستمله صیدا اولان عنقادی بو

برج عزتده جوانیم کوکب رخشنده دی  
 ماه و انجم طلعتیندن بر ملا شرمنده دی  
 هوردن نوری دیسم چو خودور اگر زببنده دی  
 طلعت رخساری گوندور دیده سی شهلادی بو  
 آل حیدر خیمه ده اکبردن ایلر گفتگو  
 آغلا شور اهل حرم دوتموش خیامی هایهو  
 ناله و اکبرائیله دولوب دور موبمو  
 عترت خیرالورایه مایه ابکادی بو  
 قارداشندان امر مشکلدور باجی الفت کسه  
 صحبت اکبر سالور یتجاق سکینه هرکسه  
 اونلا باهم آل پیغمبر ویروللر سس سسه  
 مایه داد و نوای عترت زهرادی بو  
 گلشن عمریمده اکبر بیر گل نورسته دی  
 جور خار یله دوشوب دور یرده پرپر خسته دی  
 سر بسر آل پیمبر اکبره دلبسته دی  
 خاصه آرام و قرار زینب کبرادی بو  
 ایلور ایمدی آنا عمه باجیلار اضطراب  
 خیمه گاهی چولقیوب دور شورشین و انقلاب



قورخورام یکسر گله میدانه آل بو تراب  
 دلستان خاندان عصمت علیادی بو  
 خیمه دن هر دم گلور شیون سسی آرام آلور  
 گرچه من دریای صبریم اوزگه بیر حاله سالور  
 بیلم از حالیمله من زینب نه احواله قالور  
 نوجوان داغی یاماندور محنت کبرادی بو  
 کشتی عمریم اولوبدور غرق قان دریاسینه  
 من ازوم غرقم ایدنده سیر ایشین معناسینه  
 قان اولور باغیریم باخاند اچاک چاک اعضاسینه  
 پاره قلبیمدی آرام دل شیدادی بو  
 گتدی تاراجه توانیم قالمادی منده دوزوم  
 جان ویرور ظاهرده او غلوم باطناً اللهم ازوم  
 حمل ایدون نعشین جوانلار قویمیون گورسون گوزوم  
 مایه صبریمدی نور دیده بینادی بو  
 تائبایاز نوحه آغلا تا نفس وار دل ملول  
 ایسته سن دنیا و عقبا مقصدین تاپسون حصول  
 ذکر قیل اکبر آدین توک گوزیاشین مثل سیول  
 آتما باشدان بوشعاری چوخ گوزل سودادی بو

استمدار قمر بنی هاشم (ع)

داده گل خسرو خوبان قارداش  
 دوشموشم قانیمه غلطان قارداش  
 ای اولان زبده ناس گیدور الدن عباس  
 هاردا سان مهر و وفا آینه سی  
 هامی بی کس لرین امید و کسی  
 گل ابو الفضلین اول دادرسی  
 او گلن یوللارا قربان قارداش  
 مشکدن خون دلیمدور سوزولوب  
 دوره مه بو قان ایچنلر دوزولوب  
 آلسیزم گل الیم الدن اوزولوب  
 دوت الیمدن شه خوبان قارداش  
 قیل تماشا قانیم آخسون گتسون  
 بو یارالی سنه باخسون گتسون  
 گوزی سنده گوزی آخسون گتسون  
 ویرسون اول حالتیله جان قارداش

ظلمین اشرار آتوب سنجہ اسینی  
 آرترو بلار اور گیم رنجہ سینی  
 شیر یوین سالدیا گل پنجه سینی  
 آچدی روبه لره میدان قارداش  
 ال تاپان فرقه ناکسدی منه  
 سربسر چاره یولون کسدی منه  
 صون نفس بیر باخیشون بسدی منه  
 منه جان اوسته ویرر جان قارداش  
 بولورم دردیمه آگاه سنی  
 ملک عشقه گورورم شاه سنی  
 تانورام عاشق الله سنی  
 عاشقم من سنه چو خدان قارداش  
 مکتب عشق گورن استادم  
 بندۀ عشقون اولان آزادم  
 من سنه عاشق مادر زادم  
 اولورام عشقیمه قربان قارداش

۱- سنجہ یعنی میزان

گل محبت ایله بو عطشانه  
 تشنه قربان اولورام قرآنه  
 سو کنارینده سوسوز قربانه  
 اوخی ادعیّه قربان قارداش  
 سیدی لطف ایله اوز قارداشوا  
 هر بلالرده بلا یولداشوا  
 نوکرون ایله تصدق باشوا  
 ویر اونا عزت شایان قارداش  
 اوز آنان گورماقا گر میلون اولا  
 بیله فرصت اله دوشمزم مولا  
 گل باشیم اوسته گلوبدور زهرا  
 وای اوغول سسلوری گریان قارداش  
 تا اوغول سسلدی مهریله منی  
 ایتدی دلشاد بو محنت زده نی  
 سسلدیم قارداش اودور منده سنی  
 یاخشی سالدیم اله عنوان قارداش

لطف قیل اولمیه تا وقت تلف  
 گل کناریمده دی سلطان نجف  
 چوخ گوزل ایلمیشم کسب شرف  
 مقتلیمدور شرفستان قارداش  
 بو شرف هامویه قسمت اولماز  
 اوزگه ده بیله شرافت اولماز  
 بیله شوکت بیله عزت اولماز  
 عزت عالم امکان قارداش  
 قان دو توب چشم گهرافشانی  
 دیده دل گوروری زهرانی  
 دلغمین خانه نشین مولانی  
 باغریقان چاک گریبان قارداش  
 علی و فاطمه دل داغلا لار  
 گوزیاشین گوزدن اوزه باغلا لار  
 باهم اوخشالا منه آغلا لار  
 بیری گریان بیری نالان قارداش

باخ او گریانلارا گل شیونه سن  
 شوریه گوزیاشی توک دامنه سن  
 آغلیوم من سنه آغلامنه سن  
 ای قویان عالمی گریان قارداش  
 گل ازون سیل بو گوزومدن قانی  
 بیر گوروم سیر او رخ زیبانی  
 او بهشتی یوزیوین قربانی  
 ای یوزی زینت رضوان قارداش  
 ال یتور السیز ایاقسیز دوشنه  
 بسدور ایستسن نظر لطف منه  
 صون نفس سن منه باخ منده سنه  
 ای گوزی دیده عرفان قارداش  
 بیرجهان بو باخیشین قیمتی وار  
 انس و الفت یارادان حالتی وار  
 بیله جان ویرماقیمین لذتی وار  
 فوق بیر عمردی بو آن قارداش

گریتورسن باشیم اوسته اوزیوی

سوز ویروب هم آلام من سوزیوی

حسرتم بیرده گورم گل یوزیوی

حقّه تسلیم ایلیم جان قارداش

قیدیمه یوخدی قالان قیدیمه قال

گل بو صوندمده سنق گوگلومی آل

یوخ الیم سن قولوی بوینوما سال

فخر و تاج سر اخوان قارداش

تائبا واردی شفاعتده گوزون

همت ایت سال در عباسه اوزون

دی ابوالفضل علمداره سوزون

دیسون آلسون سنه غفران قارداش

### زبانحال حضرت قمر بنی هاشم (ع)

ال تاپدیلار سقای لب عطشانه قارداش

صدپاره قولسوز یخدیلار میدانه قارداش

دوتدی سو مشگین اهل کین الده بهانه

گتدی هامی ظلمین بو صحراده عیانه

هر سمتدن ایبتدی منی تیره نشانه

بنزردی دشمن اوخلاری بارانه قارداش

گوردوم سومشگین ایلیوب قزلار احاطه.

یاندیم اورکدن حال لب تشنه بناته

سومشگی سالدیم چگنیمه گلدیم فراته

تحصیل ایدم سو عترت عطشانه قارداش

چوخ زحمتیله سعی ایدوب آلدیم فراتی

ایبتدیم مجسم گوزده لب تشنه بناتی

من بیلمدیم جایز ایچم آب حیاتی

اولدوم رضا قلبیم سوسوزدان یانه قارداش

یاسیدی رسم وفادن گچمدیم من  
 از نفسیمی نفسوندن اصلا سچمدیم من  
 نهر فرات آلدیم ولی سو ایچمدیم من  
 گتدیم وفانین رسمینی امکانه قارداش  
 ازبسکه دوتموشدوم سوسوزلیقدان شراره  
 اوجومدا سوگو تدم ایچم یاندیم دوباره  
 آتدیم سویی نهره سوسوز چخدیم کناره  
 ایتدیم ملامت بودل سوزانه قارداش  
 قصد ایلدیم مشگی آپازام خیمه گاهه  
 ویزم سولبتشنه قالان اطفال شاهه  
 توش اولدوم اما یولدا آهندل سپاهه  
 لعنت گله بولشکر نادانه قارداش  
 یکسر منیم اطرافیمی دشمن لر آلدی  
 قوللاریمی ظلمیله اهل کینه سالدی  
 اولدی قلم قوللار سو مشگیم یرده قالدی  
 حسرت یاراتدی چوخ بو سرگردانه قارداش

سو باره سینده چخمادیم هرگز سوزومدن  
 اوخلاندی مشگ ایتدی منی مایوس اوزومدن  
 مشگه دگن اوخلار دگیدی کاش گوزومدن  
 یوز ویرمیدی یأس بوگریانه قارداش  
 باران کیمی یاغدیدیلار پیکانی اعدا  
 گوردوم سو مشگین اوخلیوللر بی محابا  
 قوخدم گیده زحمتلریم باده سراپا  
 بو سینه می ایتدیم سپر پیکانه قارداش  
 پوزقوندی حالیم دلده وار بی حد رشگیم  
 باجادی گرگوزده دونه آلقانه اشگیم  
 اوخلاندی قلبیم اونداکی اوخلاندی مشگیم  
 سو آخدی گتدی دوندی باغریم قانه قارداش  
 قوللاریمی سالدی منیم اهل عداوت  
 مشگیم قالب یرده منه آرتیردی حسرت  
 اولدوم سوسوز اطفالدن آخر خجالت  
 دوشدوم عجب بیر درد بی درمانه قارداش

السيز گوروب آچدی منه دشمنلريم ال  
 يازدی يارالی جسميمي مانند جدول  
 بير ياره وردی باشيمه ظلميله نوفل  
 سالدی او زخم آتدان منی ميدانه قارداش  
 چوخ چوخ چالشدیم ياتماسون بو پرچم حق  
 باشيم ياريلدی ليک فرقيم اولدی منشق  
 آتدان يخلدیم سرنگون اولدی بو بيرق  
 ايتدی گوگل معموره سين ويرانه قارداش  
 بير ضعف دل يوز ويردی پيچ وتابه دوشدوم  
 قان آخدی باشدان عارض مهتابه دوشدوم  
 ای نوح طوفان بلاگردابه دوشدوم  
 دریای خون غرق ایلوری طوفانه قارداش  
 بير السيزم چوخ وار يانان قلبيمده نسکل  
 اما آلوب اطرافيمي قوم ارادل  
 خنجر چکوبدور قتليمه اون يدی قاتل  
 بو امرده ایتمزله خالی شانه قارداش

سقالرين حالين ايدر حاليم پریشان  
 گورسه دولوبدور سويرينه مشگه آلقان  
 باهم دوشوبدور مشگيله سقا لب عطشان  
 ساقی دوشوب بی خود سنوب پيمانه قارداش  
 افسوس دوندی عاقبت وصلت فراقه  
 قاتل باشيم اوسته يتوبدور جان دوداقه  
 ويرمز امان باری دورام برده اياقه  
 تعظيم و کرنوش ايليم سلطانه قارداش  
 بوباشيمي خوشدور ديزون اوسته آليدون  
 من جان ويرنده سن کناريمده قاليدون  
 آخر نفسده بوينو ما بير قول ساليدون  
 جان تاپشوريديم فخريله جانانه قارداش  
 تائب داخی يازما قلم دوردی داياندى  
 ازبسکه سوز نسکل لی سوزدی خامه ياندى  
 ذکر ايله اول مصرعی ياخشى بياندى  
 ال تاپديدلار سقای لب عطشانه قارداش

**زبان حال حضرت سید الشهدا (ع) خطاب  
به حضرت قمر بنی هاشم (ع)**

دور ای بو غریب شهر یارین بود شته سر سپاهی قارداش  
دشمنلر الینده قویما یا لقیز بوبی کس و بی پناهی قارداش

بو نهر یاندا سن یخلدون بیر سرور و ان تک ای وفالی  
سندی بلیم اولدی بار غمدن خم قامت سرویم ای یارالی  
آز قالدی یته بو قانلو چولده خورشید امامتین زوالی  
قان هاله سی دوتدی دور رویون تامنخسف ایتدی ماهی قارداش  
تا گلدی سسون خیامه قارداش و ادور نه بلا باشوندا ییلدیم  
قوندی یوزیمه اوم غباری گوز یا شلی گوزوم یا شیله سیلدم  
بالینوه من گلوب یتونجه الله بولوری اlob دیر یلدم  
اود سالدی دله بو آه سردیم آه اوسته چکنده آهی قارداش  
گردون محبت و وفاده واقعه ایشقلی ماهیدون سن  
پو بی کسه وادی بلاده بیر یاور و داد خواهیدون سن  
اردوسی سنان شه و داده بیر ملت بیر سپاهیدون سن  
سندنصورا قالدی بو حسینین نه لشکری نه سپاهی قارداش

تو پراقدا بو سرخ قانون آخدی مین رشته غم رقم وریلدی  
دشمن سنی نیزه پوش ایدنده بو سینه مه تیر غم وریلدی  
الواح کتاب زندگی ده سنسیز آدیما قلم وریلدی  
سنسیز داخی نیلوری حسینون بیر زندگی سیاهی قارداش  
ای ماه سپهر آل هاشم صد چاک بو قان شفقه باتدون  
دو شدون یارالی یراوسته یاتدون عالمده یاتانلاری او یاتدون  
یاتدی علمون از ونله باهم دین پرچمینی ولی او جاتدون  
بیر جفت قلم قولون اولوب دور خد متلریوین گواهی قارداش  
خمخانه عشقه ازل گون سن جام و فاب دست اولدون  
سقالقبی سنه یاز یلدی میخانه ده می پرست اولدون  
چکدون باشا باده وفانی لاجرعه او گونده مست اولدون  
جامون سنوب ایمدی قانون ایلوب رنگین بورز مگاهی قارداش  
سن اهل محبت و وفالی بیر رهبر عشق و رهنما سن  
از عشقینه محو اولان بلالی باشدان ایاقا ازون صفاسن  
یا عشق دیده یارالی الله یولوندا جان فدا سن  
قانیله بو قانلو چولده آچدون عشق اهلینه شاهراهی قارداش

ای راه محبت و وفاده باش فکرین آتان گچن اوزوندن  
 ای آب فراته باخماق اوسته صرف نظرایلین گوزوندن  
 گل بیردله من دلون فداسی تا سوز لر آوم سنون سوزوندن  
 وارهرنه سوزون بوصون نفسه بیر بیر منه (دی) شفاهی قارداش  
 حسرتله دو لور بو خسته گوگوم حسرت گوزیله سنه باخاندا  
 لاله کیمی قان او لور بو باغیریم شهلا گوزیوین قانی آخاندا  
 خون دل آخوردولی گوزومدن نازیله گوزل گوزون آخاندا  
 بیر چشمه چشمیمه نظر سال گور وارنجه قان میاهی قارداش  
 ای روح وفا همای همت وی امن و امان آل طهاها  
 تا سن واریدون یا تاردی راحت مخیمده هامی بنات زهرا  
 سندنصور اهل بیت عصمت راحت یا تالار محال و حاشا  
 اهل حریمیم بو چولده هیهات بیرده تا پالار رفاهی قارداش  
 حسرت زده قزلاریم وفالی گوزیاشینه خون دل قاتالار  
 وحشت زده دشمنون یارالی دلدن داخی وحشتی آتالار  
 یا تمازدی اولار که قورخوسوندان آسوده خیال اولوب یا تالار  
 سن دوشدون یا قدان اولدی راحت آل اموی سپاهی قارداش

چوخ عاشق اولوبدی عشقه قربان چوخلار ایلیوبدی عشقبازی  
 چوخلار یخلوب گچوبله باشندان ایلیوبدیله کسب سرفرازی  
 سن لیک گوزل شهادتونه آلدون شهادت امتیازی  
 ای عزت کشور شهادت ای مسند عشق شاهی قارداش  
 گتدون یارالی منیم الیمدن منله اور گیمده آه قالدی  
 دشمنلر ایچینده بو حسینون بی یاور و داد خواه قالدی  
 عالمده اولان پناه عالم بودشته بی پناه قالدی  
 ای قارداشینین امید قارداش ای قزلاریمون پناهی قارداش  
 گوزیاشیم آخورباشون دیزیمده گل یوزلی گوزل آدون دلیمده  
 نسکل بو اولور که مین لر یله نسکل یارانور یانان دلیمده  
 سندن ایکی ال قالوبدی یرده مندن ایکی ال قالوب بلیمده  
 الدن ال اوزن سواوسته عطشان بیر قافله داد خواهی قارداش  
 قانونلا بودشت نینواده قانون وفا کتابتون وار  
 لب تشنه فدای دین اولوبسان الله یاننداقیمتون وار  
 سینونده مدال عبد صالح پاینده جلال و شوکتون وار  
 عبد اولموسان اللهاتایوبسان شاهانه جلال و جاهی قارداش



شایانندی سنون جوان فاضل شاهانه جلال و جاهون اولسون  
 صدپاره یخلدیقون یراوسته دربارجهان پناهون اولسون  
 شأنونجه بو محترم مکاندا برشأنلی بارگاهون اولسون  
 سن قالگله جاقداشیعه بوردا قورسونلاو بارگاهی قارداش  
 چوخلار گلی باب دولتوندن درس ادب و وفا آلاآر  
 بو درگه باجلالتوندن دو تقون اورگه صفا آلاآر  
 چوخلار گلی پاک تربتوندن ناخوشلارینا شفا آلاآر  
 محتاجلره کفایت ایلر شهلاگوزیوین نگاهی قارداش  
 تائب که ایوینده وار مریضی ییزدن اولار اطبات ایستر  
 ویزوخ اولار اشفاأزونده دعوت ایدروخ زیارت ایستر  
 دنیا ده همی زیارت ایستر عقباده همی شفاعت ایستر  
 اللهدن ایستروخ بغشله بو بنده عذرخواهی قارداش

### زبانحال امام مظلوم در بالین برادر

آچ گوزون بيله یا تماناز یله قارداشیم او یان داده گلیمیشم  
 آلموشام سسون خیمه گاهدن باشون اوسته امداده گلیمیشم  
 باشیم اوستیم گل دله دانش ای منیم وفادار قارداشیم  
 دشمن ایچره تک قویما قارداشون ای منیم سپهدار قارداشیم  
 باشم اوسته دور آچ دوباره اوز پرچمون علمدار قارداشیم  
 بی کسم کمکسیز سراغینه بوبلالی صحرا ده گلیمیشم  
 ای یارالی وجهی ندور مگر بو غریبه نازایلو سن بيله  
 نه دلیله من سسلورم سنی ویرموسن صدا گلوسن دله  
 قوم کینه یالقیزلیوب منی دورایاقه شمشیرین آل اله  
 یت هراییمه من هرایوه بو اسفلی اثناده گلیمیشم  
 سوزش عطش شدت ایلوب خیمه ده سولوب رنگ لاله لر  
 اوج ایدوب یتوب عرش طاقینه العطش سسی صوت ناله لر

خرداقرلا ریم گوزلوری یولون گوزده اشگ الده پیاله لر  
 ترک ایدوب خیمده او قزلاری بیله بیر تمنا ده گل میشم  
 او خلانان وجودین گورن کیمی مین لر بیله تیر بلا یدیم  
 پاره پاره گل بیکرون قویوب خیمه گاهه آیانجه گیدیم  
 حالوی خبر آلسا زینیم نه دلیلله حالون بیان ایدیم  
 ناگران سالوبدور یولا منی خیمه دن او آزاده گل میشم  
 دشمنین تا پانمازدی ال سنه گر سلامت اولسیدی اللرین  
 قوللارین دو شوب دشمن ال تا پوب دو غریوب بیله جسم اطهرین  
 یاره چوخ وروب بسکه کوفیان بند بند اولوب قانلو پیکرین  
 پاره پاره نعشون سراغینه صبریمی ویروب باده گل میشم  
 ایتدیلر ایکی قوللارین قلم ای جمالی گل قامتی علم  
 اللریمی قوینو مداقوید یلار گوزده گوزیا شیم سینه ده الم  
 شل اولیدی قارداش او کیمسه کیم ایلوب سنون قوللارون قلم  
 سلب ایدوب منیم اختیاریمی دلغمین و افتاده گل میشم

ای وفالی قارداش سن آتش جان اشقیای عنیدیدون  
 بو بلالی چولده بوی کسه بیر سپاهداری رشیدیدون  
 بی پناه اولان اهل بیتمه ملجأ و پناه و امیدیدون  
 اهل بیتیم آغلار خیامده داده من بو صحرا ده گل میشم  
 اولموشام گلوگیر غصه دن درد و غصه بو حلقیمی بیچر  
 هانسی شه مگر بو جهانده سن کیمی علمدار دن گچر  
 واردی باشون اوسته نه عالمیم قارداشی اُن اولسا گر سچر  
 یانمیشام گلنده یول اوسته او دآلمیشام بوا کباده گل میشم  
 بیله حالیه گور جا قین سنی قلب غمزدم او ددو توب یانوب  
 من نجه باخوب صبر ایدوب دُزوم بیکرون گوروم بیله دو غرانوب  
 قوللارین دو شوبدورا اوسته بیر طرفده سومشگین او خلانوب  
 حقلیم باشون اوسته شور یله شورشین و فریاده گل میشم  
 اهل کینه آتدان یخوب سنی امریمی منیم سالدی مشکله  
 سندی اهل بیتیم سفینه سی دو شدولر بوگردا بده گله

غرق اولوللا دریای محنته دورایاقه چک امن ساحله  
 قورخیه دوشن قزلاری قویوب غملی موج دریاده گلیمیشم  
 قان یارالاریندان آخار سنون رنگ آل گل صورتون قاچار  
 داغ حسرتون داغلی سینه مه تیر حسرتی دمبدم ساچار  
 ای وفالی قارداش سن اولماسان باشیم اوسته بس کیم علم آچار  
 بو چوله گلن گونده پرچمون سایه سینده آماده گلیمیشم  
 قارداشی اُن صبرایده گرک هیچ بو نکتیه یوخ منیم سوزوم  
 سن کیمی وفادار فرقتی لیک قویموری سینه ده دُزوم  
 نیلیوم علاقه گسنمورم بلکه گلم آردینجا من اُزوم  
 باتماقا سنون تک قزلقانا وادی بلایاده گلیمیشم  
 تائبین مماتی یاخونلا شوب قور تاروبدی دور حیاتیینی  
 غرق بحر جرم و گناه دور سیزدن ایستوری اُز نجاتینی  
 سیز شفیع یوم نشور سیز لطف ایدون شفاعت براتینی  
 عرض ایدر سیزون آستانوزده دلشکسته افتاده گلیمیشم

**زبانحال حضرت قمر منیر بنی هاشم (ع)**  
**قطاب به امام مظلوم**

هرایه گل شه اعدل سوسوز سقانی گور  
 آنام زهرا گلوبدور گل آنان زهرانی گور  
 بو یوردی اُز آنان دیدیم من یاخا  
 غلامون درک ایله سنه جانیم فدا  
 یارالی دشمنیم یخמוש عدودور صاق صولوم  
 الیمدن اللریم چخמוש قلم اولموش قولوم  
 بو یوردی اُز آنان دیدیم من یاخا  
 غلامون درک ایله سنه جانیم فدا  
 بو صون دم انتظار یله یولون گوزلر گوزوم  
 بو حال احتضاریله سنه چوخدور سوزوم  
 بو یوردی اُز آنان دیدیم من یاخا  
 غلامون درک ایله سنه جانیم فدا  
 فرحدن بو گوگل بو شدور نشاطه یوخ یولوم  
 یوزونده بو یوزوم خوشدور سنه قربان اولوم

بو یوردی از آنان دیدیم من یا اخوا  
 غلامون درک ایله سنه جانیم فدا  
 و فارختین وجودی مدن الونجه سویمارام  
 دورا بیلسم ایاقه من سنی تک قویمارام  
 بو یوردی از آنان دیدیم من یا اخوا  
 غلامون درک ایله سنه جانیم فدا  
 سومشگیم اوخلانان یرده پوزوب تدیریمی  
 الیم یو خودور آلام بیرده اله شمشیریمی  
 بو یوردی از آنان دیدیم من یا اخوا  
 غلامون درک ایله سنه جانیم فدا  
 گوروب قولسوز علمدارون کنارین آلدیلار  
 وروب سرو سمبارون ایاقدان سالدیلار  
 بو یوردی از آنان دیدیم من یا اخوا  
 غلامون درک ایله سنه جانیم فدا

**استغاثه از حضرت قمر منیر بنی هاشم  
 در طلب شفای مریض**

السلام ای عبد صالح روح ایمان یا ابا الفضل  
 ایلین نفسین فدای دین و قرآن یا ابا الفضل  
 عبد صالح سن مطیع ذات رب العالمین سن  
 هم خدا جو هم مطیع پاک ختم المرسلین سن  
 هم مطیع مرتضا هم پور میر المؤمنین سن  
 وار زیارتنامه ده بو طرز عنوان یا ابا الفضل  
 سن چراغ عارفین سن شمع بزم زاهدین سن  
 سن حقیقی بیر مجاهد حق شناس و حق بین سن  
 تاج فرق عاشقین سن عاشق عشق آفرین سن  
 ایلیوب عشاقی عشقون مات و حیران یا ابا الفضل  
 باش و جانیندن گچوب رسم وفادن گچمدون سن  
 نفسوی نفس حسین ابن علیدن سچمدون سن  
 تشنه لب آلدون فراتی ترک ایدوب سوا سچمدون سن  
 از مواساتون جهاندا ایتدون اعلان یا ابا الفضل

تا فرات آلدون سنيله باشلادی سو گفتگوسین  
ایستدی اُپسون دوداقون تا چو خاتسون آبروسین  
ناز قیلدون نازویله گوزده قویدون آرزوسین  
ایتدی بو حسرت فراتین باغرینی قان یا ابوالفضل  
نار عشقونله یانوب چوخ سینده داغلار قالوبدی  
باشدا سودای زیارت شیعهر آغلار قالوبدی  
چوخ گلن وار یول آچیلسایوللارین باغلار قالوبدی  
باغلی یوللاره باخولار دیده گریان یا ابوالفضل  
سن گل باغ و فاسن سرو بستان ارم سن  
صورت صدق و صفاسن سیرت جود و کرم سن  
ماه آل مرتضاسن ساقی اهل حرم سن  
تشنگان عشقه قیل بیر جرعه احسان یا ابوالفضل  
سن علمدار رشید شهریار کربلاسن  
فارس حیدر نماسن یادگار مرتضاسن  
هم آتان مشکل گشادی هم اُزون مشکل گشاسن  
بیر نظر باخسان اولار هر مشکل آسان یا ابوالفضل

سن یاتان یر ای وفالی مهدکانون وفادی  
بارگاهون ای صفالی بارگاه باصفادی  
ای شفا روحی یارالی مدفنون دارالشفادی  
اوردا وار هر بی مداوا درده درمان یا ابوالفضل  
جوهر زهد و ورع سن گوهر بحر ادبسن  
هم آتان عالی نسب دور هم اُزون عالی نسبسن  
هم آدون باب الحوائج یعنی کشف کُرب سن  
سینه لردن سیل غباری شاه خوبان یا ابوالفضل  
چون سنه گل میشدی دعوتنامه نازلی میزبانان  
محو عشق دوست اولدون الگوتور دون باش و جانان  
پاره پاره باشه قویدون تاج زرین سرخ قانان  
تاج زرین باشدا گتدون یاره مهمان یا ابوالفضل  
ای جمالی شمع جمع محفل شب زنده داران  
شمعون پروانه سی ای عارفین و هوشیاران  
روح ایثار و صداقت افتخار جان نثاران  
ذکر ایدوب یا عشق اولدون عشقه قربان یا ابوالفضل

فی سبیل اللّٰه ویردون راه جاناندا ایکی ال  
 قطع اولونموش اللروندن دوتدی دست ذات اول  
 اولدی اسباب شفاعت حشره بو اللر مُسَجَّل  
 فاطمه محشرده ایلر الده عنوان یابا الفضل  
 اوندا کی محشر قورولدی محشره گلدی جماعت  
 حضرت زهرا اوگونه گوسترر آیری قیامت  
 شیعیه ایلر کسلیمیش اللرون الده شفاعت  
 اللرونده وار نجات اهل قرآن یابا الفضل  
 سن یخلمشدون یارالی سینده سوزوگدازون  
 سّری وار نعشون او یرده قویدی گتدی دلنوازون  
 ایستدی تک دو شماقونلا اولسون عالی امتیازون  
 یستون استقلالویله عزّ شایان یابا الفضل  
 عبد صالح سن اولونموش بو عبودیت گواھون  
 عزّت نفسیله گتدون قالدی باقی عزّ و جاھون  
 بوسه گاه شهلر اولدی آستان بارگاہون  
 بنده اولدون حقّه تاپدون شأن سلطان یابا الفضل

تائبین وار بیر مریضی یوخ تاپان قطعی دو اسین  
 نا امید اولموش تکویدور تک سنه چشم رجاسین  
 دست بر دامان اولوبدی ایستوری سندن شفاسین  
 ویر شفا جان لار اوناز شته قربان یابا الفضل  
 امرایدوب اللّٰه بنده سن منه ایله اطاعت  
 دوندریم ایلوم اُزوم تک هم ایدوم دارای قدرت  
 عبد صالح سن یقیناً سننده وار بو قابلیت  
 ویر شفا ای عبد پاک حیّ سبحان یابا الفضل  
 وار کیمیم حالی اولا بو معضلات و مشکلیمدن  
 بار سنگین بلانی تا آلا دوش دلیمدن  
 لطف قیل اللّٰه دوتموش اللرونله دوت الیمدن  
 اولسون امیده مبدل بیله حرمان یابا الفضل  
 سن اُزون باب الحوائج من سیهرو اهل حاجت  
 یتیمیش ایل وار بو قاپوزدا اولموشام مشغول خدمت  
 سن عنایت ایتمه سن گرئل منه ایلر شماتت  
 ویر شفا تاپسون غلامون قویما خذلان یابا الفضل

## زبان مال مادر حضرت علی اصغر (ع)

یات اصغر شیرین زبان لای لای بالام لای لای  
ایتمه آنای باغریقان لای لای بالام لای لای  
دلده شرار آهوی بیریله یاندرما  
آهوباخللی گوزلرون بیله دولاندرما  
عطشان دوداقلارون اموب از دردون آندرما  
گلمه دله ایتمه فغان لای لای بالام لای لای  
ای ماه پاره بیر آخان اولدوز کیمی آخما  
حسرتله دولدورما گوزون صاق و صولا باخما  
بی کس آنایین قلبینی چوخ یاندریوب یاخما  
یاندیم یارالاندیم امان لای لای بالام لای لای  
یاندون سوسوزدان آغلادون یاندیم بونسکلدن  
نه سو واریمدور نه سودیم ایوای بومشکلدن  
یوخ چاره آز آغلا علی سالما ازون دلدن  
ای خسته یورقون ناتوان لای لای بالام لای لای

هولیه چالما ال ایاق بیله تلاش ایتمه  
آهیله گزلین دردیوی رمزیله فاش ایتمه  
درناقویله سینه می بیله خراش ایتمه  
سینمدن اولدی قان روان لای لای بالام لای لای  
نه بیر آنا درده گلوب من تک بو عالمده  
سن تک یانوب نه بیر بالا بیر بوتئه غمده  
نه یوخلوسان گهواره ده نه اولدی سینمده  
قیل استراحت بیر زمان لای لای بالام لای لای  
سولموبدی سن تک غنچه گل بیر صحن گلشنده  
قالموبدی من تک بلبللی گوز یاشلی شیونده  
یوخدور علاجیم نیلیوم منده سوسوز سنده  
سن باغریقان من باغریقان لای لای بالام لای لای  
دردو غمیله هیچ اورک قلبیم کیمی دولماز  
چوخ باغریقان وار من کیمی بیر باغریقان اولماز  
چوخ گل سولار سن تک ولی بیر غنچه گل اولماز  
ای غنچه چاقیندا سولان لای لای بالام لای لای

گوزم سنون بو حالتون قان آغلارام یانام  
 آهیم اوديله سینه می چوخ داغلارام یانام  
 ناچار قالام اللرون من باغلارام یانام  
 اولما آناندان بدگمان لایلی بالام لایلی  
 بو اهل کوفه کینیله مهمانی یوخلالار  
 دردی قوناقین اولسا آز بویرده چوخلالار  
 سو ایستمه سو ایسته سن ظلمیله اوخلالار  
 حلقون اولار تیره نشان لایلی بالام لایلی  
 تائب علی اصغر غمی یانیدردی دنیانی  
 یانیدردی زینب قلیمی آغلادی زهرانی  
 باسدی آناسی باغرینا شش ماهه قربانی  
 گوزیاشلی ایلردی بیان لایلی بالام لایلی

**زبان حال حضرت زینب کبری (س) خطاب  
 به برادر در مصیبت حضرت علی اصغر (ع)**

گزمه حیران قانلو میدانی حسینیم آغلاما  
 ویر منه بو اوخلی قربانی حسینیم آغلاما  
 اوخلی قربانون قوجاقینده دل ناشادیله  
 دولدوروب دشت همایون عراقی دادیله  
 سالموسان شور حسینی ناله و فریادیله  
 شوریله دولدورما صحرانی حسینیم آغلاما  
 قطب عالمسن حریم کبریانی محرمی  
 پوزما از حالون گره لندیومه ابروی خمی  
 پوزقون احوالون پوزار نظم و نظام عالمی  
 پوزما نظم کون و امکانی حسینیم آغلاما  
 ای جمالی چرخ عزتده اولان بیر آفتاب  
 کوکب رخشان الونده توکمه گوزدن اشگ ناب  
 آه آتشیباریویله از ازون ایتمه کباب  
 ویر منه بو نجم رخشانی حسینیم آغلاما



گه گیدوب صاق و صولا میداند آگه دور ما بیله  
 گل جماله غم توزی قوندور ما سولدور ما بیله  
 وای بالام وای ناله سیله کونی دولدور ما بیله  
 آغلاما آغلاتما دنیانی حسینیم آغلاما  
 اولدی پرپر لاله زار عشق غنچه لاله سی  
 گل یوزه گوزدن آخان گوزیاشی اولدی ژاله سی  
 شوریه آفاقه سالدون وای بالام وای ناله سی  
 دولدوروب شوریه میدانی حسینیم آغلاما  
 اوچ گجیدی خواب ناز ایتمزدی بو عطشان بالا  
 مرغ بی برگ و نواتک دائم ایلردی نوا  
 اوخ سالوب دلدن دوشوب سس سیزیاتو بدور بی صدا  
 ویربوسس سیز مرغ خوشخوانی حسینیم آغلاما  
 شیرخوارون محو عشق حضرت جانان اولوب  
 اوخ دگنده حلق نازیندن اودور خندان اولوب  
 دیتینه قرآینه لبخندیه قربان اولوب  
 ویرمنه قربان قرآنی حسینیم آغلاما

ای وفاسیماسی وی نخل محبت هسته سی  
 ای گلستان وفانین باغبان خسته سی  
 غنچه گلدور الونده یا قزل گل دسته سی  
 دولدوروب عطریله هریانی حسینیم آغلاما  
 گه باخوب یانما بالاوین حال رقت بارینه  
 گه بوغازینده اولان زخم خدنگ آثارینه  
 گاه یاخما حلقینین قانین گوزل رخسارینه  
 گاه سَپمه گوگلره قانی حسینیم آغلاما  
 داغلانار دلر آنام اوغلی اگر دل داغلاسان  
 سیل غم باشدان آشار رخساره اشگون باغلاسان  
 یرلر آغلار گویلر آغلار سس چکوب سن آغلاسان  
 من او چشم مست قربانی حسینیم آغلاما  
 آغلاماق دوزدور اور کلردن غبار غم سیلر  
 اوزگه بیر عالمدی بو عالم هامی عالم بیلر  
 آغلاسان اما سنی پوزقون گورر دشمن گولر  
 شاد اولالار قوم سفیانی حسینیم آغلاما

وار یقین بو کاروانیله آنام زهرا گزر  
 حالوی هر حالده ایلر سنون مدّ نظر  
 آغلاسان آغلار جهانی غرق سیل اشگ ایدر  
 آغلاما آغلاتما زهرانی حسینیم آغلاما  
 یاندیروب سوز عطش هم سوسنون هم سنبلون  
 سولدوروب بادخزان بوچولده بیر گلشن گلون  
 حلق نازین اوخ بیچوب دلدن دوشوبدور بلبلون  
 ای خزان اولموش گلستانی حسینیم آغلاما  
 وار ایله بیر عالمون دلدن توان و تاب آلور  
 زخم دار آهوکیمی گزدیقجا سن قان ایز سالور  
 هر قدم گوتدوقجا یرده قان آخور ردین قالور  
 لاله رنگ ایلور بیابانی حسینیم آغلاما  
 گه باسوب آغوشوه جان تک علی اصغری  
 سسلوسن آغلار گوزیله عون و فضل و جعفری  
 گاه اوغلون اکبری گه قاسم گل پیکری  
 یادایدوب انصار و اعوانی حسینیم آغلاما

گه سالورسان حسرتیله غملی سودایه باشون  
 قارداشون عباسی سسلورسن گوزونده گوزیاشون  
 یوخالی آلسون سوسوز قربانی سندن قارداشون  
 ایلمه شرمنده سقانی حسینیم آغلاما  
 آغلیوب دلده بالام وای گلمه بیله شیونه  
 بیر آدامسیزسان کیمون وار سس ویره قارداش سنه  
 دردیوی من تک آلان اولماز (دی) از دردون منه  
 ای آدی هر درد درمانی حسینیم آغلاما  
 حقیسن یالقیزلیقدان ایتسن افسوس و گله  
 لیک آدامسیزلیق الیندن گلمه داده بیر بیله  
 المیوبدور بو وفالی زینبون صاقدور هله  
 من سنه یارم حسین جانی حسینیم آغلاما  
 ویر بالامی من وفالی عمّیم دل داغلیوم  
 اوخشیوم عمّه دلیله سس چکوب بیر آغلیوم  
 شیونیه آغلیوم هم اوخ یاراسین باغلیوم  
 سن یاراتما اشگ طوفانی حسینیم آغلاما

ایلمه غم قیدیوه گرچه قالان یو خودور حسین  
 قالموسان یالقز سنی یاده سالان یو خودور حسین  
 قانلو قندا قی الوندن بیر آلان یو خودور حسین  
 ویر منه بو قانه غلطانی حسینیم آغلاما  
 سن دُزوم دریاسی سن ای خسرو والاجناب  
 بو ثبات صبر یله قالموبدی سنده صبر و تاب  
 سن بو قدری آغلینده نیلسون بی کس رباب  
 غم یخار اول خانه ویرانی حسینیم آغلاما  
 خون دل قاتمیش آناسی گوزده اشگ جاریه  
 ویر بالاسین ردّ ایدوم اول غمکش و بی چاریه  
 اوخ یاراسین باغلیوب سالسون گنه گهواریه  
 ناگران قویما او نالانی حسینیم آغلاما  
 تائباً فکرایتمه اولدی یازدیقون سوز لر گوزی  
 سن یازانماز سان سوزی سوز صاحبی یازدی ازی  
 زینب کبرا دلینجه بیرده ذکرایت بو سوزی  
 گزمه حیران قانلو میدانی حسینیم آغلاما

### در جلالت امام حسین (ع)

تعالی اللّٰه عجب کاخ فلک فرسادی بنیانی  
 ورو بدور اوج او ادنایه باش قوسین ایوانی  
 سلیمان هار دادی گلسون مُمَرِّدَصْرَحَه سیرایتسون  
 که دیو و دد یرینده صف چکوبدور حور و غلمانی  
 عیاندور شمسه نور حرمدن نور لاهوتی  
 نهاندور تربت مشگ آفرینده ستر یزدانی  
 بیر آچ اوز آسمان بین دیده وی باخ سطح غبرایه  
 ویرور تمثال عرش حقی عرضه چار بنیانی  
 غلط دوشدی سوزوم گر وارخدانین عرش اعلاسی  
 بو کاخ اولموش دلیل استوای عرش رحمانی  
 فلک باشین اگر چون دیو تخت جم قباقینده  
 جهانی حلقه خاتم ایدر دست سلیمانی  
 حسین ابن علی اول شهسوار صحن عاشورا  
 مبرهن آرتوران عالمده عزّ و شأن انسانی  
 بیلنمزدی او ستر علم الاسمانی تا محشر  
 از لده اولماسیدی بو البشر طفل دبستانی

قالاردی تا ابد حوای امکان شب تک آستن  
 طلوع ایتمزدی گر صبح از لدن روی رخشانی  
 عجب یوخ نسل زهرا و علیدن بیلہ بیر فرزند  
 سزادور ایله بحرینین اولا بیر بیلہ مرجانی  
 فروغ روی پیغمبر نمایاندور جیینیدن  
 شکوه سهم حیدر گزلدوب جیینده خفتانی  
 اگر دامانینه جبریل ایله بیر تکان ویرسه  
 توکر بیر آسمان بی شک ملک پاکیزه دامانی  
 حسین سیمای ایمان دور حسین شمع هدایت دور  
 ایدوب روشن جهانی سربسر نور درخشانی  
 حسین الگوی مردی و شرف دور روح آزادی  
 یازوب کوی وفاده قانیه آزادی عنوانی  
 اولوب از قانینه غلطان سوسوز عالی مرام اوسته  
 ایدوب زنده قیام حشر اولونجا دین و قرآنی  
 حسین قربانی عشق اولدی تائب زنده دور نامی  
 اولا عشاق عالم بو فدای عشق قربانی

### امام حسین کیست

فروغ دیده طاهها حسین دور  
 سرور سینۀ زهرا حسین دور  
 حسین عز و شرف رختین گیوبدی  
 حسینی جدی تعریف ایلیوبدی  
 همیشه لحمک لحمی دیوبدی  
 حبیب خالق یکتا حسین دور  
 حسینین شهرتی دوتموش جهانی  
 حسین دور فاطمه روح روانی  
 علی المرتضی آرام جانی  
 قرار سینۀ مولا حسین دور  
 حسین دور اصل مذهب رکن آئین  
 حسین دور روح ایمان پایه دین  
 حسین بیر مهربور دللرده گزلین  
 اورکلرده ایدن ماوا حسین دور

صفاسی ارث قالموش مصطفادن  
 وفائین درسین آلموش مرتضادن  
 او صحبتلر که وار مهر و وفادن  
 اونون مجموعی سر تا پا حسیندور  
 حسین انگیزه مهر و وفادی  
 حسین شالوده صدق و صفادی  
 گوزل آدی دوا ذکر شفادی  
 شفا بخش هامی مرضی حسیندور  
 وفا اخذ ایلیوب اوندان وفانی  
 شفا اخذ ایلیوب اوندان شفانی  
 صفا اخذ ایلیوب اوندان صفانی  
 صفایه صورت و معنا حسیندور  
 گوزل لیق وار اونون آب و گلینده  
 چراغ عشق وار دل منزلینده  
 گوزل چو خودور گوزلر محفلینده  
 گوزلردن اولان زیبا حسیندور

اولان جود و سخاوتده بدلسیز  
 اولان صدق و صداقتده بدلسیز  
 شهامتده شجاعتده بدلسیز  
 عباداتینده بی همتا حسیندور  
 عبودیتده چو خودور امتیازی  
 اونون مقتله وار قان دستمازی  
 نمازی سرفراز ایلوب نمازی  
 نمازه آبرو افزا حسیندور  
 اونون خوش عطری هر گلزاره دولسا  
 کسيلمز عطری گر گلزار سولسا  
 اگر عشاق عالم قطره اولسا  
 اولان پر موج بیر دریا حسیندور  
 دمی اسلامه حیثیت یارالدان  
 دمی انگیزه نهضت یارالدان  
 جهان دینه شخصیت یارالدان  
 همان شخصیت والا حسیندور

سالان روشن دله نور حسینی  
 باشند آرتیران شور حسینی  
 قوران تشکیل عاشور حسینی  
 سالان غوغای عاشورا حسیندور  
 ویرن دین اوسته عالی امتحانین  
 ایدن قربان قرآن باش و جانین  
 وفا طغراسینی یتیمیش فدانین  
 قانیه ایلین امضا حسیندور  
 حسیندور طلعت رخشان ایمان  
 حسیندور پای بند عهد و پیمان  
 ویرن جان دله یاالله و قرآن  
 ایدن دین عالمین احیا حسیندور  
 ویرن دل عالم قالو بلاده  
 دُزن هر بیر بلالی ماجراده  
 الینده نقد جان سوق وفاده  
 ایدن جانانیه سودا حسیندور

نه بازار وفا جان جنسی کالا  
 نه بایع مشتری سی ذات یکتا  
 آلان بیر کوینگه دنیا و عقبا  
 شهنشاه ایکی دنیا حسیندور  
 جهانان جهان جان نثاران  
 امید رستگار رستگاران  
 یگانه سرفراز سربداران  
 سرافراز جهان آرا حسیندور  
 اولان بیر علت غائی هستی  
 باشند شور پیمان الستی  
 قوران دانشگاه یکتا پرستی  
 اولان قربانی یکتا حسیندور  
 باسان آغوشه جان تک هر بلانی  
 آلان بیر سینه دورت مین یارانی  
 قانیه شوره زار کربلانی  
 ایدن بیر گلشن زیبا حسیندور

اولان سر تاج جانبازان دنیا  
اولان تکتاز تکتازان دنیا  
اولان ممتاز ممتازان دنیا  
سالان عالمیره غوغا حسیندور  
ألن باش اگمین اهل عناده  
قرائت ایلین قرآن جداده  
گهی نی ده گهی طشت طلاده  
یگانه وارث یحیا حسیندور  
اولان دارای اوصاف حمیده  
ویرن ترویج قرآن مجیده  
خط بطلان ورن نقش یزیده  
یزیدی ایلین رسوا حسیندور  
حسینین سال دله تائب صفاسین  
نه دردون اولسا ایسته آل دواسین  
مریضون وار ویرر قطعی شفاسین  
شفابخش هامی مرضی حسیندور

### عشق و عاشقی امام حسین (ع)

مجلس عشاق عالم برهم اولماز درهم اولماز  
هکذا باغ بهاری بزم درد و ماتم اولماز  
عشق صاف اولماز جهاندا کم بصیرت لر نصیبی  
مهر عالمتاب خفاشیله هرگز همدم اولماز  
عاشق و معشوق آرا بیر عالم عشق و وفا وار  
اوزگه بیر عالمدی بو عالم بیله بیر عالم اولماز  
اولما سا هر کس حسین تک مست صهبای محبت  
باخبر اولماز وفادن سرّ عشقه محرم اولماز  
قلب پاک ایستر که تا الهام آلا صدق و صفادن  
هر سیه دل عالم صدق و صفادن مُلهم اولماز  
عهد و پیمان اوسته گچدی شاه عطشان باش و جانندان  
سویلدی شایسته مندن نقض پیمان ایتسم اولماز  
رشته جان اولما سا جانان یولوندا پاره پاره  
رشته پیمانمیز جانانیه مستحکم اولماز  
جان بلب دور پیکر دین ایتمه سم ترک سر و جان  
ویرمه سم قان پیکر اسلام ایچون تازه دم اولماز

ایچمه سم جام شهادت عشق و آزادی یولوندا  
 قید استبداددن آزاد نسل آدم اولماز  
 سیل خون ایستریخا بنیان کاخ جور و ظلمی  
 یوخسا کاخ آل بوسفیان جهاندا برهم اولماز  
 آخماسا قان لار بوچولده یخماسا کاخ یزیدی  
 ملک دین آباد اولانماز دین بناسی محکم اولماز  
 گولمه گل تک یارالار اولماسا گر شبنمی قان  
 گلشن اسلام گولمز گللر اوسته شبنم اولماز  
 ایتمسم کفرین قبایلنده علم قدرسامی  
 کفره ایمان چیره اولماز کافرین قدی خم اولماز  
 صحبت عشق و محبت گلسه آردینجا بلا وار  
 عاشق صادقده مینلرله بلایادن رم اولماز  
 عشق بیردل بیر محبت دلدہ بیر معشوقده بیر  
 یعنی بیردلده ایکی مهر و محبت باهم اولماز  
 دو شمسہ هفتادتن یکتن یارالی پاره پاره  
 مصحفه شیرازه گلمز زخم دینه مرهم اولماز

خاکسار خاکپای قامت موزون عشقم  
 اعتبار فخریم آرتار ذرّه جه وقریم کم اولماز  
 بو منای عشقده گریازماسا یا حقّ قانیم  
 مگه و بیت الحرام اولماز صفا و زمزم اولماز  
 گر شکنج زلف اکبر اولماسا پرچم جدایه  
 دهرده اسلام آدیله اهتزاز پرچم اولماز  
 ورماسا عباس اگر پرچم کنار علقم اوسته  
 رهنما اهل مواساته او عالم معلم اولماز  
 اصغرین قانیله امضا اولماسا گر عهدنامم  
 کافر و گبره قبول عنوان پیمان نامم اولماز  
 دین یولوندا اولماسا گر قزلاریم دشمن اسیری  
 جابجا اجرا فرامین خدای اعظم اولماز  
 ایستیوب الله اسیر اولسون عیالیم منده مقتول  
 یوخسا الله ایستین اجرای امری الزم اولماز  
 گزمسه نوک جداده قانلوباشیم شهرلرده  
 شهره عالم شهادت امری سر مبهم اولماز

معلم علم گاه ، محل علم



ایتمسه باشیم تلاوت نیزه لر باشنده قرآن  
 باخبر اسلام و قرآندان بو اهل عالم اولماز  
 ایتمسه ایراد خطبه زینبیم گر ناقه اوسته  
 کربلا تاریخی بنیان شهادت مبرم اولماز  
 یارماسا محملده گر اوزباشین اول زهرانشانی  
 من کیمی باشندان آخان قانیه آنتی مُعلم<sup>۱</sup> اولماز  
 گون کیمی نورولایت سالماسا شاماته باشیم  
 شام ظلمتده قالار روشن او شام مظلم اولماز  
 گتمسه شاماتده گر منبره سجاد عابد  
 مرتضی مدحی دیلمز هندین اوغلی آبگم اولماز  
 یاتماسا دین اوسته آل مصطفا ویرانسراده  
 یوخلین دنیا آییلماز صحبت کیف وکم اولماز  
 ایله بیر غوغا یاراتدی اوردا شیرین دل رقیّه  
 ایله غوغای قیامت ایله حشر اعظم اولماز  
 واژگون ایتدی یزیدین تختینی خردا ایله  
 هیچ ستمگر بارگاهی تائب ایله برهم اولماز

مُعلم: مشخص

### نومه شور برای سینه زنی و زنجیر زنی

حسینین محنتی دوتموش جهانی  
 قویوب آغلار سراسر ماسوانی  
 حسین آدی زبسکه دلربادی  
 اودرو مجلوب ایدوب اهل ولانی  
 رسول اکرمین قانون شرعین  
 ایدوب احیا او شاهون امتحانی  
 ایله بیر امتحان ویردی او سرور  
 او عالم ایتدی مهبوت انس و جانی  
 ازلگون ویردی دل هر بیر بلایه  
 قبول ایتدی اورکدن هر بلانی  
 نشان ویردی دیار کربلاده  
 وفامسلک لره راه وفانی  
 گلوب یتمیش ایکی قربان لاریله  
 مزین قیلدی دشت کربلانی

او چولده اوخ قلج خنجر دمینده  
 ازل دوغراندی اکبر تک جوانی  
 بویاندی قانینه گل یوزلی قاسم  
 ایدوب صحرائی گلگون سرخ قانی  
 بوغازدان اوخلانوب از قانین ایچدی  
 ال اوسته اصغر شیرین زبانی  
 دوشوب قوللاری عباس رشیدین  
 ای اقادان سالدیلار اول باوفانی  
 سومشگین اوخلادی اهل شقاوت  
 توکندی سینه دن تاب و توانی  
 اولوب تک تک فدا یتیمیش ایکی جان  
 منایه بَنَزْدوبلر نینوانی  
 قزلقانه بویاندی جمله یاری  
 عدو یالقزلادی میر همدانی  
 یخوبلار بو تراب اوغلون ترابه  
 غبارغم دو توب هفت آسمانی

ایدردی قوم کین قتلینده سبقت  
 وراردی یاره اوستوندن یارانسی  
 جفاجو شمر آیریلدی قوشوندان  
 ایده خاموش او نور کبریانی  
 یتوب بیروقت او ظالم قتلگاهه  
 نمازاوسته گوروب اول مقتدانی  
 گتوردی دلده کی کینین عیانه  
 یخوب قربان کیمی صاحب منانی  
 چخوب سانسیز یارالی سینه اوسته  
 بدن گوز گوز آچیلدی آخدی قانی  
 او حلقی که اُپردی جدی دائم  
 همین حلقه قویوب تیغ جفانی  
 نقدری شمر ایدوب خنجر دایاندی  
 ایدوب بیر اوزگه ظلم اول خصم جانی  
 یوزی اوسته سالوب پیغمبر اوغلون  
 گتوردی لر زیه عرش خدانی

ذبیحاً من قفا ایتدی او ظالم  
گتوردی درده جدی مصطفانی  
ویروب باش شاه دین باشین او جاتدی  
مزین ایلدی نوک جدانی  
اولوب سانسیز یارالی پیکرینین  
سنق اوخ نیزه خنجر سایبانی  
باخون ظلمه بیر انگشتر دن اتری  
الین کسدی بلکدن ساربان  
گیدوب قانلوباشی مطبخ سراده  
کول اوسته اولدی خولی میهمانی  
گهی نوک جداده چنخدی سیره  
یتوردی خلقه احکام خدانی  
الینده خامه تائب دائم آغلار  
چکر نظمه بو غملو داستانی

### شب عاشورا اشکوائیه امام مظلوم از دنیا

یا القیز لادی غم مصطفا سلیلین  
گرد غم آلدی صورت جمیلین  
دلده بوذ کرب توکدی اشگ سیلین  
یا دهر اف لک من خلیل  
گور موب وفاوی صاحب اصالت  
سن ویرمدون اهل فرهنگه قیمت  
سن ایتمدون ارباب نوره حرمت  
دو تدون عزیز (عالمین) ذلیلین  
یا دهر اف لک من خلیل  
گجه گونوز سن توکدروبسن قان لار  
یخدیروبسان قان ایچره چوخ جوانلار  
عزیزجان اولان کامل انسانلار  
نادانه ساتموسان دنیا عقیلین  
یا دهر اف لک من خلیل  
گم لک بالاشراق والاصیل

امان امان سنون رفاقتوندن  
 امان امان سنون جنایتوندن  
 بلا یا غار سنون محبتوندن  
 جنایت یولیدور سنون سیلین  
 یا دهرُ اُفِّ لَکَ مِنْ خَلِيلِ

سن انصافدان دُئوب چخان دنیا سان  
 اهل حقله جنگه چخان دنیا سان  
 باطل ایله حق یخان دنیا سان  
 مینرله واردی حق طلب قتیلین  
 یا دهرُ اُفِّ لَکَ مِنْ خَلِيلِ

انسانلارا اولار سان نامناسب  
 باطل گیدنلره اولار سان طالب  
 نامردی سن ایدر سن مرده غالب  
 باغلار سان اللرین هر بی بدیلین  
 یا دهرُ اُفِّ لَکَ مِنْ خَلِيلِ  
 گم لَکَ بِالْإِشْرَاقِ وَالْأَصِيلِ

تنگ ایله سن عرصه نی هر انسانه  
 یا لانچییه اولار سان پشتوانه  
 بو یان دیر ارسان اهل حق قانه  
 یا لانچیلق اله اولوب دلیلین  
 یا دهرُ اُفِّ لَکَ مِنْ خَلِيلِ

حق آشناسینین اغیاری دنیا  
 اغیار حق اولانلار یاری دنیا  
 اوز باغیرینا باسان اشراری دنیا  
 دشمن دو تان زمانه نین اصیلین  
 یا دهرُ اُفِّ لَکَ مِنْ خَلِيلِ

ویردون امان هر عنصر مردوده  
 طاغی ایتدون چوخ بنده لر معبوده  
 میدان ویردون الله دانان نمروده  
 آتدی اوتالله نین خلیلین  
 یا دهرُ اُفِّ لَکَ مِنْ خَلِيلِ  
 گم لَکَ بِالْإِشْرَاقِ وَالْأَصِيلِ

سندن اولماز وفا اهل و فایه  
صیقل ویررسن صارم جفایه  
داغلار چکوب هر قلب باصفایه  
ایچرسن قاینی هر بیر خلیلین  
یا دهر اُفِّ لکِ مِنْ خلیل

خزان ایدوبسن هر بهار و باغی  
یاندیر و بسان هر مرغزار و راغی  
سوندور موسن دنیاده هر چراغی  
قرات میسان فتیله لر فتیلین  
یا دهر اُفِّ لکِ مِنْ خلیل

من تک کمین یاندی سوسوزدان باغی  
کیم من کیمی گور و بدور سینه داغی  
منیم کیمی سونر کیمین چراغی  
چکر کیم من تک غم لرین ثقیلین  
یا دهر اُفِّ لکِ مِنْ خلیل

من تک گلستانی سولان تا پیلماز  
قانیله سینه سی دولان تا پیلماز  
منیم کیمی مظلوم اولان تا پیلماز  
گورمز جفاسین فرقه رذیلین  
یا دهر اُفِّ لکِ مِنْ خلیل

دنیا بقاسیز دور فنادی فانی  
نامعتبر دور اول و پایانی  
فانی اولان دنیاده قالان هانی  
قرآندا گور آیه لرین تنزیلین  
یا دهر اُفِّ لکِ مِنْ خلیل

اُلوم یاخوندی جاهل و هشیاره  
اُلوم یولی آچیلמוש هر جانداره  
اُلوم بیر درد دور اونا یوخ چاره  
قرآن دیوب شرحاً اونون تفصیلین  
یا دهر اُفِّ لکِ مِنْ خلیل  
گَمُّ لکِ بِالْإِشْرَاقِ وَالْأَصْلِ

مخلوقی الله گتوروب دنيايه  
 كوچسون گرک يارانميشلار عقبايه  
 گتسون حضور خالق يكتايه  
 بيله ديوب قرآندا بي عديلين  
 يادهر اُفِّ لَكَ مِنْ خَلِيلِ

آنديردی بوسوزده دنيا عمدی  
 وفاسی قطره دور جفاسی یمدی  
 بوبیر گجه منیم آخر گجمدی  
 ساخلیانمور دنيا علی سليلين  
 يادهر اُفِّ لَكَ مِنْ خَلِيلِ

ایشندی بوسوزی حیالی زینب  
 بوینون قوجاقلیوب بلالی زینب  
 حسینه عرض ایدوب وفالی زینب  
 ویورور اُوم اخباری قال و قیلون  
 يادهر اُفِّ لَكَ مِنْ خَلِيلِ  
 گم لَكَ بِالْإِشْرَاقِ وَالْأَصِيلِ

معلوم اولان زینب اولور قارداشسیز  
 یالقزلار دردوغم قالور یولداشسیز  
 سنسیز قالار قزلار بوچولده باشسیز  
 گورمزله باشدا سایه و ظلیلین  
 يادهر اُفِّ لَكَ مِنْ خَلِيلِ

بویوردی دُز بلالره بلالی  
 صبرون الوندن ویرمه ای وفالی  
 من اولام کربلاده کربلالی  
 دوت سنده شام پرجفا سیلین  
 يادهر اُفِّ لَكَ مِنْ خَلِيلِ

تائب یازوب بو شرح غم فزانی  
 دیر خدا نصیب ایت کربلانی  
 دیساق مؤذنیله بو بیانی  
 يادهر اُفِّ لَكَ مِنْ خَلِيلِ  
 گم لَكَ بِالْإِشْرَاقِ وَالْأَصِيلِ

## وداع امام مظلوم بارشتر سه ساله اش

ظهر عاشورا غریب کربلا  
 جرعه نوش عالم قالوا بلا  
 عشق بازارینده اول مولای عشق  
 نقد جانیه آلان کالای عشق  
 روح آزادی ازی آزادمرد  
 ایتدی عزم صحن میدان نبرد  
 تاشهادت باد سیله مست اولا  
 چشم پوش از هستی و هر هست اولا  
 نازلی ایستکلی قزی آگاه اولوب  
 دوردی یول اوستونده سد راه اولوب  
 عرض ایدوب اول دلشکسته سربدوش  
 ای می قالوا بلادن جرعه نوش  
 اول پیاده ای شه گردون جلال  
 بو شکسته دلدن ایت رفع ملال  
 مرکب اوستوندن آنوب بی فاصله  
 تاگتورسون بیر سنق قلبی اله

چون بولوردی اول شه والاجناب  
 بیر سنق قلب آماق اوار چوخ ثواب  
 کیم او قز تک دلشکستیدی اوگون  
 کیم ایله دلزار و خستیدی اوگون  
 غنچه لب آچدی گل روی حجاز  
 از باباسیله ایدوب ابراز راز  
 گل منی قویما بوسوز و سازیه  
 باخ منه بیر چشم مست و نازیه  
 بو یول اوسته قویما گوز یاشلی قالوم  
 بیردایان دور بوینوا من قول سالوم  
 آیریلاندا طی ایداخ وصلت یولون  
 بوینوما رأفتله سال سنده قولون  
 نچه لحظه رخت هجرانی سویون  
 فصل وصلت دور اولاق بیر قول بو یون  
 دلگشادور قول بو یون لیق عالمی  
 ویرمرم عالمیره بو عالمی

سن محبتله دویونجا باخ منه  
 بیر دولی گوزلی باخوم منده سنه  
 ایمدی که هنگام فرصتدور بابا  
 بو باخیش بودم غنیمتدور بابا  
 مین لریله سوز بابا بو سوزدهدی  
 هامو سویلر محبت گوزدهدی  
 من سنی گوزدن کناره قویمارام  
 سنده دویسان من که سندن دویمارام  
 سوزلیم مندن سوز آل دیندیر منی  
 سن منی بوس ایت بابا منده سنی  
 عکس رویون قلب جامیمده قالا  
 خوش شمیمون جان مشامیمده قالا  
 آزقالور سندن عزیزون ال اوزه  
 گل قویاق بو آیریلیقدا یوزیوزه  
 ستری وار آغلار گوزوم واردور منیم  
 اذن ویرسن چوخ سوزوم واردور منیم

درده گللم بوینوما قول سالماسان  
 غصه مرگ اولام قوجاقه آلماسان  
 شه آلوب بار محبت دوشینه  
 باسدی شیرین دل قزین آغوشینه  
 تا بالا گتدی آتا آغوشینه  
 بو بیاناتی ییتوردی گوشینه  
 وار ییادیمدا ای شه والا گهر  
 مرگ مسلمدن اولان گون باخبر  
 باتدی اشگ حسرتون دل قانیوه  
 مسلمین آلدون قزین دامانوه  
 رأفتیله ال چکردین باشینه  
 هم قاتاردون گوزیاشون گوزیاشینه  
 گه اونارأفت ایدردون سن بابا  
 گوزیاشین گاهی سیلردون سن بابا  
 چرخ عزتده اگرچه اولدوزام  
 فرض ایله منده آتاسیز بیر قزام



باخ منیم گوزدن آخان گوزیاشیمه  
 سان یتیم اولام الون چک باشیمه  
 گل بولود تک بیر دولاخ بیر آغلاشاخ  
 بیر دو یونجا سس چکاخ بیر آغلاشاخ  
 آغلاشاخ سن آل کناره باشیمی  
 من سنون سن سیل منیم گوزیاشیمی  
 سینه وی قوی سینه مه دل داغلیاخ  
 آغلاماق قلبی بوشالدار آغلیاخ  
 سن گیدور سن غم تاپار تنها منی  
 انجیدر سندنصورا اعدا منی  
 کیم آلار دلدن بو سوزوسازیمی  
 کیم چکر سندنصورا بو نازیمی  
 ممکن اولسا بیرده گل ای شهریار  
 بو یولون اوستونده دورام انتظار  
 عالم مهر و وفانی گوزلرم  
 دوردوقوم یرده سنی من گوزلرم

شمردن بیرگون یزید آلدی خبر  
 هیچ حسینه یاندی قلبون مختصر  
 سویلدی یاندیم اونون بیرحالینه  
 اوندا که باتمیشدی خون آینه  
 صون نفسیدی آخاردی گوزلری  
 خیمه سمتینه باخاردی گوزلری  
 یاغدیاردی غم اسفلی حالتی  
 قلیمی یاندیردی نارحسرتی  
 بویلانوب تاپدیم اُزیمه دیدگاه  
 خیمه گاهین سمتینه ایتدیم نگاه  
 گوردوم اوردا واردی محشر برملا  
 بیریره دگمیش بنات مصطفا  
 خردا بیر قز چوخ گلردی شیونه  
 وای دلده دیردی وای منه  
 شوريله غوغا سالاردی گوپلره  
 هی وراردی اُز اُزین یردن یره

جسمده سو یلردی جانیم گلمدی  
 چوخ یوباندی مهربانیم گلمدی  
 تشنه ام بیر تشنکامی ایستم  
 عمّه جان سندن بابامی ایستم  
 گر بابام گلسه باخوب دل داغلارام  
 باشینین کاری یاراسین باغلارام  
 مرهم آلسا التیامه تیز یتر  
 یاره سین من باغلاسام چوخ تیز بتیر  
 گردغم گورسم اوتورموش قاشینه  
 اشگیله سیللم دولانام باشینه  
 بو همان قزدور دیسم وار نسبتی  
 کیم باباسین گوزلیوب بومدتی  
 نه قدر بو قز وفا کرداریمیش  
 غرق مهر و محو عشق یاریمیش  
 هامودا انگیزه احساس اولار  
 قز اوشاقی لیک چوخ حساس اولار

حفظ ایدر مهر و محبت عالمین  
 باشندان آتماز انس و الفت عالمین  
 بیله بیللم اول وفا آئینه سی  
 ایمدیده آغلار گلر اوردان سسی  
 من دیمم بو نازنین دوزلی بالا  
 چکدی نه درد و بلا اوندان صورا  
 گاه سیلی ایتدی نیلی گل یوزین  
 گه قراتدی فاطمی منظر گوزین  
 بو سوزی اولدی عنایت خواستار  
 دفرینده ایلدی تائب نگار  
 سیزدن ایستر اوز لرینه هم صفا  
 هم مریضی وار طلب ایلر شفا  
 یتمیش ایلدور من حسینه نوکرم  
 او غلومون اوندان شفاسین ایستم  
 بو قزین کویچک ایله ای خدا  
 بو مریض ناامیده ویر شفا

## مقام و منزلت امام حسین (ع)

او که جانانی طلب ایلر او نیلر جانی  
 ترک جان ایله اگر آختاروسان جانانی  
 قرب جانانه هوس پاک دل و جان ایلر  
 ویرسه جانانینه دل ایستمز اصلاً جانی  
 دعوی عشق محبت دگی حرفیله تمام  
 بوغازین قانی گرکردور یازا بو عنوانی  
 امتحان صحنه میدان بلا دور عشقه  
 جان بکف مرد اودی جولان ایده بو میدانی  
 سلطنت ملکینی عشاق تمنا ایتمز  
 عشق ایدر ملک طلب بنده سی هر سلطانی  
 نفسون الدور مه سن اصلاً دیری سانما اوزیوی  
 نفی کفریله بشر ثابت ایدر ایمانی  
 زنده دور عشق خدائیه بیری اولسا شهید  
 شاهد الهدی قرائت ایلسن قرآنی  
 اودی عالم که هامی عالمی آزاد ایستر  
 اودی کامل آپارا جامعه دن نقصانی

کیمدی بو بنده زبنده حسیندن اوزگه  
 ایده بیر لطفیله زایل غضب یزدانی  
 بحر موج کرم دور لب عطشانیه  
 ایچمیه سو ایده سیراب هامی عطشانی  
 خلقت نفس حسینیه خداوند جلیل  
 حتم ایدوب امت قرآنه هامی احسانی  
 رحمت واسعه سسلر اونی مردان خدای  
 دلده ذکر ایله حسین آدینی آل غفرانی  
 بو حسین روح شفاعتدی گمان ایلمرم  
 اله دیوان عملده آلالار میزانی  
 یعنی هر کیمسه حسینی اولا آزاد یاشار  
 روز محشرده ده آزاد اولی یوخ کتمانی  
 اولدی طالع افق جود و کرم دن خورشید  
 که منیم نوریم ایدر نوره بدل نیرانی

علمین آچدی حسین ابن علی مردانه  
 دیدی آزاد ایدرم امت سرگردانی  
 جان ویروب جان آلام نوعیمه جانانیمدن  
 تابوله خیل ملائک شرف انسانی  
 کیم کمانخانه تقدیر خداوندیدن  
 آلام اوز قلبینه من تک جان آلام پیکانی  
 منم اول عاشق جانباز گچوب جانیمدن  
 تا پارام زندگی سرمد و جاویدانی  
 پای بند سر و جانه غم ساماندی خطر  
 او که باشندان گچه نیلر او سر و سامانی  
 گر گنه کار محبتیم ورا دامانیمه چنگ  
 اولارام شافعی ورام کمره دامانی  
 سچرم خلق آراسندان دم محشرده اونی  
 ایسترم حق ایده غفرانین اونا ارزانی  
 دیرم بار خدایا بو محبتیمدی منیم  
 رحم ایله قویما گوره نایره نیرانی

عهد قیلیمیشدی ازل حضرت معبودیله  
 باش ویروب باشه آپاردی او گوزل پیمانی  
 بیر او عهد اوسته او دور قانلو بیابانه گلوب  
 یارادوب اوردا همین صحنه عاشورانی  
 قان ویروب سو یرینه ایلدی سیراب او چولی  
 دوندروب گلشن فردوسه سوسوز صحرانی  
 نجه فردوس نه گلشن که خزان گورمیه جاق  
 مُتَهَبِل عشقی اولوب عشق بهارستانی  
 بَرَدی صحنه صحرانی گوزل گل لریله  
 کربلا دشتین ایدوب گلشن جاویدانی  
 وار او گل لر آرا بیر غنچه تر غنچه دوداق  
 حیف او گل غنچه اولوب خار جفا خندانی  
 اُزینی او غلونی قارداشلارینی ایتدی فدا  
 راه قرآنده احیا ایلدی قرآنی  
 جان بلب دینی گورنده تازا بیر جان ایستر  
 اُلدی اسلامه ویروب بیر نفس روحانی

ایتدی بازار محبتده گوزل بیع و شرا  
 قانلو بیر کوینگه آلدی هر ایکی دنیانی  
 بو او کوینکدی که رنگین دی حسین قانيله  
 آغلادار دائم او کوینک خانمیم زهرانی  
 اولی مین اوچ یوزواللی ایل او کوینک سویولوب  
 ایمدیده وار که یوولموبدی او کوینک قانی  
 بو او کوینکدی شفاعت ایده جاق شیعه لره  
 حق قوران گونده حساب اوسته جزا دیوانی  
 خانمیم فاطمه ده الده او کوینک گله جاق  
 ویره جاق حشرده بیر حشر دگر اعلانی  
 تائبین نامه اعمالی دولوب جرميله  
 نامه سیندن سیله بیلمز بو قدر عصیانی  
 چون حسین نوکرید وراورد احسینون آناسی  
 آلی بو تائبه حقدن رقم غفرانی

### اتمام حجت امام حسین (ع)

هایهو ایتدیله اشرار عدو  
 دشمنه بیله خطاب ایتدی حسین  
 كَفَرُ الْقَوْمِ وَقَدْ مَأْرَغِبُوا  
 عَنْ ثَوَابِ اللَّهِ رَبِّ الثَّقَلَيْنِ  
 چوخ شرورانه بو اشرار دنی  
 داندیلاز حکم حق ذوالمئننی  
 اللها ایتدیله طغیان علنی  
 االدوروبلر آتام اوغلی حسنی  
 حَسَنُ الْخَيْرِ كَرِيمِ الْاَبْوَيْنِ  
 کفری آویزه سمع ایلدیلر  
 حقی بی واهمه رمع ایلدیلر  
 گوزده دل قانینی دمع ایلدیلر  
 وای بیر قومه که جمع ایلدیلر  
 مَبُوكَبِ الْحَرْبِ لِأَهْلِ الْحَرَمَيْنِ

رمع: باطل کردن

جمع ایدوب توده نا آگاهی  
پیشوا ایلدیلر گمراهی  
هم یزیدی هم عبیداللهی  
آتدیلار لیک رضاء اللهی  
باحتیاج لرضاء المحدثین

دوتدولار دینه مقدم درمی

آچدیلار پرچم ظلم و ستمی

پوزدیلار حرمت جل و حرمی

لَمْ يَخَافُوا اللَّهَ فِي سَفْكِ دَمِي

لِعَبِيدِ اللَّهِ نَسَلِ الْكَافِرِينَ

هایهو باشلادی لشکر غفلة

قتیلمه باغلادیلار بل دفعة

بیریرره سبقت ایدوبله سبقة

وَابْنُ سَعْدٍ قَدْ رَمَانِي عَنُوءَ

بِجُنُودِ كَوْكُوفِ الْهَاطِلِينَ ۱

هاطل جمع هطل است به معنای باران و اشک چشم

دوتارام خالق سبحانی گوا  
جدپا کیمدی او محبوب خدا  
تاپا بولموبله منه جرم و خطا  
لَا بِشَيْءٍ كَانَ مِنِّي قَبْلَ ذَا  
غَيْرُ فَخْرِي لِضِيَاءِ النَّبِيِّينَ

حقلیم عالمه گر ناز ساتام

افتخاریمده مقاماته چاتام

بحر موج مباحاته باتام

جمله مخلوقدن افضلدی آتام

بَعْدَ جَدِّي وَأَنَا بَنُ الْخَيْرَتَيْنِ

جدیمیز خلقت عالم سببی

سر لولا کین اولان منتسبی

وار کیمین من کیمی زهرا حسبی

وار آتام تک کیمین اولان نسبی

وَارِثُ الْعِلْمِ وَ مَوْلَى الثَّقَلَيْنِ

بیزه ایلر بیله بیر فخر کفاف  
جَدِّمِيز مَفْخَرِ اَوْلَادِ مَنَافِ  
هَمْ اَنَامِ فَاطِمَه بَانَوِیْ عَفَافِ  
بِیْرِ طِلَادِنْدِیْ اَوْزِیْ نَقْرَهٗ صَافِ  
وَ اَنَا الْفِضَّةُ وَ ابْنُ الذَّهَبِیْنِ

من حسینم شه عالی نسبم  
عجمین عزتی فخر عربم  
خلقت کون و مکانه سببم  
من طلایم ذهب اندر ذهبم  
وُلُجِیْنُ<sup>۱</sup> وَ لُجِیْنُ وَ لُجِیْنِ

تانیمورسوز منی ای اهل جفا  
چرخ عزتده آتام شمس ضحی  
برج عصمتده آنام بدر دجا  
معدن عفت و عصمت زهرا  
وَ اَنَا الْكُوكَبُ بَيْنَ الْقَمَرَيْنِ

۱- لجنین به معنی نقره

مرتضادور آتام ای اهل جفا  
او علی ذات خدادور اعلا  
تَانْمُوبِ رَبِّ مَکْرَ ذَاتِ خَدَا  
عَبْدَ اللّٰهِ غُلَامًا يَافِعًا<sup>۱</sup>  
وَ قُرَيْشٍ يَّعْبُدُونَ الْوَثَنَيْنِ

قولیمه واردی منیم الده شهود  
اوندا که قوم قریش مردود  
لات و عزانی بیلردی معبود  
اولارا بتلر اولاردی مقصود  
وَ عَلِيٌّ قَائِمٌ بِالْحُسَيْنَيْنِ<sup>۲</sup>

اوندا که کفریله دولدی دنیا  
بتلره کعبه ایویدی مأوا  
کیم آتام تک ایلدی دینین ادا  
مَعَ رَسُوْلِ اللّٰهِ سَبْعًا كَامِلًا  
مَا عَلٰی الْاَرْضِ مُصَلًّا غَيْرُ ذِيْنِ

۱- یافع یعنی بالغ

۲- حُسَیْنِیْنِ یعنی عبادت خدا و اطاعت پیامبر

شرکی اولدن آتام ساندی ایراق  
 قویمادی غیر ره حقه ایاق  
 ایتموب اصنامه عبادت او سیاق  
 بت پرستیدن ازون چکدی اوزاق  
 مَعَ قُرَيْشٍ لَا وَلَا طَرْفَةَ عَيْنٍ

کیمدی جدیم کیمی محبوب خدا  
 آناما هانسی خانمدور همتا  
 دیورم بوسوزی من بی پروا  
 مَنْ لَهُ جَدُّكَ جَدِّي فِي الْوَرَا  
 أَوْ كَأُمِّي فِي جَمِيعِ الْمَشْرِقَيْنِ

نور نورانی یزدان جدیم  
 جان عالمره جانان جدیم  
 نور بیضائی سبحان جدیم  
 جوهر نقره پنهان جدیم  
 فَأَنَا الْجَوْهَرُ ابْنُ الدَّرَّتَيْنِ

بیزی مشمول دو توب لطف خدا  
 ایلیوب عزّت دارینی عطا  
 بیزی چوخ یاخشی تانور اهل سما  
 نَحْنُ أَصْحَابُ كِسَا حَمْسَتُنَا  
 قَدْ مَلَكْنَا شَرْقَهَا وَالْمَغْرِبِينَ

حامل وحی خداوند علا  
 اولدی ملحق بیزه کسب ایتدی صفا  
 تا اودا آل عبادن سایلا  
 نَحْنُ جِبْرِيلُ لَنَا سَادِسُنَا  
 وَ لَنَا الْبَيْتُ وَ مَثْوَى الْحَرَمَيْنِ

اهل علم اولماسا گر اهل خطا  
 ایلمز عقلینی نفسیله هبا  
 باغلیر فضلیمیزه دلده رجا  
 كُلُّ ذِي الْعَالِمِ يَرْجُو فَضْلَنَا  
 غَيْرَ ذَا الرَّجْسِ لِعَيْنِ الْوَالِدَيْنِ

۱- مثنوی یعنی جایگاه



جَدِّپَا کِمِدی او نور ازلی  
 که وار اوندا صفت لم یزلی  
 یوخدی آفاقدہ مثل و بدلی  
 اودی مِصباحِ هُدا نور جلی  
 وَابِی مَوْفِی لَهُ بِالْبِیْعَتِینِ ۱

جدپا کم دی منیم شمس هدا  
 من حسینم هم آتام شیر خدا  
 که نمازاوسته او معنای سخا  
 ایلدی سائله انگشتر عطا  
 عَینَ ذَا فِی رَأْسِهِ بِالرُّكُوعَتَيْنِ  
 آتام ایمانیه صاحب نیرو  
 ذکر اولاندا آدی تترردی عدو  
 او ییدی پیکر دینه بازو  
 قَتَلَ الْاَبْطَالَ لَمَّا بَرَزُوا  
 یَوْمَ بَدْرٍ وَ بِاِحْدٍ وَ حُنَینِ

۱- بالبیعتین یعنی پیمبر چراغ هدایت و پدرم وفاکننده به  
 هر دو بیعت او که اَلَسْتُ بِرَبِّکُمْ وَ مُحَمَّدٌ نَبِیُّکُمْ.

آتَمِینِ هَمَّتِیلَه اَقْدَامِی  
 دین ده محکم ایدوب احکامی  
 سند یروب قهری صف ظلامی  
 ظاهر و ثابت ایدوب اسلامی  
 بِحُسَامٍ صَارِمٍ ذِی شَفْرَتَینِ

بابام اسلام سر و سرداری  
 جدیمین همنفس و همکاری  
 قهر ایمانی یخان کقاری  
 اظْهَرَ الْاِسْلَامَ رَغْمًا لِلْعَدَا  
 بِحُسَامٍ صَارِمٍ ذِی شَفْرَتَینِ ۱  
 پیر سلیم آدلی مؤذن آدی  
 ازی مداح لرین استادی  
 یازدیروب تائبه بو افرا دی  
 سوز ملمع دی بویور مشدی حسین  
 کَفَرَ الْقَوْمُ وَقِدْمًا رَغِبُوا  
 عَن نُّوَابِ اللّٰهِ رَبِّ الثَّقَلَینِ

۱- شفرتین یعنی دودم

## عشق و عاشقی

گردون دهر قطره دریای عشقدور  
 بیر دُرد ته نشسته مینای عشقدور  
 ایستر که دین ایوی اولایا کفرایوی یخان  
 سیل بلای واهمه افزای عشقدور  
 عقل سلیم اگرچه اولور مغز کاینات  
 بی مغز و پوچ بیر کف دریای عشقدور  
 خال سیاه کیم اوتوروب قلب لاله ده  
 تاویل اولاندا ستر سویدای عشقدور  
 رحمتدی گر اورکده اولان یا سلیم عقل  
 مطلق شرار آتش سودای عشقدور  
 بو آفرینشین که زوالسیز چراغی وار  
 یکسر فروغ گوهر یکتای عشقدور  
 رام ایلین تمام رمیده اورکلری  
 زیبا غزال دامن صحرای عشقدور

بیر درد دور بو عشق که هرگز دواسی یوخ  
 الماق ره وفاده مداوای عشقدور  
 آزاد ایکی جهاندا اولار بندگان عشق  
 عشاقه عشقن بو مزایای عشقدور  
 مجموع عشق نام حسینده تمام اولوب  
 یعنی حسین صورت و معنای عشقدور  
 عشاق ایدنده عشق حسینی مطالعه  
 غرق خیال و محو تماشای عشقدور  
 عشاق عشقی قطره دی دریای عشقن  
 اما آقام حسین اوزی دریای عشقدور  
 بو عالمه حسین کیمی عاشق گلر مگر  
 یکسر وجودی عشق ازی سیمای عشقدور  
 قربان اولوم حسینین او زیبا جمالینه  
 نورافکن صفادی تجلای عشقدور

عشق اوسته کیم حسین کیمی چوللره دوشوب  
یا عشق دله بادیه پیمای عشقدور  
هر نه بلا قباقه گلوبدور بلا دیوب  
یعنی که مقتضای تقاضای عشقدور  
پیکان غم گلنده دو توب باغزینا باسوب  
سویلوب که پیک یار دل آرای عشقدور  
دل ویرمیشم که هریانا عشقون چکه گیدم  
یارب بو من بو عشق بو صحرای عشقدور  
موسی صفت بو طورده بی خود دوشن منم  
بو کوی عشق وادی سینای عشقدور  
باشیمده گتسه ظالمه هرگز باش اگرم  
یعنی حسین فاطمه یحیای عشقدور  
عشقیم اورکده آرتیری آرتدیقجا ابتلا  
شور آرتیران باشمدا او غوغای عشقدور

من عاشقم اونا که او معشوق زنده دی  
یو خدور فناسی خالق یکتای عشقدور  
بازار عشقی سیر ایلیوب الده نقدجان  
از آلدیقیم او سوقده کالای عشقدور  
هر یاره قان ویرور بدنیمده سزیدیری  
تک تک زبان حالیه گویای عشقدور  
گورم گلور اوشاقلاریمون آغلاماق سسی  
فرض ایلم که ناله دگل های عشقدور  
عشقین یولوندا خوشدی دگولسون بالالاریم  
چون بیله ایستین ازی مولای عشقدور  
من بیلرم یارا آجیسین نشئه اوستیم  
سرمست ایلین منی صهبای عشقدور  
بو شوره زار دشتی قانیم لاله زار ایدر  
گورسونله لاله زار صفا زای عشقدور

آنیم یارالی سجده ده آخر نمازده  
 بو قانلو قتلگاه مصلائی عشقدور  
 روی دلیم سنیلهدی صدپاره جسمیله  
 دلده ثنای حیّ توانای عشقدور  
 اولسون اسیر قزلاریم آزاد شیعه لر  
 اللّٰهین از مشیّتی فتوای عشقدور  
 یارب دوتموشام سنی من سنده دوت منی  
 از سویگلین حسیندی سراپای عشقدور  
 تائب حسین عاشقی سن دادرس سنه  
 روز جزاده خسرو والای عشقدور  
 تائب یازانماسان بیله سوز اعتراف ایله  
 عشق آفرین ویروبدی دم انشای عشقدور  
 ظرفیتونجه عشق یمینده شناور اول  
 تیز غرق ایدر عمیق بو دریای عشقدور

### رازونیا ز امام حسین (ع) هنگام شهادت

صدپاره وجودیمده سانسزدی یارا الله  
 بو تشنه دوداقیله ذکریم اولی یاالله  
 یارب یارب وابسته پیمانم جانانیمه قربانم

آختار دیقیم اولدن عمریمده بوساعتدور  
 الحق بو همین ساعت مفهوم سعادتدور  
 منظور اوسعادتدن غوغای شهادتدور  
 منظور او شهادتدن پیماننه وفا الله  
 وار سنلن ازل گونده بیر عهدیله پیمانیم  
 دین اوسته فدا اولسون بوگونه سر و جانیم  
 یازسون یره یا محبوب آخدیقجا قزل قانیم  
 بو عهدیمین ایفاسی بو صدق و صفا الله  
 از عشقیمه عشقیم وار از عهدیمه پابندم  
 دردیم نقدر آرتسا عشق اوسته فرح مندم  
 حاشا ایلیم شکنوه بو باره ده خرسندم  
 بو قانلو دوداقیمده وار حمد و ثنا الله

بو من بو بلادشتی بو حال پریشانیم  
 جسمیمده اولان گوزگوز بو زخم فراوانیم  
 بو زخم فراوان بو سوزان لب عطشانیم  
 قان آغلوری بو حاله هرکاری یارا الله

هر لفظ بلا گلدی اولده بلا ویردیم  
 هر امریوه سلم اولدوم تقدیره رضا ویردیم  
 یتیمیش ایکی تن یکتن دین اوسته فدا ویردیم  
 قربانلارا سان ویرم بی رنگ ریا الله

سن ایسته موسن آخسون دین اوسته قزلقانلار  
 قانه بویانا تشنه ایمان لو مسلمانلار  
 بو من بو منای عشق بو قوچ قوزی قربانلار  
 ایلوبله بو صحرانی بیر رشگ منا الله

بو قوچ قوزی قربانلار بو پاک منا اوسته  
 آلقانیه غلطانلار عشق اوسته وفا اوسته  
 سوتک آخوری قانلار صدق اوسته صفا اوسته  
 گل رنگی تاپوب یکسر صحرای بلا الله

بو او غلوم علی اکبر از قانینه غلطاندی  
 بو قاسم گل پیکر بیر گل کیمی خنداندی  
 بو تشنه علی اصغر دینه قوزی قربانندی  
 نه بیله منا واردی نه بیله فدا الله

بیریاندا باتوب قانه یاران وفاداریم  
 بیریاندا دوشوب سس سیز اعوانیله انصاریم  
 بیریاندا دوشوب قولسوز عباس علمداریم  
 دوشموش یره بیر جفت ال بیر قانلو لوا الله

ایستکلی لریمدن یوز آفاقده دوندردیم  
 گلزار هدایتدن از گل لریمی دردیم  
 گلدسته دو توب تحفه دلداریمه گوندردیم  
 لطفیله قبول ایله بو تحفه نی یا الله

هر باشدا که شورین وار بیر شور یله الفت یوخ  
 هر دلده که ذکرون وار بیر سایر صحبت یوخ  
 هر دلده که مهزون وار بیر اوزگه محبت یوخ  
 بسدور منه تک مهرون بیر عشق و هوا الله

عشقون تاپوب اولده بوسینه ده پیدایش  
اسکیلمیوب اسکیملز بلکه تاپوب افزایش  
بیردله ایکی مهره اولماز اولا گنجایش  
بیر مهر تاپار مطلق بیر سینه ده جا الله

جان اولماسا جانانه شایاش نیه لازم دور  
یارین تاپانا سائر یولداش نیه لازم دور  
شوریده سر عشقه بو باش نیه لازم دور  
خوش دور اولا باشیمده تزیین جدا الله  
سن ایسته موسن گلسون داغلی دلیمه داغلار  
سن ایسته موسن قالسون اهل حریم آغلار  
گورم که خیامیمده نازلی بالالار آغلار  
چوخ خوش گلی بو عالم بی چون و چرا الله

بیریر لرینه دگموش گورم که آی اولدوزلار  
فریاد و نوا ایلر گوزیاشلی اوغولسوزلار  
آغلار ملشر باهم شور یله خانم قزلار  
بیر بانگ ظفر سا نام بی داد و نوا الله

سن ایسته موسن دولسون قانیله بو میدانگاه  
بو شور روان بخشیم بو من بو دل آگاه  
قیلام ازی می کوی عشقینده فنا فی الله  
بیلم بو فنا لیکدا وار رنگ بقا الله

بو زخم فراوانیم بو سوز و گدازیم دور  
بو قتلگه عشقیم بو رازونیا زیم دور  
آنیم قانی سجاده صون دم بو نمازیم دور  
بو شیعه لره قانلو لبلرده دعا الله  
من غرق اولارام قانه بو صحنه صحرا ده  
تاپسونله نجات امت حتی ایکی دنیا ده  
زینبده اسیرانه همراه اولا سجاده  
آزاده لیک آدیله آچسونلا لوا الله

سن ایسته موسن فخریم دین اوسته شهادت دور  
یوخ اوزگه غمیم دله اما غم امت دور  
منظور شهادتدن منشور شفاعت دور  
تا شیعه لریم اوتدان اولسونلا رها الله

دوتدوم سنی تک یارب آتدیم هامی دنیانی  
 سنده گرمیله دوت بو قانینه غلطانی  
 هرکیمسه منه آغلار ویر و عده غفرانی  
 قویما گیده نیرانه بیر اهل عزا الله

تائب اورگون پاک ایت کانون صفا ایله  
 مولا اتگیندن دوت هر درده دوا ایله  
 ناخوشدی جوان او غلون درخواست شفا ایله  
 مولایه گوره ایلر اعطای شفا الله

اهوالات غارت خیام

باتدون ای شمس امامت قارداش  
 چولقادی عالمی ظلمت قارداش  
 گل قیامتدی حسین قتل و غارتدی حسین  
 هـایهوئیه دولوب کرب و بلا  
 نینوانی بوریوب شور و نوا  
 خیمه گاهه توکولوب اهل جفا  
 ایتماقا خیمه نی غارت قارداش

نه دیوم اولدی بو صحرا ده نلر  
 بو قدر واردی هامی داده گلر  
 حرم آهولری چوللرده مَلر  
 قوغوری اهل عداوت قارداش  
 ای امان و شرف و عزتیمیز  
 گتدی تاراجه اولان شوکتیمیز  
 نه امان واردی نه امنیتیمیز  
 دولدوروب دللری وحشت قارداش

یول یوخ امنیته یتسون بالالار  
 خیمه لر یاندی نه ایتسون بالالار  
 هاراسی وار هاراگتسون بالالار  
 تاپسون آرامش و راحت قارداش

شمع شادی ده سُونرمیش یارالی  
 دهرمین رنگه دونرمیش یارالی  
 دوره بیریگونه چونرمیش یارالی  
 نه بیله شاه ولایت قارداش  
 نه جهاندا بیله ساعت گورونوب  
 نه بیله شور قیامت گورونوب  
 نه بیله قتلیله غارت گورونوب  
 واردی محشردن علامت قارداش

ظلمدن ظلم ایلین لر نه دویار  
 نه ده حرمت حرم دینه قویار  
 هم دوگر هم بالا قزلاری سویار  
 حددن آرتوخدی جنایت قارداش

هارداسان درک ایله بلبل لریوی  
 خار ایاقلار بو گوزل گل لریوی  
 آغلادالار بو شیرین دل لریوی  
 ای اولان معدن رأفت قارداش

اوگوزوندن اولابو صحنه ایراق  
 ال آچان غارته مین اهل نفاق  
 سویولان خرداجا بیر نازلی اوشاق  
 یاندرور قلبی بو محنت قارداش  
 قزلارون فرقه بیداد قوغار  
 آشناسیز قالانی یاد قوغار  
 حرم آهوسینی صیاد قوغار  
 الده قمچی عداوت قارداش

بعضی نین یاره لنوبدور قولاقی  
 قورخوردان پاره اولوبدور دوداقی  
 بعضی نین آبله اولموش ایاقی  
 وار ایاقینده جراحی قارداش



آنا آغوشینه آلمیش بالانی  
 آت دوشونده صولا صاقه دولانی  
 هم سویوللار بالانی هم آنانی  
 قوم بیرحم و مروّت قارداش

مین نفر ظالم شوم و غدار  
 بیر نفر خرده اوشاق ظلمه دچار  
 مینله صیاده بیر آهودی شکار  
 صید و صیاد ایله رویت قارداش

آچدی سجّاده قزین یر یوزینه  
 ثانی ثانی گوروندی گوزینه  
 سالدی بیر نقشه سیلی اوزینه  
 ایتدی سجّادهنی غارت قارداش

بعضی گوزدن توکر اشگ ترینی  
 بعضی سی باشه قویوب اللرینی  
 دشمنه ویرموری اوز معجرینی  
 یارادیر معنی عقت قارداش

تاپ هدایت گونی اولدوزلاریوی  
 داغیلان چوللره باشسیزلاریوی  
 گل سویوللار بالاجا قزلاریوی  
 قزلارا ایله حمایت قارداش

سیزه تائب بولی خادم اوزینی  
 ایسته توپراقوا قویسون یوزینی  
 اوخوسون جمعیه غارت سوزونی  
 اوردا یعقوب حقیقت قارداش

### اهوالات شام غریبان

آج گوزون ای منہ جانانہ حسین  
 گلمیشم شام غریبانہ حسین  
 باغریقان فاطمیں از آنان فاطمیں  
 آتش حسرتہ یاندیم گلدیم  
 وای اوغول دلدہ دولاندیم گلدیم  
 اشگ خونینہ بو یاندیم گلدیم  
 گوز یاشیم گوزدہ دونوب قانہ حسین  
 عاشقم آختاروب از سو گلیمی  
 باغ عمریمده اولان بلبلیمی  
 تاپمیشام کوللرین اوستہ گلیمی  
 ای ایدن مطبخی گلخانہ حسین  
 سن کیمی عاشق جانان اولماز  
 سن کیمی ترک سر و جان اولماز  
 سن کیمی عشقینہ قربان اولماز  
 جان فدا سن کیمی قربانہ حسین

ای گوزل لر گوزلی نازلی گوزل  
 سینم اوستونده یاتاردون سن ازل  
 یاتما کول اوستہ بالا سینہ مه گل  
 ای قرار دل ویرانہ حسین  
 گل آدون دلدہ ضیاء بصریم  
 ایسلاداردی یوزیمی اشگ تریم  
 کربلا دشتینہ دوشدی گذریم  
 اورا بنزردی گلستانہ حسین  
 اوردا بعضی گل خندان واریدی  
 نکہت روضہ رضوان واریدی  
 بیر گوزل بلبل خوشخوان واریدی  
 سنہ اوخشاردی یانا یانہ حسین  
 غمہ قلبی یارالی اوخشاردی  
 دلدہ ایوای یارالی اوخشاردی  
 او قیز ایله یارالی اوخشاردی  
 غم یاغاردی او بیابانہ حسین

دولدوروب گه بوشاداردی گوزونی  
 دل یاناردی ایشیدنده سوزونی  
 سینه وه گاه قویاردی اوزونی  
 اوردا قورموشدی عزاخانه حسین

خون دل قاتمیشدی گوزیاشینا  
 بوشلیوب گوزیاشینی اُزباشینا  
 نَعشوین هی دولاناردی باشینا  
 سنیدون شمع او پروانه حسین  
 دولانوب باشوه وای سسلردی  
 هایهائیه او های سسلردی  
 او شیرین دل بابا وای سسلردی  
 شور سالمیشدی او سامانه حسین

گون هارا بزم شب تار هارا  
 کول هارا عارض گلنار هارا  
 سن هارا مجلس اغیار هارا  
 اُف بیله گردش دورانه حسین

گتمز ایستکلیدن ایستکلی یانش  
 آشناسن مننه من سنله تانش  
 آناوام نازایللمه منله دانش  
 دگلم من سنه بیگانه حسین

شمع دین هاردادی پروانه لرین  
 شمس دین هاردا یاتوبدور قمرین  
 دی گوروم هاردا قالبوب سودامرین  
 آیریلوب سندن او دردانه حسین  
 دی گوروم کیم سنی بو حاله سالوب  
 کیم گوزل قاسموی الدن آلوب  
 اکبرون هاردا دوشوب هاردا قالبوب  
 یاتموسان بیله غریبانه حسین

اودلانان خیمیه دوشدی گذریم  
 اوزگه بیر صحنیه دوشدی نظریم  
 خسته دوشموشدی بلا دیده لریم  
 صبریمی ویردیله تالانه حسین

توپراق اوسته یوزی سیمین بالالار  
 هره بیر گوشه ده غمگین بالالار  
 قورخودان آغلوری گزلین بالالار  
 سس صداسیز گلور افغانه حسین

قلبینی قزلاریوین وحشت آلوب  
 بعضی نین جانینه غم لرزه سالوب  
 بعضی سویلور بابامیز هاردا قالبوب  
 اود سالور آهی دل و جانه حسین  
 اورک ایستور بیله بیرحاله دوزه  
 گه گلور بعضی سی گزلینجه سوزه  
 گاه بیریرله قویوللا اوزاوزه  
 ناله اوج ایلوری کیوانه حسین

بعضی نین یوزگوزی توپراقه باتوب  
 بعضی گوزیاشینه دل قانی قاتوب  
 آغلیوب چوخ یورولوب بعضی یاتوب  
 توز آلوب زلف پریشانه حسین

بعضی نین گوزیاشی رخساره آخور  
 دللری آتش حسرتله یاخور  
 بوینی چیگنینه یتیمانه باخور  
 چکوری آه یتیمانه حسین

زیـنب و پردۀ راز شـبیدی  
 فرصت رازونـیاز شـبیدی  
 اوردا مشـغول نماز شـبیدی  
 شکر ایدردی حق متـانه حسین  
 بیر یانان خیمه ده اول کان وفا  
 دل شـبده یارادوب ایله صفا  
 ایدوری امت قرآنی دعا  
 توکوری اشگینی دامانه حسین

اولدی یعقوب حقیقت بانی  
 یازدی تائب بوگوزل عنوانی  
 ایسته گلسون ایکی هم آوانی  
 اوردا قورسونلا عزاخانه حسین

## انسانیت گریز به قتلگاہ

عشق بیر دولت و عنایتدور  
 عقده باز دل و هدایتدور  
 گوره سن هر کسی ترش رودور  
 بیل که یوخ عشقی بی ولایتدور  
 نه بیلر راه و رسم عشق و وفا  
 او که نا آگه هدایتدور  
 ازیوی نیست فرض قیل ایدل  
 وارلیقین بیر بیوک جنایتدور  
 بنده یه بسدی بیر کفی بالله  
 بو کنایت دگل صراحتدور  
 وردی بیر کور کوزیه ایاقین  
 دیدی فَرّاش بی لیاقتدور  
 کوزه کاسه ندور یول اوستونده  
 بر ملا سَدّ راه مَلّتدور  
 دیدیلر کوزه یوخدی یول اوسته  
 گوزلرون بلکه بی بصیرتدور

یول آزوب کوزیه طرف گیدوسن  
 اوز وجودینده کی غوایتدور  
 راه کوششده قالموسان گمراه  
 دوز یولی تاپ مگر نه غفلتدور  
 لفظ مـثقال ذرّة یره وار  
 عملون حشر ایچون کتابتدور  
 فرصتی فوته و یرمه ای غافل  
 الده بو پنج روز فرصتدور  
 گیت گرفتاری تاپ الیندن دوت  
 دو تماق الدن بیوک عبادتدور  
 ال دوتوب قویما لیک اونا منت  
 اجری زایل ایدن او منتدور  
 دو گدی باب حسینی بیر سائل  
 دیدی محتاج و اهل حاجتدور  
 دست احسانیه امام حسین  
 ایتدی احسان اونا روایتدور

سائله ویرمدی نشان اوزینی  
 که اونامایه خجالمدور  
 دیدی آز اولسادا گذشت ایله  
 ویردقیق مقتضای قدرمدور  
 هایهائیه اغلادی سائل  
 بورد اوار نکته جای صحبتدور  
 خبر آلدی امام سائلدن  
 یارجل سنده بونه حالتدور  
 وار نه علت بونوع اغلورسان  
 یوخسا بیزدن قصور خدممدور  
 دیدی من اغلورام بو اللره کیم  
 بیله مشگل گشای امتدور  
 قالاجاق تیره توپراق آلتندا  
 بیله اللر که دست رحمدور  
 باجیسی قلبینه قویوب او الی  
 آیریلاندا بیله روایتدور

دیدي الله صبر ویر باجیما  
 گرچه دارای استقاممدور  
 اودی زینب گلنده قتلگه  
 گوردی کیم سینه صبری غارتدور  
 اله آلدی حسنینین الینی  
 او امیده که دست رأفتدور  
 بیرده قویسون یانان اورک باشینا  
 که توان بخش و قلبه قوتدور  
 گوردی یوخدور بیلکده حیف الی  
 قطع ایدوبلر عجب جنایتدور  
 بیلدی کیم اهرمن تاپوبدور ال  
 او سلیماننه جای حسرتدور  
 دیدی الدن دوتان الون هانی بس  
 سارباندا بونه شقاوتدور  
 اللریم گورنه قالدی قوینومدا  
 زینبون طالب اعانتدور

یاتما نازیله قانلو بسترده  
 آنام اوغلی نه خواب راحتدور  
 انجیدیلر عزیزه قزلاریوی  
 بالاقزلار دچار وحشتدور  
 دور دعا قیل ذبیح حنجریله  
 بو دعا ایمدی عین حاجتدور  
 وار قاباقد اآغر سفر قارداش  
 راه پر خوف و پرخطر قارداش  
 دور کوچور غملی کاروان یارالی  
 درده پیچیده باغریقان یارالی  
 قافله آردیجا ویرلله اذان  
 یاتما دور ویر ازون اذان یارالی  
 بو بیاباندا باغ و گلشنیمه  
 باد پائیز اولوب وزان یارالی  
 سن بهاریم امید ی تیز سولدون  
 گلشنون اولدی تیز خزان یارالی

نه دوشر سو یانندا سن کیمی سرو  
 نه اولار بیله بوستان یارالی  
 غممه دستان سرا هزاره لرین  
 باشلیوب غملی داستان یارالی  
 لاله تک منده باغریقان گیدورم  
 لاله تک باغری قان اولان یارالی  
 دسته گل تک گل اوزلی قزلاریوا  
 اولدی عریان دوه مکان یارالی  
 هاردا قالسون کبوتران حرم  
 وار نه لانه نه آشیان یارالی  
 سن گوز اوتدون گل و گلستاندان  
 ای و فایشه مهربان یارالی  
 گلی زاغ و زغن ایدر پامال  
 اولماسا باغدا باغبان یارالی  
 آ ز قالور غصه مرگ اولا بالالار  
 ویر بو اطفاله تازه جان یارالی

زنده سن ای شهید عشقِ اله  
 سنده وار جان جاودان یارالی  
 بیدم الله دان اتری گوگینی آل  
 طرفه دلدار و دلستان یارالی  
 وار سنق قلبی آماقین اجری  
 اوردادور جای لامکان یارالی  
 ای بهشتی سرشت و روح بهشت  
 ای ویرن جانلارا روان یارالی  
 گوزل عطرونله قانلو قتلگهون  
 دولدوروب نکهت جنان یارالی  
 قتلگاهون اولوب بهشت برین  
 ای سوسوز قانینه باتان یارالی  
 گلشن و گل لریوه جان قربان  
 ای سوسوز گللری سولان یارالی  
 گلستانوندا واردی ایله صفا  
 آیریلانماز گذر سالان یارالی

هانسی بلبل بو گلستانی آتار  
 هاردا وار بیله گلستان یارالی  
 منده آیریلما رام بو گلشدن  
 ویرسه قاتلرون امان یارالی  
 جبریه لیک سندن آیریلورام  
 نیلسون بیر اسیر اولان یارالی  
 اوزورم ال بو چولده روحیمدن  
 ای منه روحیه روان یارالی  
 قلبوه اوخ وروبلا سانموبلار  
 قلب عالمسن اوخلانان یارالی  
 قلبون اوخشار او قان پیاله سینه  
 که دولوب لخته لخته قان یارالی  
 قلبینه قلبوین آلیدی او خون  
 کاش بو قامتی کمان یارالی  
 بیر عزاخانه دور بو قتلگهون  
 یوخ ویرن مثلینی نشان یارالی



بو عزاخانه روضه خوانی منم  
 بالا قزلاردا نوحه خوان یارالی  
 عطر زهرا بو چولده واردی مگر  
 کربلایه گلوب آنان یارالی  
 او گزن یرلری دولاتم من  
 آلام عطرینی هر آن یارالی  
 او گلوب زینینه سس ویرسون  
 آغلاشاق منله هم زمان یارالی  
 برق آهیم یتوبدی نه فلکه  
 یارادوب ایله کهکشان یارالی  
 هیچ بولود گوزلریم کیمی دولماز  
 مقتلی قانیله دولان یارالی  
 قزلارون آیریلانموری سندن  
 ای محبتله آیریلان یارالی  
 آیروللار ورا ورا اتما  
 بو جفاییشه کوفیان یارالی

دللری داغلی قوللاری باغلی  
 آپارور شامه شامیان یارالی  
 او جادان آغلاماقه قویمازلار  
 رحمسیز شمریله سنان یارالی  
 آغلاروخ بیز حزین حزین سس سیز  
 یاناروخ اوخشاروخ نهان یارالی  
 بعضی سوزلر دیور بو شمر لعین  
 منه چوخ چوخ گلور گران یارالی  
 دیوری الدوراق وراخ اتما  
 اسرا ایتمه سون فغان یارالی  
 ناله ایتمز مگر عزیزى اُن  
 دگی رسمیت جهان یارالی  
 نیلسون قزلارون بس آغلاماسون  
 ایتمه سین سوزلرین بیان یارالی  
 گزلنوب سیننده نفس لریمیز  
 بیله ده ظلم اولار عیان یارالی

گیدورم شامه من خداحافظ  
 قالدون ای شاه انس و جان یارالی  
 قالدی روز جزایه دیدارون  
 ای جزا صحنه سی قوران یارالی  
 پیکرون من قویانمادیم قبره  
 یاتام ای حالیمه یانان یارالی  
 سن بو صحرانی ایله ملک شرف  
 باشد اصحاب جانفشان یارالی  
 منده باشه یغوب بالالاریوی  
 آپاروم شامه کاروان یارالی  
 ساخلارام قزلارون گوزوم اوسته  
 ذره جه اولماناگران یارالی  
 دیمورم سنده دور گیداخ بیزیله  
 خسته سن ای عزیز جان یارالی  
 سن یات ای یاتمین اوزون گیجه لر  
 دنجل ای دردوغم یوران یارالی  
 سن یات ای خلقی ایلین بیدار  
 ای ویرن عالمه تکان یارالی

لیک بیداردور باجون زینب  
 تادم مرگ هر زمان یارالی  
 دشمن ایستور که دهرده سندن  
 قالمیه نامیله نشان یارالی  
 قویمارام قانونی اولا پامال  
 ای اولان جان دینه قان یارالی  
 باشون آردینجا باشدا باشیزلار  
 گلرم ای شه جهان یارالی  
 یخارام شامده یزیدین ایوین  
 آل سفیان ایوین یخان یارالی  
 بولوسن زینبون حسینی دور  
 یاحسین وردیدور هر آن یارالی  
 آغلارام من حسین حسین دیرم  
 واردی جانیمده تاکه جان یارالی  
 تائب ایستر زیارت قبرون  
 یاز برات ای گوزل یازان یارالی  
 گله لر نوحه خوان عنایتیله  
 اولالار اوردا نوحه خوان یارالی

## کوچ از کربلا

سن بوچولده باتدون ای شمس شرف قارداش حسین  
 کوچدی آی اولدوزلارین شامه طرف قارداش حسین  
 سن یتوردون خدمتون باشه یتشدون ایمنه  
 نهضتیم باشلانندی یتدی نوبت خدمت منه  
 سن طرفدار حقیقتسن طرفدارم سینه  
 سست ایمانلار اولالاری طرف قارداش حسین  
 سن شهید اولدون اولادین و شریعت پایدار  
 من اسیر اولدوم اولاحق و حقیقت آشکار  
 باشدا قارداشی اُلن اوغلی اُلن پوزقون قطار  
 ایلرم اسلامه خدمت جان به کف قارداش حسین  
 عابدینون بوسفرده قافله سالاردور  
 بیر هدف اوسته اسیر فرقه اشراوردور  
 بی طرفلر بی هدف لر تا جهان وار خواردور  
 بی هدف دینینده گزمز باشرف قارداش حسین

سن او جاتدون باشوی فرقونده بیر تاج شرف  
 باشون آردینجاد و شوب منده دولانام جان به کف  
 گتمرم شاماته باشدا غم قطاریم بی هدف  
 دشمن قرآنی یخماقدور هدف قارداش حسین  
 ایستوری قرآن دن احکام آدین سیلسین یزید  
 یریوزیندن سن کیمی خوشنام آدین سیلسین یزید  
 صفحه تاریخن اسلام آدین سیلسین یزید  
 جان قویوب بو شری قیلام بر طرف قارداش حسین  
 بیز ایکی قارداش باجی کیم بیردی هر عنوانیمیز  
 عالم خلقتده بیردور تارو پود جانیمیز  
 بیر مرام اوسته ازلگون باغلانوب پیمانیمیز  
 قویمارام سنسین او پیمان و حلف قارداش حسین  
 سن بولورسن من آنام اوغلی وفالی زینیم  
 دخترا مابیه ایم او زهرام نصبیم  
 از آنام زهرا کیمی آفاقد زین ایم  
 الله ایلوب بو صفتله متصف قارداش حسین

سن کیمی وقف ایتیمیشم جان دینیله قرآنه من  
اولموشام دلدار شمع عشقینه پروانه من  
خوشدی راه دینده قول باغلی گیدم زندانه من  
حاش لله گوسترم حال اسف قارداش حسین  
روبرو گرچه بیزیله طعن اهل کین دور  
سهل سانوخ چون که راه مذهب و آئین دور  
صابر اولوخ هرغمه منظور فتح دین دور  
ظاهراً غم باطناً واردی شغف قارداش حسین  
لطف ایدر بو یولدا نیرو ذات خلاق قدم  
پیشرفت دین و قرآن دور گوتوردو قجا قدم  
نقشه شوم یزیده ورماقا نقش عدم  
سن کیمی دنیائیله اولام طرف قارداش حسین  
بیر اسیر و دستگیرم گرچه قوم جانیه  
سن کیمی باش اگرم اُسمده من بیگانیه  
حقون اثباتینده اولماز غفلتیم بیر ثانیه  
بی نتیجه عمریمی ایتمم تلف قارداش حسین

تا پاماقا دنیا بویی بیر عزت پاینده من  
حقون احیاسینده قیلام همت شاینده من  
سایه سالام اهل دنیا باشینه ساینده من  
ظل ثار اللهدی رحمانی کنف قارداش حسین  
در سیمی زهرا ویرو بدور ترک ادراک ایتمرم  
امرایدوبسن صبر قیلام سینه می چاک ایتمرم  
شرزه شیرم ال قولوم باغلی ولی باک ایتمرم  
گله روبه چکه هر قدر صف قارداش حسین  
عکس رخسارون دوشوبدور دله کی آئینیه  
باشدا شورین صبر قیلام ظلم اهل کینیه  
قزلار آغلار بیر طرفده منده و رام سینه  
بیر طرف اعداچالالار چنگ و دف قارداش حسین  
ترک ایدوب تائب مجاز اهلین حقیقت اختارور  
افتخاری پاک درباروزدا خدمت اختارور  
ویرمیوب تن ذلته عز و شرافت اختارور  
آل ایکی دنیا اونا حقدن شرف قارداش حسین

## سلام بر حسین (ع)

ای تشنکام حسین جان مرد تمام حسین جان  
 یول باغلیدور اوز اقدان ویروخ سلام حسین جان  
 بیزدن او روح پاکه اولسون سلام حسین جان  
 ای نور چشم طاها آرام جان زهرا  
 ایتدون شهادتیه قرآن و دینی احیا  
 تدبیر آل سفیان ایلردی نسخ قرآن  
 وردون او نقش شومه قانیله خط بطلان  
 ای تاج رادمردان همّتلی کارگردان  
 اوز مقتولونده یازدون پاینده دین و قرآن  
 نه خوف و باک ایتدون دل چاکچاک ایتدون  
 رخساردین غبارین قانیله پاک ایتدون  
 بیته صفاگتوردون روح مناگتوردون  
 قربانگه وفایه یتیمیش فداگتوردون  
 بیتین صفاسی واردی بیتین مناسی واردی  
 میدان کربلا تک هاردا مناسی واردی

بیتین صفاسی واردی کوه مناسی واردی  
 اکبرکیمی منانین هاردا فداسی واردی  
 اصل مناسنوندی اصل صفا سنوندی  
 اصل مناده عطشان یتیمیش فدا سنوندی  
 ال گوتدون اکبروندن آلتی آیلوق اصغروندن  
 دولدی جهان صدای الله اکبروندن  
 ای آب روی خلقت ای افتخار امت  
 انگیزه مرّوت الگوی آدمیت  
 دنیانی گوزدن آتدون دین اوسته قانه باتدون  
 یاتدون او یاتماقیله دنیالری او یاتدون  
 آلدون بلاگوزاوسته دوردون او بیرسوز اوسته  
 شکر ایلدون دوشنده توپراقلارا یوزاوسته  
 ای قان ویرن گلوسی قاندان اولان وضوسی  
 قان دستمازون اولدی اسلامین آبروسی  
 جان اوسته سوز و سازون یاریله کشف رازون  
 ایتدی نمازی زنده تک سجده لی نمازون

اجر نماز آپاردون نازیله ناز آپاردون  
 آخر نمازویله سن امتیاز آپاردون  
 باش اگمدون عدايه گتدی باشون جدایه  
 سالدون جهاندا فرق اسلامپانه سایه  
 خاک ره وثاقین گزیدردی اشتیاقین  
 قربان او توپراقاکیم اُپدی سنون ایاقین  
 ای عشق جاودانی ای عشق باغبانی  
 گلزار عشق قیلدون صحرای کربلانی  
 بیر ایله گلستاندور شبم گل اوسته قاندور  
 دائم بهاری واردی تا حشر بی خزاندور  
 تائب غمونده آغلار شوريله سینه داغلار  
 دائم قلم الینده اشگین عذاره باغلار

زبانحال زینب (س) در قتلگه  
 در حال کوچ از کربلا

ای قانه باتان سواوسته عطشان نل طایفه دن آرالی قارداش  
 زینب بویارالی جسمه قربان غربتده اُلن یارالی قارداش  
 غربتده اُلن یارالی قارداش  
 زینب نجه گلمسون نوایه ای پادشه مدینه سنسینز  
 اُلدوردی سنی سوسوز رعیت غربتده گوزون سودا وطنسینز  
 گونلر قاباقدنا پاره پاره عریان بدنون قالب کفنسینز  
 وار نه کفن ایلین تدارک نه دفن ایدنون یارالی قارداش  
 ای کشته راه معنویت وی معركة وفاده سلطان  
 ای حامی مذهب و شریعت ای جانین ایدن فدای قرآن  
 ویردی بو شهادتون حقیقت قرآنيله دینه تازه بیرجان  
 منده بو اسارتیله قیلام تعقیب همین روالی قارداش  
 ازبس یارا اوسته یاره آلمیش گل تک بدنون اولوبدی خندان  
 قان شبمیی برگ گل لر اوسته واقعه ویروب صفای شایان  
 بو قتلگه وفانی عطرون ایلوبدی صفالی بیر گلستان  
 ناله ایده جاق قانون آلینجا هر بلبل خوشنوالی قارداش

سن زاده شاه اولیاسن من دخت شهنشہ ولایم  
 اللہ یولوندا سن فدا من آمادہ رنج و ابتلایم  
 زین اب اولان بلالی زینب زهرای زمین کربلایم  
 صبری مدہ آنام کیمی صبورم وار منده آنام خصالی قارداش  
 افسوس امیدیمین بهارین تاراج ایلوب خزان آپاردی  
 شادی گلیمی آلوب الیمدن بادغم اولوب وزان آپاردی  
 قان موجی وروب باشوندان آشدی وردی سنی بخدی قان آپاردی  
 ثارالله اولان اوزی آتاسی اللہ قانی خون آلی قارداش  
 سن یات بودیار کربلا ده قارداش بو وفالی ثل لریله  
 قول باغلی گیدوم دیار شامه منده بو شکسته دللریله  
 بو قلبیمی داغلاسون رقیه یوللاردا یا نقلی دللریله  
 سن اصغرون آل کناره منده مهریله بومه جمالی قارداش  
 ای لفظ وفا و مهره میزان ای گلشن عشق باغبانی  
 زینب دی بو گلستان عشقین خوش نغمه لی مرغ نغمه خوانی  
 مین شور یله نغمه حسینی دلدہ گزرم بو گلستانی  
 سرتاسر نینوانی قیلام از نالمیله نوالی قارداش

سندنصورا هر بلا منیم کی قربانگه کربلا سنون کی  
 هر شور منیم نوا منیم کی بو وادی نینوا سنون کی  
 شاماتده هر جفا منیم کی بو گلشن باصفا سنون کی  
 قال کرب و بلا صفا سین آر تورای روح صفا صفالی قارداش  
 سنسن که سنون بابان پیمبر ایتدی دل شبدہ سیرکیوان  
 سنسن که آتان سسین ایشندی اسرا گجه سی رسول رحمان  
 سنسن که محبتیله جدون از چیکینه مندیر ردی هر آن  
 گورسون نجه تو پیراقا یخیلموش باغینده اولان نهالی قارداش  
 یار ابو کباب اولان دلیم تک سیخ اوسته اولان کباب ویرمز  
 یاندیقجا اورک مجال هرگز بوگوزده کی اشکنا ب ویرمز  
 یو خسابا جیسی اسیر اولاندا قارداشی او ناجواب ویرمز  
 دلن دلیوین فدا سی زینب جان بخش گوزل مقالی قارداش  
 گر اولسا امانیم اشقیادن بیر عمر بو قتلگهده قلام  
 دائم کسرم سنون کنارون عطرون یارالی مشامه آلام  
 خوش لحنیله او خشارام حجازی بودشت عراقه شور سالام  
 همناله سز یلتمیله قیلام دشت و دمن جبالی قارداش

چو خلار او لونوب قتیل اعدا چوخ ایولرا اولوب ستمله ویران  
 چوخ ایولرا اولوب ستمله ویران چوخ خیمه اولوب ستمله سوزان  
 تاراجه گیدوبدی چوخ حشملر چوخ خیمه لری ایدوبله تالان  
 بیز تک دوگولوب سویولمیوبدی هیچ بیر شهین اهل و آلی قارداش  
 زهرا آنامیز گلوب یقیناً زینب باجوین یوخ اشتباهی  
 دلدله بالاوای گزوب سراسر صحرای بلانی دلدله آهی  
 گوزیاشلی سپوب گلاب اشکین عطری بور یوبدی قتلگاهی  
 عطری آنامین ایدوب معطر باشندان باشابو محالی قارداش  
 زهرا آنام اشگی قانویله باهم توکولوبدی کربلایه  
 بیر خاک شفا اولوب بوتربت هر دردو مریض بی دوا یه  
 سالسا اوزونی مریض اولانلار گر خاک شفای کربلایه  
 جدیم بویوروب آلاش شفا سین ای تربتی چوخ بهالی قارداش  
 سن عشق و محبت حقیقی بو وادی عشقه یار آتدو  
 بی پرده رضای حقی دو تدون گوزدن هامی ماسوانی آتدو  
 دین اوسته دوشوب یارالی یا تدون تو حیدلو اسینی اوجا تدون  
 دنیا بویی درس عشق ویردون عشق اهلینه ای وفالی قارداش

ای مهر و محبت عالمینده بیر روشنی دم سپیده  
 شامه آپاروللا دست بسته گلدیم بویول اوسته سنله دیده  
 گر دیدیمه ایلسن عوض گل ویرانه شامه باز دیده  
 گوزلریولوی خرابه یرده هشتاده یاخین عزالی قارداش  
 قارداش لاریمی آلوبلا الدن هر چندکه قلبدن شکستم  
 سندیر مارام اوزو قاریمی من چون آل رسوله سرپرستم  
 وار نشئه عشق باشدا مست خمخانه عالم الستم  
 وار ایمدیده ایله سرگرانم سندن اله جام آلالی قارداش  
 هر چند اسیر اشقیایم مقهور گروه مشرکینم  
 اما گنه دخت مرتضایم آزاده فدای راه دینم  
 روشندل و فاطمه نمایم مردانه و مرد آفرینم  
 مندن آلا در سینی گر کدور مردان جهان رجالی قارداش  
 شاماته گیدوب تاپانمادون ال گتدو ن بیله آرزو گوزونده  
 باشون دالیجا گوزومده قانیاش شامه گیدورم گوزوم یوزونده  
 شامه تاپوب ال یزیده ورام ضربه گوره سن حسین آزونده  
 قویمام قالا اودلانان دلونده حسرتله بو ایده آلی قارداش



یوخ دادرسیم پناه دائم ذات حق داوره آپازام  
 آردونجا بو عشق کاروانین عشقون چکه هریره آپازام  
 شامات جفاده همتیله سجاد یوی منبره آپازام  
 خاموش ایلسون او منبر یله هر باطله قیل و قالی قارداش  
 شاماتده بیر صفا یاراتسون صحبتده او مصطفی نشانی  
 غفلتله یاتانلاری او یاتسون جان بخش اولان گوزل بیانی  
 بی پرده دیسون فصاحتیله شام اهلینه مدح مرتضانی  
 هاقمی تانسون ولی حق ذات حق ذوالجلالی قارداش  
 تسخیر اولی شهر شام قیلام تشکیل یزیدشومی برهم  
 موجودیتون اولار مبرهن حقانیتون اولار مسلم  
 ورامن اوزوم بهرغم دشمن شاماته حسین آدیله پرچم  
 دین اوسته شهید اولماقتدان قیلام هامی خلقی حالی قارداش  
 تائب که قلم النده واردی بیر عمر حسین حسین بیانی  
 هم نوحه یازار همی اولوب دور اولاد رسول نوحه خوانی  
 عمری قوتولوبدی سندن ایستر جمعیه برات کربلانی  
 ایسته او خوسونلادله آدون اوردا بوزبانحالی قارداش

### زبانحال زینب (س) در سر نعلش برادر

می وصل یاری ایچن غریب ایله مست اولار وطن ایستمز  
 ره دین حقه شهید اولان ایله دفن اولار کفن ایستمز  
 او شهید عشق لباسینی گر آپارماسا او قتیل ایدن  
 اونا قانلو جامه اولار کفن داخلی یوخ نیازی اولار کفن  
 آپاروبلا لیک لباسوی بدنونده قالموری پیرهن  
 سانوبله حق جنازه سی اولی عور پیرهن ایستمز  
 سن او باغبانه شبیه سن که بهار باغی خزان اولوب  
 هم اسوب خزان یلی گلشنه هامی گللی سارالوب سولوب  
 من او بلبلم اورگیم یانوب بویانارلی باغریما قان دولوب  
 داخلی باخمارام گل و گلشنه اورگیم داخلی چمن ایستمز  
 گل ناز گلشن فاطمه وریلوب نقدر یارا سنه  
 مین او قدر اهل جفا وروب آجی دللریله یارا منه  
 بیر علاوه قمچی دگوب زبس بدنیم دونوب گل سوسنه  
 ایله نیلرنگدی قوللاریم بیله رنگی یاسمن ایستمز

نه اولار سنون کیمی قارداش ای شه عشق اولا باشی پر بلا  
 نه اولار منیم کیمی بیر باجی اولا بو بلالره مبتلا  
 اُله قارداشی اورگی یانا دل داغداری غمه دولا  
 منه بسدی آیر یلیقون غمی اورگیم داخی محن ایستمز  
 اولا جسم مشگ و عبیرا اگر سن او مشگ و عطر روانی سن  
 هامی مشگ و عطر عرضدیلر هامی عطر جوهر جانی سن  
 که بهشتدن گوزل ایتموسن بو دیار کرب و بلانی سن  
 او ریاض و گلشن جتتی بو بهشتوی گورن ایستمز  
 سن او سان که منشی عشق ازل آدیوی یازوبدی دبیر عشق  
 من او سالکم که ویروبدی سوق ازی خانقاهینه پیر عشق  
 منه قید و بند نه لازمه منی سن اید و بسن اسیر عشق  
 که اسیر عشق نگار اولان داخی بند یله رسن ایستمز  
 غم و غصّه سن گیدلی حسین داخی تکلیوبدی بو بی کسی  
 بیر علاوه سلب قرار ایدر بو بنات فاطمه ناله سی  
 او قدر سز یلدیوب آغلیوب بالا قزلارین دو تولوب سسی  
 بچیلوب بو غاز کسیلوبدی سس داخی آغلاما دین ایستمز

او نفس که سینه ده حبس اولوب او اورک ره نفس آختارار  
 بیری گر اسیر اولا ناکسه دولانوب وفالی کس آختارار  
 بالا قزلارون داغلوب چوله گوزی یاشلی دادر س آختارار  
 مگر اهل ظلمه اسیر اولان قالی دادینه یتن ایستمز  
 گوزومی دولاندیریرام گهی بالا قزلارادوشوری گوزوم  
 گورورم گلوبد یله نالیه داخی دلده غارت اولور دوزوم  
 آلورام کناریمه تک به تک اُپرم گوزون سیلرم اُزوم  
 مگر آغلینده یتیم او شاق گوزونون یاشین سیلن ایستمز  
 دوزوم یله واردی چوخ الفتیم دوزوم همان دوزوم اوسته من  
 نقدر بلا گله یوخ سوزوم که و ارام ازل سوزوم اوسته من  
 بو عیفیه قزلاری ساخلارام دید و قون کیمی گوزوم اوسته من  
 دو گولن نجیبه او شاق مگر که محبت ایلین ایستمز  
 بو عیانندی قارداش او شاق لاری بو جهاندا چوخ سُور عمه لر  
 بخصوص من کیمی عمّه کیم اولا مهربان لیقی مشتهر  
 نجه عمّیم بالا قزلارا سُورم نقدر خدا بیلر  
 بو گل اوزلی قزلاریوی سنون سنی یوخ سا چون سون ایستمز

بیرینین عزیز ی قتیل اول او حیاتدن او سانار حسین  
بیر علاوه قاتلی چوخ گوره اورگی علاوه یانار حسین  
گوزومون ایوینده بو قاتلون بیزه طعن ایدردولانار حسین  
دیموری اوباجی که قارداشی اله بیرده طعن ایدن ایستمز  
آنم اوغلی لحن حجازیله دولی گوزلی او خشیورام سنه  
یانورام دلیمده حسین حسین آخوری گوزوم یاشی دامنه  
باجیلار سیاقی من آغلورام گولوری بواهلجفامنه  
بو عزالی آغلینه باخوب داخی طعنیه گولن ایستمز  
بو فنا جهانده تائباسن اگرچه غرق گناه سن  
ازیوی ایتیرمه حسینیه چون مثل غلام سیاه سن  
او حبیب حق سن او خادم خادم حبیب اله سن  
سنه یوخسا حشرده مغفرت او امام مُمتحن ایستمز

## قتلگاه

بوچولده سولدی بیزیم گلستانیمیز یارالی  
گیدوب بهار یتشدی خزانیمیز یارالی  
دوشوبدی دجله خونینده سرو قامتلر  
ویروب طراوتینی بوستانیمیز یارالی  
نه سرو صحبتی عباسدن صورانه چمن  
دوشوب سواوسته او سرو چمانیمیز یارالی  
سموم ظلمیه پرپر اولوبدی گل لریمز  
دوشوبدی رنگ عزا گلستانیمیز یارالی  
دولوبدی گلشنه بلبل یرینه زاغ وزغن  
اولوبدی عربده دن خسته جانیمیز یارالی  
بوچولده گوز نقدر ایشلوری جنازه گورور  
باتوب قزلقانا پیر و جوانیمیز یارالی  
اویاندا قان آپاروبدور گوزل گل اوزلیلری  
بو سمتده یخلوب باغبانیمیز یارالی  
او قول قانادی سنان طایره مثالوخ بیز  
نه واردی گلشن و نه آشیانیمیز یارالی

اسیر ایدوب بیزی صیاد آب و دانه بیزه  
 اولوبدی گوزیاشمیز دلدۀ قانیمیز یارالی  
 بالالارون هارا یوز دوندروب هارا گتسون  
 تالانمیشوخ داخلی یوخ دودمانیمیز یارالی  
 تمام خوش گونوموز سنله گتدی بیرگونده  
 عجیبه دوندی بو دور زمانیمیز یارالی  
 امانمیز کسیلوب ای امان خلق الله  
 تالاندی خیمه امن و امانیمیز یارالی  
 بالاجا قزلاریوا شمر چوخ آجیقلا نوری  
 یانور بو سینۀ آتش فشانیمیز یارالی  
 دیور وراخ سیزی بیز االدور اراخ سیز آغلامیون  
 دیور بیزی اوجالاندا فغانیمیز یارالی  
 بو قدر ظلم اولی هاردان اولار که آغلامیوخ  
 مگر امان ویرر اشگ روانیمیز یارالی  
 بیله گلور نظره کیم او شوم قصدی بودور  
 جهاندا قالمیه نام و نشانیمیز یارالی

### قتلگاه زبانهال حضرت زینب (س)

ای ویرن قانی صفا قانلو میدانۀ حسین  
 دوندرن قتلگهی بیر گلستانۀ حسین  
 دور منیم گوگلومی آل آنام اوغلی یولا سال  
 تا جهان وار یارالی نه بیله گلشن اولی  
 نه دوشر بیر نفرین بیله گلزاره یولی  
 هانسی گلشنی اولای بیله عطریله دولی  
 گلشنون طعنه ورار باغ رضوانۀ حسین  
 ایله عطرون بوریوب چولی ای روح جنان  
 مثل تسنیم قانون اولوری یرده روان  
 بیر صفا وار ویروری گورنه روح روان  
 گیده مشکلدی گلن بو گلستانۀ حسین  
 ای اوزی مهر و وفا لفظینه شرح و نوشت  
 ای جنان خلقتینه خلقتی سر سرشت  
 سن اولان یر دولانار اولار البتۀ بهشت  
 ویرموسن روح جنان بو بیابانۀ حسین

ای هدایت گونی تاپ پوزقون اولدوزلاریوی  
 بو ایاق آتدا قالان ال ایاقسیزلاریوی  
 انجیدور شمرو سنان بالاجا قزلاریوی  
 قزلار آغلور یانورام من یانایانه حسین  
 بو قدر ظلمه نجه طاقت ایستون بالالار  
 قورخورام قورخی چکوب جانه یتسون بالالار  
 دوروبر قمچی واران هارا گتسون بالالار  
 وار نه بیر جای امان وار نه کاشانه حسین  
 باغبان اولماساگر سولی گلر سارالار  
 باغده خار جفا ال آچار گل یارالار  
 بو سنق قلبلری آجی دلر یارالار  
 چوخ دگور دل یاراسی آل عمرانه حسین  
 شمردون مانع اولور بیز جگر داغلاماقا  
 نعشون اوستونده یوزه گوز یاشی باغلاماقا  
 او خشیوب شیونیله سس چکوب آغلاماقا  
 حدسیز ظلم اولوری آل قرآنه حسین

قال بو صحرا ده اُزون یار و انصار یویله  
 جان ویرن یتیمیش ایکی اهل دل یاریویله  
 منده شاماته گیدوم بالا قزلاریویله  
 منزلیم اوردا اولار کنج ویرانه حسین  
 ایلدی پیشهاد کوچه مشگی بوسوزی  
 یازدی تائب بوسوزی اشگیله دولدی گوزی  
 کربلا ایستیوری نوحه خوانیله اُزی  
 ایسته گلسونله بولار او گلستانه حسین

## احوال کوفه

نیزه ده شوريله سن اوخی قرآن یارالی  
 ایلیوم ناقه ده من حقی اعلان یارالی  
 خلقی هشیار ایلیاق خلقی بیدار ایلیاق  
 اوخی قرآنی حسین دین ساتان لار او یانا  
 دینین آئینه سینه داش آتانلار او یانا  
 اوخی غفله دوشوب بو یاتان لار او یانا  
 بوقدر ویرمه لر کفره میدان یارالی  
 کل وراق بیر بیرله دست همت ایکی میز  
 باجی قارداش ایلیاق خلقه صحبت ایکی میز  
 کوفه شهرینده سالاق بیر قیامت ایکی میز  
 ایلیاق شور جزا بیز نمایان یارالی  
 یکی قارداش باجیوخ بیردی ماهیتیمیز  
 بیر مرام اوسته بیزیم باشلانوب نهضتیمیز  
 بیردی هر یتیمیز بیردی هر صحبتیمیز  
 بیردی هر صحبتیمیز بیردی عنوان یارالی

ایکی قارداش باجی گل بزم الفت یارداخ  
 شوريله جامعه ده روح نهضت یارداخ  
 کوفه شهرینده بوگون بیر قیامت یارداخ  
 حقی حق منطقیله ایداخ اعلان یارالی  
 یغموسان باشوه سن از گوزل گل لریوی  
 اوز گوزل گل لریوی زلفی سنبل لریوی  
 منده جمع ایلمیشم باشه بلبل لریوی  
 گوسترور قافله میز بیر گلستان یارالی  
 سن ازون ایلموسن مینه تعیین مسیر  
 منه آسان گلی بو یولدا هر امر عسیر  
 ازوم آزاده ولی قید عشقونده اسیر  
 چکه عشقون گیدرم گله هر یان یارالی  
 تیر عشقونله حسین باغری می من دلرم  
 یوزومه گوز یاشیمی دلده عشقون الرم  
 من سنون عاشقوم هارا گتسن گلرم  
 ذره عشقیمده منیم یوخدی نقصان یارالی

عشقوین باده سینین ایله مستانه سیم  
 سن اولان شمع وفا منده پروانه سیم  
 نیلیوم شوره گلن عشق دیوانه سیم  
 سلک دیوانه لره یوخدی دیوان یارالی  
 گلمیشم عشقویله من ازل دنیایه  
 گتمیشم عشق یولون باشا پایه پایه  
 سالموسان عشقیله سن منی بو غوغایه  
 ایلیوبسن بیله بی سروسامان یارالی  
 اهل عشقه بولوسن سروسامان اولماز  
 عاشقین مشکلی هیچ وقت آسان اولماز  
 درد عشقه دوشنه داخی درمان اولماز  
 دردینه دردلی اولی درمان یارالی  
 سینه عشقیم ایله وار داخی صحبت یری یوخ  
 غیر مهرون سینه ده بیر محبت یری یوخ  
 عشق دیوانه سینه هیچ ملامت یری یوخ  
 عاشق صادق اولار عشقه قربان یارالی

کوی عشقونده سنون مالکم صبر ایوینه  
 اشگ عشقمدی سالان رخنه هر ابر ایوینه  
 عشقویله اُلم گیدرم قبر ایوینه  
 دورام عشقونله سنون حشر اولان آن یارالی  
 درد تائب چو خالوب ای گوزل آدی دوا  
 ای اولان ذکر شفا ای اولان روحی صفا  
 وار مریضی ایدوری او تقاضای شفا  
 آل شفا دردینه سن ایله درمان یارالی

زبانحال دختر صغیره امام مظلوم  
در راه شام خطاب به عمه اش

بو خطری صحرا ده عمه گتمه من قالدیم  
یو خدی بیر یتن داده عمه گتمه من قالدیم  
قیدیمه قالان یو خدی یادینه سالان یو خدی  
گوگلومی آلان یو خدی عمه گتمه من قالدیم  
چخدی ال اودامندن یوخسا دویموسان مندن  
من که دویمارام سندن عمه گتمه من قالدیم  
واردی چشم گریانیم دلده داد و افغانیم  
لرزیه دوشوب جانیم عمه گتمه من قالدیم  
قلبیم اولدی صدپاره بس ندور منه چاره  
چولده قالدیم آواره عمه گتمه من قالدیم

یار مهربان عمه دردی می آلان عمه  
باغریم اولدی قان عمه عمه گتمه من قالدیم

طفل ناتوانم من غمله باغریقانم من  
زنگ کاروانم من عمه گتمه من قالدیم

آیری دوشموشم ئلدن طاقتیم گیدوب الدن  
آزقالور دوشم دلدن عمه گتمه من قالدیم

اولموشام پریشان حال قیدیمه ازون بیر قال  
گوگلومی منیم گل آل عمه گتمه من قالدیم

ذکر اولاندا بو نسکل تائب اولدی خونین دل  
سسلدی او شیرین دل عمه گتمه من قالدیم



زبانحال دختر صغیره امام مظلوم  
در راه شام خطاب به پدر بزرگوارش

باغ عمرونده گل ناز و فایم باباجان  
ایمدی مقهور یدِ اهل جفایم باباجان  
ظاهراً دشمن بی شرمه اسیرم مغلول  
باطناً بسته زنجیر و فایم باباجان  
بو و فاشته سی بوینومدا ایله محکمدور  
چکه هریانه همین رشته رضایم باباجان  
باغلیوب خام خیالیه عدو قولآریمی  
بولموری عشقویله بند بلایم باباجان  
نینوادن باشون آردینجا دوشوب شوریه  
بو اوزون یوللاری مشغول نوایم باباجان  
یولون اوستونده یوزونده بوگوزوم آغلامیشام  
توکموشم گوزیاشمی نوحه سرایم باباجان

او شفا بخش باخیش چشمیله بیمار یوه باخ  
دل بیمار یله محتاج دوایم باباجان  
ناقه دن گاه وروب سالدی منی دشمنلر  
سانمادی دختر شاه شهدایم باباجان  
پابره نه او قدر صاق صولا قاچدیم چولده  
قابار اولدی ایاقیم آبله پایم باباجان  
ایله ساعتده یتوب دادیمه عمم زینب  
گوردی صحرا ده گرفتار بلایم باباجان  
گوگلومی آلدی محبتله آپوب یوزگوزومی  
او بی بیمدن اودی بیحد رضایم باباجان  
مهرباندور منه هر چند که عمم زینب  
گنه تاپشور منی محتاج عطایم باباجان  
منی یوللاردا بو یور سالمیه عمم گوزدن  
گور میوم قافله دن یولدا جدایم باباجان  
الدور و لدر منی یوللاردا گوزیندن سالسا  
چون اسیر ستم اهل جفایم باباجان

وقت اولاً فرصت اولاً چو خدیمه لی در دیم وار  
 نیلیوم ظلمیله ممنوع ادایم باباجان  
 هم ورورب انجیدیری شمر ستمکار دنی  
 هم دیور آغلاما محروم نوایم باباجان  
 بیله ده درد اولی اوز در دیمه ده آغلامیوم  
 نیلیوم خسته و رنجور جفایم باباجان  
 عاشقم من سنه بو عُمده گناهیمدی منیم  
 ره عشقونده بلایایه سزایم باباجان  
 رهنما اولسا باشون یولدا سوروتم دالیجا  
 گرچه عشق اهلینه بیر راهنمایم باباجان  
 دوتوب آئینه رخساریوی یوللاردا غبار  
 سیلرم چاتسا الیم گرد زدایم باباجان  
 نیلیوم چاتمور الیم گرد رخون پاک ایلیم  
 اودی یانماقیله مشمول جزایم باباجان  
 بیزه مداح وفاداردی تائب آدینی  
 یازارام دفتریمه اهل وفایم باباجان

### مجلس یزید ملعون

گچدی حددن یزید طغیانی  
 شهرت کفری دوتدی دنیانی  
 یولون آزدی هوای نفسیله  
 قوردی بیر بزم باشینه یغدی  
 سسلوب اشیاخ بدری مجلسده  
 گوردی زهر اعزیزه سی زینب  
 گلدی گفتاره شیر حق کیمی  
 دیدی ای زاد زاده طلقا  
 مست اولوسان سنی شراب آپاروب  
 هم امام االدوروب همی ویروسن  
 فکر ایدورسن که اولموسان فاتح  
 نه دگل بیله اشتباه ایدوسن  
 هندزاده دایان آزون آزما  
 سانما که خیریوه تمام اولاجاق  
 بلکه مهلتله آرتا جاقدی سنون  
 واردی بیرو عده عذاب مهین  
 ردایدوب وحیی داندی قرآنی  
 سفرای فرنگ و ترسانی  
 باشلادی شعر خوانلیق عنوانی  
 حددن چیخدی اول جفا کانی  
 غیظیله مرتضی سخندانسی  
 بو نه عالمدی نه غزلخوانی  
 دیوسن هر کلام بی جانی  
 بی حیا افتخار اعلانی  
 تنگ ایدوبسن بیزه بودنیانی  
 بلکه بالعکس بول بو معنانی  
 یادیه سال بیان قرآنی  
 مهلتی که اولوبدی ارزانی  
 گنه و جرمین ای خطا کانی  
 گوره جاقسان عذاب نیرانی

چگون اوینا تماشینه وه ورما  
 کبريله چوخ يدِ تعدانی  
 فَسَمَخَتْ بِأَنْفِكَ مَغْرُورٍ  
 صاق صولا باخمايله ای جانی  
 چکمز اول قدر بو غرور سنا  
 دوشه سن ضعفه ای جفا کانی

ظلميله سلطنت باشا گتمز

هیچ جفا جو مرامینه یتمز

بولوسن توکمو سن نجه قانلار  
 ایلویوسن نه گللری پرپر  
 بویوبسن قانا جوانلاری می  
 کفر طینت سنون الو نله اlob  
 باتدی ظلمونله ظهر وقتی گونوم  
 ظلمت ظلمین عالمی دوتدی  
 خرداجا قزلاری یتیم ایلدون  
 سن چراغ وفانی سوندوردون  
 قویموسان چوخ باجینی قار داشسیز  
 بیزی بی خانمان سن ایتدون سن  
 کربلا ده او قدر قان توکدون  
 الدور و بسن نه کامل انسانلار  
 سولدور و بسان نجه گلستانلار  
 نه جوانلار نه جوهر جانلار  
 پاک سیرت گوزل مسلمانلار  
 آخدی لار اختران رخشانلار  
 دوشدی لر خسفه ماه تابانلار  
 آتاسیز قالدی دیده گریانلار  
 قالدی ظلمتده اهل ایمانلار  
 روز و شب آغلوری اونالانلار  
 مسکن اولدی بیزه بیابانلار  
 دولدی قانیله صحن میدانلار

یرده قالمز او قانلارای ظالم  
 سنی آخر دوتار همین قانلار  
 آتش غم منی آلسدیردی  
 اودی دللند یروب دانشدیردی

بو منیم روز و روز گاریمدور  
 رغبتيله دانشمارام سنيله  
 دانشوم گوش هوش و یردرک ایت  
 دیورم زینبی بیانی میله  
 جدپا کیمدی احمد مختار  
 عصمتیم فاطمه نشانه سیدور  
 همتیم ارث دور حسینیمدن  
 زینبم فاطمه آنامدی منیم  
 زینبم زین اب دیلله منه  
 منده واردور بیان مرتضوی  
 او بیانیله خصمی شقه لرم  
 یاریلو بودور حسین یولوندا باشیم  
 و رارام قوم جهله تودهنی  
 بو منیم حال انکساریمدور  
 دللدن درد بی شماریمدور  
 سوزلریم مایه عیاریمدور  
 حق دانشماق منیم شعاریمدور  
 آدی عالمده اعتباریمدور  
 عقتمیم یوزده پرده داریمدور  
 ایدن ارشاد او باوقاریمدور  
 مرتضا باب تاجداریمدور  
 پایه شأن و افتخاریمدور  
 بو بیان اله ذوالفقاریمدور  
 بو سوزوم رمز اقتداریمدور  
 یازاسی تاج افتخاریمدور  
 مشت دانشله رمز کاریمدور

شیر حقدور آتام ازوم شیرم قوم روبه منیم شکاریمدور  
 دیمه عاجز اسیرم ای ظالم بلکه حریت اشتها ریمدور  
 گلمیشم ایلیم سنی رسوا بو منیم حُسنِ ابتکاریمدور  
 گلمیشم قصریوی ایدم ویران بو مرام دل فگاریمدور  
 دوتدی بزمی ابهت زینب  
 خلقی جلب ایتدی صحبت زینب  
 گوردولر بیله بیر قضایانی حیرته دوشدی عالی و دانی  
 مجلسین اهلی دگدی بیریرینه باشلادی بربر یله نجوانی  
 دیدیلر کیمدی بو جسور خانم که یاراتدی بوشور و غوغانی  
 روح فرهنگدور و روب یخدی منطقیه یزید نادانی  
 نه دیور حق دیور عیان واردی سوزلرینده حقیقت اعلانی  
 اولدی بسکه یزید ناراحت  
 غور ایدوب دلدہ کین پنہانی  
 غیظیلہ دوندی ایستدی جلادُالدوره یادگار زهرانی  
 سنمادی فاطمه قزی اما دوتدی وحشت بنات طاهانی  
 خرداقلار قاریشدی بیریرینه توکدیلر اشگ چشم گریانی

قاچدی یوزدن گل اوزلیلر رنگی سولدوروب گل صفت صبا یانی  
 شور یله آغلادی آدامسیزلار ایتدیلر نوحه و نواخوانی  
 داد آدامسیز لیقین لندن امان یاراردار دستگیره حرمانی  
 اولمادی زینبه حمایت ایدن سندیران ایله قانلو فرمانی  
 جلوه لندی اودم حسین باشی گون تک ایتدی اوبزمی نورانی  
 دُزمدی زینبی قالایالقیز یتدی امدادینه همان آنی  
 غنچه وش لب لری شکفته لنوب ایتدی مجلسده عنبر افشانی  
 اوردا قرآن دانانلارین یوزینه او خودی آیه آیه قرآنی  
 جلب ایدوب خلقی صوت قرآنی قالدی حیرتده عالی و دانی  
 دیدیلر صاحبی یقین بو باشین بیر پیمبردی یو خدی کتمانی  
 یا که بیر نایب پیمبر دور گوسترور معجزات یحیانی  
 آیری باشدا بیله صفا اولماز واردی بوندا صفای سبحانی  
 ذبح اولوب بدور گنه او خور قرآن وار عجب بوندارو روح روحانی  
 بیریره دگدی خلق اولوب غوغا گوردی هند اوغلی بو قضایانی  
 خطر احساس ایدوب بو فکره دوشوب ایده خاموش او شور و غوغانی

آلدی بیر چوب خیزران الینه  
 باغریقان ایتدی آل عمرانی

شرمسیز ویردی خیزران دمینه  
دیدی که بیعت ایتمدون منه سن  
من دیدیم گل منه ایله بیعت  
دیدون اولا منم که شآنیمده  
ایمدی گورحق منم ویاسنسن  
بویارالی باشوندی طشت ایچره  
اوینورام که حریفیله شطرنج  
اوخوسان یا حسین گنه قرآن  
سنی اُلدوردوم اولماسون قرآن  
گوردی زهراقیزی بو منظره نی  
دیدی ال ساخلا خیزران یله  
ورما دَر خوشابی سندیرما  
او دوداقدان اُپردی پیغمبر  
سن کیمی بیرگدا صفت آری  
دوشسه بیر دَر اگر گدا الینه  
تائبایا ماددی دایاندی قلم

## خرابه شام

دیار شامه گل ختم رسالت یار رسول الله  
قالوب ویرانه ده آل طهارت یار رسول الله  
اولوب بیر اوزگه عالم شامده وار اوزگه بیر غوغا  
قویوب توپراق لارا وسته گل یوزین هر طفل مه سیما  
باخور بو عالم محنت فزایه زینب کبرا  
دیور گل زینبه ایله حمایت یار رسول الله  
بابا ویرانه گوگوم گلدی بو ویرانه ده درده  
بسان لاله باغیریم باغلادی قان پرده به پرده  
رقیم اُلدی نعشی اوز حسینیم تک قالوب یرده  
کیمیم وار کیمدن ایلوم استعانت یار رسول الله  
قبیلّم یوخ ئلیم یوخ طایفم دوشموش اوزا قیمده  
بو غربت الکه ده بو قدر مشکل لر قبا قیمده  
بنی هاشم هانی بیله زمان اختناقیمده  
اولور کیمدن منه ایمدی اعانت یار رسول الله

اگرچه صبریميله امتیازین آلمیشام صبرین  
 سزادور دولدورام باران غمله گوزلریم ابرین  
 قازام بونازنینین از الیمله من گرک قبرین  
 ازوم قبره قویام قلییمده حسرت یارسول الله  
 حسینیم چوخ حساب ایلر اگرچه خدمتیم آزدی  
 وفاسلکینده سالک لر دیمز زینب یولون آزدی  
 دیلر بیر قز اُلدی قبرینی از عمه سی قازدی  
 دوشر دلدن دله بو سوز بو صحبت یارسول الله  
 او گلدور که بهار عزتی غمدن خزان اولدی  
 او بلبلدور حجازی نغمه سیله نغمه خوان اولدی  
 ایتیردی باغبانین هجر ایوینده باغریقان اولدی  
 گیدر قبره اورکده داغ فرقت یارسول الله  
 گل اوزلی بیر بالیدی قلیمین صبر و قراریدی  
 خزان گوردی اگرچه عمرینین اول بهاریدی  
 وفاسیماسی قارداشیم حسینین یادگاریدی  
 سارالدی سولدی ازبس گوردی آفت یارسول الله

او گل یوزلی بالاگاهی یاتاردی گل بوداقیمده  
 حزین صوتیله گه سس سیز سز یلداردی قوجاقیمده  
 حزین صوتی یانقلی سوزلری قالموش قولاقیمده  
 دوشور یاده ایدور تاراج طاقت یارسول الله  
 وفالیدی صفائیه وفانین رسمینی بولدی  
 آچیلدی نه دو تولموش قلبی نه شادا اولدی نه گولدی  
 باباسی باشینه جان نقدی شاباش ایلدی اُلدی  
 وفاسین بو وفا ایلر حکایت یارسول الله  
 غلاموز تائبم من بیلمرم مولا سوا سیزدن  
 شکسته خاطریم قیلام تقاضای صفا سیزدن  
 مریضم وار ایویمده ایسترم کافی شفا سیزدن  
 اطبا ایلینمزلر طبابت یارسول الله  
 سنی ویرم قسم قلبی سنق مظلومه زهرایه  
 خدادن آل شفا ویر بو مریض بی مداوایه  
 جواندور قز بالالی قالماسون اطفالی بی سایه  
 آتاسیز گور مسونلر رنج ذلت یارسول الله

## خرابه شام

فاطمه اولدی اگر کلبهٔ احزاندا مکین  
اولدی غم نایبه سی زینبی ویرانه نشین  
تا پدی شاماتده ماوای مهذب زینب  
قوردی بیر بزم عزا اوردا مرتب زینب  
نه عزاخانه یغوب باشینه اللهدان اُتور  
اوردا هشتاده دین اللهه مقرب زینب  
قصد قربتله حسین وای دیدیلر آغلادیلار  
توکدی گوزیاشینی رخساره مرتب زینب  
بالاجا قزلاری گوردو قجا که ناراحت دور  
یانوب از روحینی ایلردی معذب زینب  
گون قباقینده قالبوب گوندوزی یورقون خسته  
ایتمدی ترک نمازشی بیر شب زینب

اوتدوقی ییرده نمازشی ایلردی ادا  
ذکرایدوب صبحه کیمی یارب یارب زینب  
اهل اسلامی نمازاوسته او ایلردی دعا  
کاخ کافرلری ایستردی مخرب زینب  
عُلویان دل آچوب آمیئه دیردی آمین  
تا دعا ایتماقا ایستردی آچالب زینب  
هدف اوسته ایله سسلردی حسین آغلاردی  
اولان از قارداشینا هامودان اقرب زینب  
گیزلدردی غمین اطفاله بیلیندیرمزدی  
باغرینی قانیله ایلردی لبالب زینب  
صبح اولونجا یوخی گلمزدی آییق گوزلرینه  
تا پشوراردی دله مین غصه لی مطلب زینب  
هدفی دین طرفی حق شریعت شرفی  
شمس دینین قزی دین چرخینه کوکب زینب

ادب و صبر و وقار یله گچیردردی گونون  
 باشدانچه آتاسیز طفل مؤدب زینب  
 بالاجاقزلاری گورسیدی که ناراحت دور  
 یانوب از روحینی ایلردی معذب زینب  
 اوغلی قارداشی اُن هم آتاسیز اطفالی  
 ازونه ایلدی هم مسلک و مشرب زینب  
 اتحاد ایتدیله یخسونلا یزیدین ایوینی  
 بو مرام اوسته آچوب شامده مکتب زینب  
 اوجالار عرش معلایه باشون تائب اگر  
 نوحه خوان لیقدا سنه لطف ایده منصب زینب

### کوچ از شام

شامیان بیز گیدیروخ شامده ماهیم قالوری  
 فاطمی سیرت و مرضیه نگاهیم قالوری  
 بو همان قزدی که چرخ ادبین اختریدی  
 روح عفت دل دریای حیا گوهریدی  
 عزت و جاه قبیلمدی شرف جوهریدی  
 کنج ویرانده سرمایه جاهیم قالوری  
 گوزی زیبا سوزی شیوا قدی رعنا یوزی گل  
 باباسی مهر وفا باغینه گل باز ازی گل  
 عترت آل عبا دلبری گل لر گوزی گل  
 غنچه لب ماه جبین زلفی سیاهیم قالوری  
 بو شیرین دل بالا صبر دل آگاهیمیدی  
 فلک مهر و محبتده ایشیق ماهیمیدی  
 منیله هم سفر شامیدی هم راهیمیدی  
 گیدورم بوردا منیم هم ره راهیم قالوری  
 نازایدردی بو گل ناز بودا قیلمده منیم  
 عندلیبانه سزیلدردی قوجا قیلمده منیم  
 قالوری زمزمه ددی قولاقیلمده منیم  
 بی صدا بوردا دوشوب روح رفاهیم قالوری



شامدن تنگه گلن قافله دلتنگ گیدور  
 کوی عشقه سپه عشق ایدوب آهنگ گیدور  
 حیف بی بانگ درای و جرس و زنگ گیدور  
 سپه عشق گیدور زنگ سپاهیم قالوری  
 او گوزل گوزلری ایتدیقجا یتیمانہ نگاه  
 یاندیروب قلبیمی آرامیمی ایلردی تباہ  
 او چکوب آہ باخوب منده اونا چکمیشم آہ  
 داغلی دلده اثر آتش آہیم قالوری  
 بیر عفیفة بالادی یوخ اونون عفتده تایی  
 بیر نجیبہ بالادی یوخدی نجابتده تایی  
 بیر ملیحہ بالادی یوخدی ملاحظده تایی  
 گوزلریمدن آخیدان شور میاهیم قالوری  
 بو گل اوزلی بالا گلزار رسالت گلیدی  
 بیر بلوک قافله عشق اونون بلبلیدی  
 مهربان عتمہ سیم من منہ بیر سو گلیدی  
 بوستانیمده اولان سروسپاہیم<sup>۱</sup> قالوری

گورموشم من نہ جفا شامده شاهدی بوقز  
 نہ چکوب آل عبا شامده شاهدی بوقز  
 یانیشام صبح و مسا شامده شاهدی بوقز  
 گیدورم من بو عدالتلی گواہیم قالوری  
 باغریقانم بو یانان سینہده آہیم واردی  
 سوزومه اشگیمیلہ گوزده گواہیم واردی  
 کربلایہ گیدورم اوردا پناہیم واردی  
 حیف اولا گتمور او دلبند پناہیم قالوری  
 هم نفس آہی اولوب همدم آہ اولدی بالام  
 شمعہ بنزر آلشوب یاندی تباہ اولدی بالام  
 گوزلہدی از باباسین چشم براه اولدی بالام  
 دوشورم من یولا بو چشم براهیم قالوری  
 نجہ قیدیز دویہ سیز باشی بلالی بالامی  
 بیر گناہی یوخیدی دُیدوز عزالی بالامی  
 یارالی دفن ایلدیم نلدن آرالی بالامی  
 بوردا مظلومہ بی جرم و گناہیم قالوری

گورمدوز حال حیاتینده نه زیبا گلیدی  
 باغ زهراده نجه نغمه سرا بلبلیدی  
 دانشیدی او گوریدوز نجه شیرین دلیدی  
 گیدورم حیف او خاموش شفاهیم قالوری  
 هدف تیر بلاگاه بگاه اولدی بالام  
 طعمه آتش سوزنده آه اولدی بالام  
 چوخ وفالیدی وفا وسته تباہ اولدی بالام  
 عشق یاریله اولان عمری تباہیم قالوری  
 من ویروب گوشه ویرانیه زینت گیدورم  
 دفن ایدوب گوهر گنجینه عصمت گیدورم  
 روح عقت قویورام بوردا امانت گیدورم  
 جان سیزون جان بو قزین شامده ماهیم قالوری  
 بیر گل لاله ویرون من یانه یانه آپاروم  
 او خشیوب آغلاما قاعده بهانه آپاروم  
 باغریقان قزدان اونى الده نشانه آپاروم  
 گیدورم نرگس مستانه نگاهیم قالوری

بو بیر اولدوزدی که شاماتی درخشان ایلر  
 باصفا قزدی صفا هر دله احسان ایلر  
 بونی چوخ یادا ایلیون دردیزه درمان ایلر  
 بوردا شام اهلی درخشنده ستاهیم قالوری  
 لیک ئلدن آرالی قلبی سنقدور بو بالا  
 چوخ ثواب ایلر اوکس که بو قزین گوگلون آلا  
 قویمیون قبری سیز الله بو قزین توزلی قالا  
 گیدورم دختر محبوبه الاهیم قالوری  
 بسکه چوخ شیفته عشق نگار اولدی بالام  
 ناوک هجر نگار یله شکار اولدی بالام  
 تاپدی دلدارینی قربانی یار اولدی بالام  
 گیدورم بوردا بو دارای فراهیم<sup>(۱)</sup> قالوری  
 تائباً خامه صریرینده نه مطلب دیوری  
 قصه شامی ایدور شرح مرتب دیوری  
 ضبط اولوبدور دردو دیوارده زینب دیوری  
 شامیان بیز گیدیروخ شامده ماهیم قالوری

۱- فراه یعنی عزت و جاه و شوکت و زیبایی

## اربعین

بو قبر دوشو بدور نیه ششگوشه ای عمه  
 قانیم اونا باخدی قجا گلور جوشه ای عمه  
 بو قبر بابام نعشینی آغوشه آلوبدی  
 بپر عطر حسینی بو بیابانه سالوبدی  
 بس قبری علی اصغریمین هاردا قالوبدی  
 گوستر منه بیرجه چکوم آغوشه ای عمه  
 اصغر که آدی ذکر اولور ای قلبی شکسته  
 حلقینده کی اوخ یاره سی سالموش اونی خسته  
 یورقوندی یاتوبدور آتاسی سینه سی اوسته  
 لایلای دین اوز او غلونا فرزند علیدور  
 اصغر که سوسوزدان سولوب از غنچه چاقیندا  
 مجروح دوشوب دنجلوری گل بودا قیندا  
 نازیله یاتوب بوردا حسینین قوجا قیندا  
 تا روز جزا همدم نور ازلی دور

لیلا ایدوری اکبر آدین ذکر مکرر  
 بیر قبر سراغیله گزر بوردا مکرر  
 هاردا اولونوب دفن یاتوب قارداشیم اکبر  
 اول قبری نشان ویر بو سیه پوشه ای عمه  
 قارداشون علی اکبر ازی کامه چاتوبدور  
 چوخ ایستر آتاسین هامونی گوزدن آتوبدور  
 نازیله حسینین ایاقی آتدا یاتوبدور  
 ششگوشه حسین قبرین ایدن قبر علیدور  
 دلدن آلوری صبریمی بیر نکته حساس  
 وار سوز دلیم گوزدن آخور سوده الماس  
 بس هاردا دوشوب دفن اولونوبدور عموم عباس  
 گوستر دوشنوب اخذایلیوم توشه ای عمه  
 مجروح او از عهدینه وابسته دوشوبدی  
 عنقا کیمی او خدان پر آچوب خسته دوشوبدی  
 سقائیدی چون قبری فرات اوسته دوشوبدی  
 دین اوسته فدا ماملکی جانی الی دور

تا پدیدم بابامین قبرینی وار حقه سپاسیم  
 بو چولده سولوب لیک منیم چوخ گل یاسیم  
 مدفون اولونوب هاردا او گل بیکر قاسم  
 تا خرمن قبریندن آلوم خوشه ای عمه  
 بیر قبر که مدفون دی یتیمیش بدن اوردا  
 همدملریدور نوگل باغ حسن اوردا  
 نازیله یاتوب قاسم گل پیرهن اوردا  
 خوش عطری اونون عطر بهشت ازلیدور  
 تائب (دی) حسین وای دل پردرده صفا آل  
 داغلار بویی درده گوزل آدیله دوا آل  
 وار ایوده مریضون اوناسرشار شفا آل  
 ذکرینده شفا واردی حسین ابن علیدور

### اهوالات اربعین

دور گلوب آل رسالت قارداش  
 قبرون ایتسونله زیارت قارداش  
 بیله زوآر اولماز بیله دیدار اولماز  
 دور اویان عترت اطهار گلوب  
 گوزده گوزیاشی دلا فگار گلوب  
 شامدن دسته زوآر گلوب  
 ایله اظهاریت قارداش  
 دور اویان جمع عزاداریوه باخ  
 بیر بلوک دیده سی خونباریوه باخ  
 او سولان گل کیمی قزلاریوه باخ  
 اولارا ایله محبت قارداش  
 پوزولان گلشن و گلزاریوی گور  
 باغریقان زینب بی یاریوی گور  
 قبرون اوستونده بو بیماریوی گور  
 بالوا ایله حمایت قارداش

دلده وار دردی دوا ویر بالاوا  
 چوخ سنوب قلبی صفا ویر بالاوا  
 باخ طیببانه شفا ویر بالاوا  
 ای اولان روح طـبابت قارداش

بیرده هیهات وسایل دوزله  
 بیرده مشکل دوشه بو فرصت اله  
 بیرده هیهات بو زوار گله  
 ایده بو قبری زیارت قارداش

اویان ای جان جهان زینبوم  
 باغریقان قلبی یانان زینبوم  
 غصّه دن قـدّی کمان زینبوم  
 قامتی شور قیامت قارداش

اوستومه تیرش ماتت توکولوب  
 اوتوروب سینه مه سینم سوکولوب  
 بار محنتله بو قدیم بوکولوب  
 خم اولوب دور او جا قامت قارداش

کوفه شهرینده بو قلبیم یاندی  
 جانیم آهیم اودونا اودلانندی  
 بییزی اوردا تانیانلار داندی  
 ایتمدی شرم او جماعت قارداش

ظلم گوردوم هارا قارداش یتدیم  
 هر مصیبت ده دُزوب صبر ایتدیم  
 مجلس ابن زیاده گتدیم  
 ایلدیم اوردا قیامت قارداش

ابن مرجانه نی ایله سخدیم  
 فاطمی قدر تیمیله یخدیم  
 مجلسین بیریره وردیم چخدیم  
 ایلدیم شامه عزیزت قارداش

سالدی تقدیر بلیاته بییزی  
 شمر آپاردی دل شاماته بییزی  
 چکدی دروازه ساعاته بییزی  
 اوردا چوخ اولدی شماتت قارداش

سینه لرده واریدی دل یاراسی  
 دللر آلدی گنه نسکل یاراسی  
 وردی شام اهلی بیزه دل یاراسی  
 بیته مشکل او جراحت قارداش

گاه طعن اولدی هارا بیز یتدوخ  
 گاه ظلم اولدی دُزوب صبر ایتدوخ  
 مسجدشامه گهی بیز گیتدوخ  
 چوخودی اوردا جماعت قارداش

آدی مسجد ولی بیر دار جفا  
 تا اورا وارد اولوب اهل وفا  
 آلدی مسجد اُزیننه رنگ صفا  
 ویردی معناسینه صورت قارداش

عابدین قدرت اعجازیله  
 منبره گتدی چوخ اعزازیله  
 دل آچوب شیوه ممتازیله  
 چوخ گوزل ایلدی صحبت قارداش

شوریه اوغلون علی مسجده  
 ایتدی بیر ذکر جلی مسجده  
 باشلادی مدح علی مسجده  
 اولدی مداح ولایت قارداش

مدح مولا ایشیدوب سولدی یزید  
 سینه دن ذلتیله دولدی یزید  
 داخی رسوای جهان اولدی یزید  
 قالمادی اونا شرافت قارداش

عهدیمی باشه یتوردوم گلدیم  
 بالا قزلاری گتوردوم گلدیم  
 حیف بیر گوهر ایتیردیم گلدیم  
 هامی دنیا اونا قیمت قارداش

دردی درد اوسته زبس که آلدی  
 او قزی غصه ایاقدان سالدی  
 شامده دوشدی ایاقدان قالدی  
 ایلدی اوردا اقامت قارداش

دیمورم دویدی رقیّه مندن  
لیک آیریلدی او گل گلشدن  
عمّه سین ایتدی خجالت سندن  
گلمیشم بیله خجالت قارداش

گر گلیدی گل باغ مدنی  
گتورردیم من او شیرین سخنی  
عذری وار قالدی گذشت ایله منی  
شرح و معنای کرامت قارداش  
ایتدی غم قلبینی یاره بالاوین  
گلمدی دردی شماره بالاوین  
تاپمادیم دردینه چاره بالاوین  
ایلدیم من نجه همت قارداش

دردیله غصّه نصیب اُلدی بالام  
بی مداوا و طیبیب اُلدی بالام  
کنج غربتده غریب اُلدی بالام  
سینه سینده غم غربت قارداش

عاشق حق دیدی گمنام اولماز  
عشقه پخته اولان خام اولماز  
اولماسا آی شرف شام اولماز  
شامه نور اولدی او طلعت قارداش

باغریقان لاله کیمی خون دلیدی  
صحبتی ذکری بوتون نسکلیدی  
سن بولورسن نجه شیرین دلیدی  
یا واریدی نه فصاحت قارداش

شام شهرینده ایشیق اولدوزیدی  
جمعیمه هم دادیدی هم دوزیدی  
خوش بیان ایستمه لی بیر قزیدی  
اُزی انگیزه رأفت قارداش

اولدی چوخ باشدا بلاسی بالاوین  
اوجالوب عرشه نواسی بالاوین  
خون دل اولدی غذاسی بالاوین  
گوزده کی گوزیاشی شربت قارداش

گل‌کیمی سولدی فراقوندا یوزی  
 گله‌جاقدور بابام اولموشدی سوزی  
 گوزلیوردی سنی یوللاردا گوزی  
 بیر گجه تاپدی سعادت قارداش

کنج ویرانیه یول سالدی باشون  
 داغلانان سینه‌سینه آلدی باشون  
 سینه‌سی اوسته بیر آز قالدی باشون  
 سنیه باشلادی صحبت قارداش  
 دوداقون اُپدی هزار چمنون  
 آغلادی بسکه او غنچه‌دهنون  
 نطقدن دوشدی او شیرین سخنون  
 اولدی قربان محبت قارداش

دفعتا گوزلری آخدی گتدی  
 گوزی آخدی منه باخدی گتدی  
 یاندیروب قلبیمی یاخدی گتدی  
 دوتدی بو گوگلیمی حسرت قارداش

ایتیروب نه یولی آزدیم یارالی  
 مهر دیباجه‌سی یازدیم یارالی  
 من اُزوم قبری نی قازدیم یارالی  
 قویلادیم گوهر عصمت قارداش

دفن‌ایدنده من او شیرین سخنی  
 سنه بنزر یارالی گل بدنی  
 اولدی اگنینه کی کوینگ کفنی  
 چوخ بهالیدی او خلعت قارداش

تائباً دیده‌ خـونباریله  
 کربلا ایسته بو حضاریله  
 بو سوزی اوردا دی زقاریله  
 دورگلوب آل رسالت قارداش  
 قبرون ایتسونله زیارت قارداش



## زبانها و وفات حضرت زینب کبری (س)

گل حسینی دینار غربتده  
 باجون ایت درک حال رحلتده  
 عشق صافیله عمرینی قوتاروب  
 نام آلوب عالم محبتده  
 زرکامل عیار اولوب ازبس  
 آریوب بوته مصیبتده  
 دگی زینب او گوردوقون زینب  
 او رساقدو سرو قامتده  
 قوجالوب قامت دل آراسی  
 بوکولوب زیر بار محنتده  
 وطنیندن اوزون کیمی ال ازوب  
 گلوب اسکان تاپوبدی غربتده  
 دویمادیم من آنام مزاریندن  
 قالدی حسرت گوزوم او تربتده  
 ای دلیم صبری سندن آیریلالی  
 گلمیشم درده درد فرقتده

گوزه اشگیم گلوب گیدوبدی یوخوم  
 اولمارام آنی خواب راحتده  
 سنی بیر آن چخاتمارام یاددان  
 گل آدون وار مقام صحبتده  
 باجی قارداشلیق اوزگه عالمدور  
 عالم مهر و انس و الفتده  
 سنی قیلام نمازشبده دعا  
 قلب روشن له لیل ظلمتده  
 گل آدون دلده خون دل ییرم  
 دائماً من حسین حسین دیرم  
 اوخشارام شیونیه من یارالی  
 دیرم وای غریب آن یارالی  
 آغاروبدور باشیم یولوندا تاپوب  
 قوللاریم رنگ یاسمن یارالی  
 گیمیشم اگنیمه قراکونک  
 ای گل سرخ پیرهن یارالی

یارمیشام دلدہ یا حسین باشیمی  
 متحیر اولوب گورن یارالی  
 منی دیوانه حسین تانیوب  
 بولدی افکاریمی بولن یارالی  
 باغریقان دلشکسته زینبوم  
 لورم داغلی سینهدن یارالی  
 جان ویرن ساعتینده آغلیانین  
 گله سن باشی اوسته سن یارالی  
 منی ده آغلیان حساب ایله  
 هاردا وار من تک آغلین یارالی  
 وار یادوندا اوگونکه دوشموشدون  
 قانه غلطان یارالی سن یارالی  
 هر گلن هر یتن وراردی یارا  
 یوخودی دادیوه یتن یارالی  
 دوزمدیم باشون اوستونه گلدیم  
 قارداشیم وای دلیمده من یارالی

منده سن تک یارالی جان ویرورم  
 یوخ بو حالیمده یادایدن یارالی  
 یددی قارداش باجیسی یالقیز لور  
 منزلی کلبه حزن یارالی  
 سنده آل گوگلیمی محبتیله  
 گل باشیم اوسته گل بدن یارالی  
 سن بولور سن شکسته قلبده دور  
 لامکان حی ذوالمنن یارالی  
 گوگل آماقدا وار رضای خدای  
 ای رضای خداشون یارالی  
 گل آدون سالمارام گنه دلدن  
 ای آدی دلدہ سرسخن یارالی  
 کوینگون سینم اوسته جان ویرم  
 عشقیمی ایلم عین یارالی  
 یازا نشریه لر بو عنوانی  
 باجی قارداشین اولدی قربانی

کاش اولیدون منیم فرازیمده<sup>۱</sup>  
صون نفس ساعت نیازیمده  
بیر غریبم چوخ احتیاجیم وار  
خویش و ئل لر اولا فرازیمده<sup>۲</sup>  
یئدی قارداش باجی سیم اما  
یالقیزام جان ویرن فرازیمده<sup>۳</sup>  
کیم بیلر وار اورکده نه دردیم  
یانه اود واردی سوزوسازیمده  
وار نه دردیم اورکده سن بولوسن  
آنام اوغلی بو کشف رازیمده  
گه باخور راه کربلایه گوزوم  
گه قالبوب یثرب حجازیمده  
گوزلرم حالیمه یانان شرکت  
ایده بو درد جانگدازیمده  
سـطر اؤلده نازنین آدیوی  
یـازمیشام دفتـر نیـازیمده

۱-فراز: نزدیک ۲-فراز: کنار ۳-فراز: زمان

ایده سن نعشیمی اُزون تشییع  
آرتا عزتده امتیازیمده  
سنیله اکبریم جوان قاسم  
اولا عباس سرفرازیمده  
قیلاسان سن نماز میتمی  
چکلر صف صف نمازیمده  
قویاسان قبره از الونله منی  
فخر ایدم پیش بی نیازیمده  
یازاسان بیرده قبریمین داشنا  
وار نه پیغام لر طرازیمده  
یازا نشریه لر بو عنوانی  
باجی قارداشین اولدی قربانی  
اشگ آخوب چشم اشگباریندن  
جریان ایلدی عذاریندن  
یازدی عارضده خامه مژگان  
شرح روزیله روزگاریندن  
اشگی تک سالدی عالمی گوزدن  
اوزدی ال عمر مستعاریندن

باسدی آغوشه قانلی بیر کوینک  
 که نشانیدی نازلی یاریندن  
 نجه کوینک مشام جانہ آلوب  
 فاطمی عطر پود و تاریندن  
 توخوموشدی او کوینگی زهرا  
 اوغلونا حسن ابستکاریندن  
 چون بولوردی که واردی عاشورا  
 باخبر غارت اختباریندن  
 اونی سویموشدی قانلی قاتل لر  
 شاه دین جسم زخم داریندن  
 یارالینی دیموبله سویمازلار  
 داد شمرین او کاروباریندن  
 نجه کوینک که عقل حیراندور  
 رتبه و شأن و اعستباریندن  
 بیر قیامت سالار قیامتده  
 قوردوقی حشر آشکاریندن  
 فاطمه محشره باشندا گلر  
 خلق آلا ر عطر هر کناریندن

دولدورار محشری حسین عطری  
 هوش آلا ر حشر هوشیاریندن  
 اولار اعلان حسین عطری دی بو  
 گلوری دلق عطر باریندن  
 شعیبه مایه شفاعت اولار  
 قورتارار محشرین فشاریندن  
 اولا جانلار او کوینگه قربان  
 رنگ آلوبدور حسین ثاریندن  
 مین اوچ اوز آتمیش ئیل اولار سویولوب  
 پیکر حق جان نثاریندن  
 ایمدیده وار یوولمیوب قانی  
 حاکیدور زخم بی شماریندن  
 گلسه قان صاحبی او قانی آلا ر  
 قان توکن خصم نابکاریندن  
 سیننه سینده او قانلو پیراهن  
 اتدی گوز روز و روزگاریندن

یومدی بیر گوزلری که گورموشدی  
 صحنه لر کربلا دیاریندن  
 یومدی بیر گوزلری که داغ گوروب  
 نینوا صحن لاله زاریندن  
 تائبایاز مرام زینبندن  
 سوز (دی) اعمال شاهکاریندن  
 اوز مریض اوغلو اشفا ایسته  
 آلاز از ذات کوردگاریندن

### وفات حضرت امام محمد باقر (ع)

یارسول الله مدینه شهری غم دریاسیدور  
 گل عزایه باقر آل محمد یاسیدور  
 شیعه لر ماتم دو توب اشگین عذاره باغلوری  
 اهلیت باقر علم النبی دل داغلوری  
 حضرت صادق دلینده و ابا قان آغلوری  
 شیعه نین روزوفات ملجأ مأواسیدور  
 ایلیوب ترک جهان دورت اوصیانین وارثی  
 چشمه جوشان علم انبیانین وارثی  
 شرح معنای معارف مصطفانین وارثی  
 یعنی علم اولین و آخرین داراسیدور  
 گل جمالی زینت افزای گلستان ارم  
 عزت بیت الحرام و صاحب حل و حرم  
 روح احسان کان رأفت معدن جود و کرم  
 باکرم اجدادی تک جود و کرم دریاسیدور

باقر علم اولماقین دنیایه اعلان ایلیوب  
 اهل علم و دانشی علمینده حیران ایلیوب  
 چوخ بیوک عالمیری طفل دبستان ایلیوب  
 شهره آفاق اولان صیت جهان پیماسیدور  
 حیف ایاقدان دوشدی ایله راه حق پویندهسی  
 جوشدن دوشدی او علمین چشمه جوشندهسی  
 حیف خاموش اولدی دینین باصفا گویندهسی  
 ایمدیده دللرده ذکر منطق گویاسیدور  
 اوج اعلا دیدی ازبس باقریه همتمی  
 طفلیدی اولدی قیام کربلا ده شرکتی  
 باشلادی اسلام و قرآنه بیوک بیر خدمتی  
 زیب تاریخ محترم همّت والاسیدور  
 گوردی جدپاکی آلدی هر بلانی جانینه  
 سوکنارینده دوشوب عطشان بویاندی قانینه  
 ایتدی جان احیای دین اوسته فدا جانانینه  
 جدینین بولدی مرامی دین حق احیاسیدور

گوردی قانيله دولان کرب و بلا غوغاسینی  
 جد مظلومی حسینین یوم عاشوراسینی  
 قزلارین غارت گونونده بانگ او ویلا سینی  
 قتل و غارت سانما زینب محشر کبراسیدور  
 آفتاب دین دن نور آلدی رخشنده قمر  
 خدمت دینه بیلینده باغلادی محکم کمر  
 شام شومه ایلدی آغوش مادرده سفر  
 تا ایده دینین بیان نه صورت و معناسیدور  
 مجلس شاماتده سیر ایتدی چوخ بیدادلر  
 آشناسیز قالدی لار قیلدی شماتت یادلر  
 عمه سین تهدید قیلدی قتلینه جلادلر  
 بیله بیلم ایمدیده دل جامی قان دریاسیدور  
 اوندا که هند اوغلی حضاره دولان دیردی گوزین  
 حکم قتل عام آل اللهیله آچدی سوزین  
 حضرت باقر آتوب آغوش مادر دن اوزین  
 سویلدی ویردون بیله حکمی کیمین فتواسیدور

شیرزاد شیرحق سر مست صهبای الست  
 بیر بیانیه دانشدی دلره ایتدی نشست  
 هم یزیده هم یزیدین آینه ویردی شکست  
 قدرت باقردی بو ذات خدا یاراسیدور

حیف قان اوتدی ورم دوتدی صفالی صدرینی  
 حیف امت بیلمدی بیله وجودین قدرینی  
 حیف الدن ویردیلر گردون علمین بدرینی  
 درد دین بو اجتماعین جهل دردافزاسیدور

داغدیله قلیینی داغلار بویی غم لر آلوب  
 دلره نسکل لری مین دل یاران نسکل سالوب  
 سایبان یو خودور مژاری گون قباقینده قالوب  
 قبری اوسته آغلیان کل جهان مولاسیدور

یوخ مجاور قبرینی سیلسون شپورسون ای خدا  
 پاک ایدر گردو غبارین اسسه گر بادصبا  
 بیرده اشگیله یوار مهدی آل مصطفای  
 دولدوران جَو فضائی بانگ واجداسیدور

اوز وفاتینده نه وار بیر قبرینه پرچم واران  
 نه کنارینده مزارین حلقه ماتم قوران  
 واردی نه شمع عزا اول مدفن اوسته یاندران  
 شمع آهین یاندوران بیر یوسف زهراسیدور

قبره قویدی اوغلی دفنین قویمادی قالسون گجه  
 سوز چکیلدی کربلایه یازماسون خامم نجه  
 نعش جدی قالدی عریان یرده اوچ گون اوچ گجه  
 بو کتبه یازدیقیم مقتل لرین انشاسیدور

آه او ساعتدن حسینین زینب نالان تاپوب  
 گون قباقینده یارالی پیکرین عریان تاپوب  
 گوئیا بیر پیره نسیز یوسف کنعان تاپوب  
 عرض ایدوب قارداش بو پیراهن کیمین یغماسیدور

تائباهر عصر خون دل ییوب دیندار لر  
 بلکه یاتمیشلار لگدمالی اولوب بیدار لر  
 فاطمه او غلون شهید ایتدی یاتان بی عار لر  
 بو جنایت مرده لایلائی دین اغواسیدور

السلام علیک یا موسی ابن جعفر (ع)  
یا وجیها عن الله اشفع لنا عند الله

ای قتیل محبس هارون سلام اولسون سنه  
خطه بغدادده مدفون سلام اولسون سنه  
ای اولان آئینه آئین دین زیبا یوزی  
ای مرامی حق کلامی حق سوزی الله سوزی  
ای ویرن زنداندا جان یرده یوزی یولدا گوزی  
باغریقان لاله کیمی دلخون سلام اولسون سنه  
گردیدیم لاله قان اولموش باغریوا اولدی خطا  
بو سوزومدن ایتسورم عذر ای امام الاتقیا  
باغریقان اولماقلقین گورسه ایدر لاله حیا  
ای یارالی سینه سی پرخون سلام اولسون سنه  
ای رضای حی متانی مراعات ایلین  
صبریله باطل لره اوز حقین اثبات ایلین  
گوشه زنداندا گوزیاشلی مناجات ایلین  
سیل اشگی حسرت جیحون سلام اولسون سنه

هر بلانی ای ره جانانده جانه آلان  
اون بیرایل زندان هاروندا شکنجیله قالان  
ذکریا اللهیله دین زخمینه مرهم سالان  
ای اوزی آزاد آدی مسجون سلام اولسون سنه  
بیچدی ضرب تازیانه جامه نیلی سنه  
یوز چویردی هر طرفدن دردوغم سیلی سنه  
حکم هارونیه گاهی وردیلار سیلی سنه  
ضرب سیلیله یوزی گلگون سلام اولسون سنه  
هرایکی دنیا آقاسیدون غریب اولدون اوزون  
درد آلاردون درد آلانندان بی نصیب اولدون اوزون  
ای طیب کئل عالم بی طیب اولدون اوزون  
ای دواسیز خسته محزون سلام اولسون سنه  
نه گونوز گوردون دل زنداندا نور آفتاب  
نه گجه وقتینده گوردون ظلمت ایوده ماهتاب  
نه امانون اولدی نه آسایشون نه خورد و خواب  
ای اسیر اشقیای دون سلام اولسون سنه



ای گوزی پهلو وران بارشده دولموش ابریه  
 عمریجه ای روبرو هر اختناق و جبریه  
 ای دُزن الله یولوندا هر جفایه صبریه  
 ای بلالردن اولان ممنون سلام اولسون سنه  
 سن او موساسن دل زندانی پرشور ایتموسن  
 دوندروب شوریه رشگ وادی طور ایتموسن  
 نور نوراللهیه ظلماتی پرنور ایتموسن  
 نوری نور حضرت بیچون سلام اولسون سنه  
 محبس ویراندا یاتدون تا جهان آباد اولا  
 حقدن آگاه هر بیر آشنا و یاد اولا  
 سن قبول ایتدون اسارت مسلمین آزاد اولا  
 خلقی ایتدون منته مرهون سلام اولسون سنه  
 ای دوزن هر ظلمه حقی خلقه اعلان ایلین  
 حق رضاسیندن اُتور ترک سروجان ایلین  
 ای مقدس جانینی جانانه قربان ایلین  
 جان نثار حق حقه مقرون سلام اولسون سنه

ای اولان مسموم قلبی کاسه کاسه قان ویرن  
 غم ساننجا قطره لراشگی یوزونده سان ویرن  
 ای شکنجه آتدا مظلومانه یالقیز جان ویرن  
 ای اولان رنج و غمی افزون سلام اولسون سنه  
 کنج زنداندا اولان بیر ای گجیله گوندوزی  
 دائماً ذکر ایلین و اغربتا یرده یوزی  
 ای رضاسین گوزلین یولدا قالان آغلار گوزی  
 اشگیله ای گوزلری مشحون سلام اولسون سنه  
 ای آدی موسی اولان باب الحوائج شهرتی  
 تائب درمانده نین واردور زیارت حاجتی  
 ایسته گلسون قبرون اوسته قالماسون بو حسرتی  
 سسله سون بغدادده مدفون سلام اولسون سنه

### مطالب ارشادی برای سنگاری بشر

چشم دلیله سیرایله گور ماجرا ندور  
 سال فکریوه خبرده نه وار مبتدا ندور  
 هر مبتدا دیولسه دالنجا خبر گلور  
 فکرایله بو خبرده اولان مقتضا ندور  
 جولانگه حیاته حساب اوسته قوی قدم  
 درک ایله گور صلاح ندور یا خطا ندور  
 دار فنا ندور او فناده وفا ندور  
 دار بقا ندور او بقاده صفا ندور  
 دنیا فنادی هیچ کیمی پاینده ساخلاماز  
 سانماز که اغنیانندی یا کیم گدا ندور  
 بی اعتنا تمامینی توپر قدا دفن ایدر  
 بی اعتنایه سنده بو قدر اعتنا ندور  
 چوخ آز زمان دوام اولی عمرینده بینوا  
 بیله تلاش بی ثمر ای بینوا ندور

دنیا سنونده اولسا الی بوش سالار یولا  
 ثروت ندور او ثروته قدر و بها ندور  
 ایتمه تجلیاتی فدای تجملات  
 گمراه ایدن تجمل بی محتوا ندور  
 ویرسن تجلیاتوی قلبون کدر دوتار  
 قلب سیاه درک ایلمز انجلا ندور  
 بیر عمر کوردل یاشاسان سن گورنمه سن  
 دنیاده حسن و قبح و سفید و سیا ندور  
 الله ذوالجلاله کچیل کبریایه باخ  
 هرگز تکبر ایتمه دیمه کبریا ندور  
 ابلیس مین لر ایلر عباداتدن صورا  
 کبر ایتمدی فکرایتمدی قهر خدا ندور  
 مردود اولدی حشره کیمی لعن حقه دی  
 پاداش کبر اهلینه بوندان سوا ندور  
 گوزله گوروب سن اوزگه لرین مال و ثروتین  
 ایتمه حسد بیله حسد نارواندور

خودکش ليقا چکر سنی آخر حسادتون  
 سن تک ذلیل خودکش ایچون خونبها ندور  
 از قتلوه اوزون ویره سن خونبها گرک  
 بیچاره ایلوسن اوزیوه بو جفا ندور  
 از لقمه وی بیوک گوتوروب سخما حلقوی  
 آخر بو پرخوری ندی بو اشتها ندور  
 آخر قالار سنون بوغازوندا بیوک تیکه  
 درک ایله بیل که بیله بشرکش غذا ندور  
 پاک ایت حسابی قاتما قاریش دیر ما بیریره  
 آل ویرده بول شرایط بیع و شرایندور  
 گوزله اوز آل ویرونده حلال و حراموی  
 نفع حلال یا که محترم ربا ندور  
 مکروه بوغدا میل ایدوب آدم جزایه باخ  
 گور انقعد نطفه ده کی ماجرا ندور  
 باغلانمیشیدی نطفه قابل او بوغدادان  
 قتله یتوردی هایلی جهرأ خفا ندور

سعی ایله سنده کسب حلالیله اول غنی  
 سال فکرة گور وظیفه اهل غنا ندور  
 اول الله آز ویرنلره قانع جهانده  
 ایسته چوخی ازوندن اونون گور عطا ندور  
 اولسان غنی دولان تاپ اولان بینوالری  
 گور بینوالرین اورگینده نوا ندور  
 احسان جزئیه ایکی دنیانی قیل خرید  
 روز جزاده گور شرف اغنیا ندور  
 ایتمه اسیر نفس لریله معاشرت  
 بیلمز اسیر نفس صلاح و خطا ندور  
 هم رنگ ایلوب اوزینه آزدیرار سنی  
 سن بیلمه سن خدا ندی راه خدا ندور  
 هر بیر نفس گناه گناه اوستونه یاغار  
 اوندا سنون او دردیوه آیا دواندور  
 بو دردیوین دواسی سنون توبه دور فقط  
 غقاری دوت نظرده گور اوندا سخا ندور

باخما خطا چوخ ایلموسن اولما نا امید  
 باغلا امیدون اللها گور مُرتجا ندور  
 گیت توبه ایله توبه وی الله قبول ایدر  
 اول توبه کار گور کرم کبریا ندور  
 توبه ایدن لری سُور الله ذوالجلال  
 گور توبه ایلین لره قدر و بها ندور  
 تاریخ بشر حافی عبرت گوزیله باخ  
 گور توبه سیندن آلدیقی صدق و صفان دور  
 چوخ بشر حافی تا پمیشیدی حال اغتفال  
 بیر عمر عیش و عشرته ایتمشدی اشتغال  
 جمع ایلمیشدی باشینه بیر عده ای شرار  
 چکمیشدیلر مجامع حقدن اونی کنار  
 عشرت کدیدی منزلی اهل فجور ایچون  
 اویناردیلار چالاردیلا هر لیل و هر نهار  
 بیرگون گچوردی موسی جعفر (ع) اوسمتدن  
 ناگه ایشیتدی بانگ نی و نای و چنگ و تار

رقص و غنا صداسی بیر ایودن گوروب گلور  
 ناگاه بیر کنیز او ایودن اولوب کنار  
 ایتدی امام عصر سئوال اول کنیزدن  
 کیم دور بو خانه صاحبی چوخ عیش و نوشی وار  
 آزاد دور بوشخص و یا بنده ای کنیز  
 آزاد دور کنیز دیدی ای بزرگوار  
 فرمایش ایتدی دوز دیدون اولسایدی بنده گر  
 ایلردی باک از آقاسیندان او بدشعار  
 ایتدی کنیز منزله رجعت گوروب که بشر  
 بیر سفره شراب باشندا دو توب قرار  
 یوز دو تدی بشر او دمده سوروشدی کنیزدن  
 هاردا یوباندون ایله بیان نه دلیلی وار  
 نقل ایلدی کنیز اونا عینا حکایتی  
 مدهوش نفسی ایتدی بو گفتار هوشیار  
 از نفسینی ملامت ایدوب انفعالیله  
 خجلتله وردی دو گدی ازین اولدی اشگبار

جام شرابی چالدى يره ايتدى خرد خرد  
 بىر حال معنويت اولوب اوندا آشكار  
 دوردى اياقه قاچدى دالنجاي اياق يالين  
 مولانى تايدى ايلدى مولادن اعتذار  
 بىر عمر عرض قىلدى كه من ايتميشم خطا  
 آلوده كـثافتـم اى سـيـد كـبار  
 مست و خراب ايمدى گلوب تا پميشام سنى  
 شرمنده سرشكسته پشيمان ذليل و خوار  
 بيللم يقين كه باب كرم دور سيزون قاپوز  
 من دوشموشم دخيل بو بابه اميدوار  
 بو حاليله منى ايده سن سىدى قبول  
 ايلر گذشت جرمىمى خلاق كردگار  
 بشرى شكسته حال گوروب حجّت اله  
 دوندى كمال رافتيله ايلدى نگاه  
 بو عاطفى باخشدا تسلى ويروب اونا  
 آچدى امام قوللاريني سالدى بوينونا

فرمايش ايتدى غم يمه توبن قبول دور  
 توبه ايدن لرى سُور الله لا يُرى  
 تا بشر ايشيتدى توبه سين الله قبول ايدوب  
 گتدى غبار سينه سي قلبى تا پوب جلا  
 دولدى صفالى قلبينه الله محبتى  
 محو تجليات خدا اولدى برملا  
 آلدى تجليات الهيه باشدا شور  
 وردى تجملاتينه بالمره پشت پا  
 جاه و جلال و مال و مناليندن ال چكوب  
 صحرانورد اولوب دولاناردى برهنه پا  
 گوزدن آتوبدى كترتى دوتدى او وحدتى  
 سيرينده اوز باشندا كى شور اولدى رهنما  
 هر بير قدم گي دردى ديردى او يارؤف  
 هر بير نفس چكردى ديردى خدا خدا  
 بير نحويله او از ازون ايتميشدى محو عشق  
 اولموشدى روح عشق ازی بى چون وبى چرا

معشوقدن ازلده ویروب عشق باش صورا  
 مجذوب عاشقین ایلدی عشقه مبتلا  
 چشم دلیله سیر قیلاردی عوالمی  
 جلوه ایدردی گوزلرینه نور کبریا  
 هرسمته کیم سالاردی نظر گوزده نورحق  
 گورمزدی حق گورن گوزی جز جلوه خدا  
 بومطلبی بورا کیمی مقتلده گورموشم  
 بیر عارف ایلوب بو گلن مطلبی ادا  
 ناگاه پرده رد اولونوب گوش هوشدن  
 گوردی گلور اودم ملکوتی گوزل ندا  
 ای یر یوزینده کی حشرات گزنده لر  
 الله دیور گزیر چولی بشر برهنه پا  
 عین مواظبتله باخون صدمه ورمیون  
 بو پاکباز عبده اذیت دگل سزا  
 هر ذره خاکدن ایشیدوب ذکر حق دیدی  
 من کفش پوش اوندا گزم ایلرم حیا

عمرین برهنه پا دولانوب ویردی آخره  
 اولدی مریض دوشدی ایاقدان اوباصفا  
 سویلوبدیلر گیداخ گتوراخ دکتر و طیب  
 ویردی جواب من نیدیرم دکتر و دوا  
 دکتر اوزی منی ایلوبدور مریض عشق  
 بیله سووب ازی بو مرضدور منه شفا  
 نیلر مریض عشق دوا درد عشقینه  
 از درد عشقی دردینه درماندی مطلقا  
 بعدا گیدوب گتوردیله بیر عیسوی طیب  
 بو گلماقیندا اولدی سعادت اونا نصیب  
 یتدی طیب تا او مریضین کنارینه  
 سالدی نظر او حالده بشرین عذارینه  
 گوردی مریض اوزگه عوالمده سیرایدرد  
 عشق نگار آلوب او مریضی کنارینه  
 ایتدی کمال دقتیله بیر معاینه  
 مبهوت اولوب طیب از انجام کارینه

دوندی سؤال قیلدی مریضوز نه کاره دور  
 باشندان ایاقه محواولوب عشق یارینه  
 قلبی بیراوزگه قلبدی حالی بیراوزگه حال  
 قُربت تاپوبدی حضرت پروردگارینه  
 عیسائین عطرینی آلورام بومریضدن  
 کیمدور آدی ندورکه ویروب دل نگارینه  
 سویلوبله بشر حافیدی عرفان یولی تاپوب  
 ملحق ایدوب اُزین عرفانین قطارینه  
 دکتر تعجیله دیدی بو فساد عصر  
 هاردان اُزین سالوبدی هدایت حصارینه  
 جای عجبدی کیم بیله توفیق یار اولا  
 بیر عنصر کثیفه زمانه شرارینه  
 فکرایلمزدی رأفتیله گرباخا امام  
 گمره لری چگر او سعادت مدارینه  
 صدق و صفا تاپوب دیدیلر توبه ایلیوب  
 عاشق اولوبدی حضرت پروردگارینه

سیرطیبایله صفای مریضه باخ  
 سالدی صفا صفاسی اونون قلب تارینه  
 دکتر سوروشدی بشر نجه توبه ایلیوب  
 اولموش دلیل کیم بو شرف رهسپارینه  
 گلدی جواب موسی جعفر ویروب نجات  
 بیر عاطفی باخشدا بو نفسین شکارینه  
 جانلار فدا اوسروره کیم بیر نگاهیه  
 گمراه محضی چکدی هدایت دیارینه  
 چوخ عیسوی طبیبه بوسوز لرو یروب تکان  
 هوش دوباره گلدی سر هوشیارینه  
 زناری آتدی ایلدی تثلیثدن عدول  
 روی دلینی دوندروب اوز کردگارینه  
 دلده شهادتینی صفائیه ذکر ایدوب  
 تبدیل ویردی دینده دینی شعارینه  
 اسلامه تاکه اولدی مشرف او پاکباز  
 اقرار قیلدی تکدی خداوند بی نیاز

چشم بصیرت ایستوری اولسون بصیرتی  
 تا درک ایده شئون مقام امامتی  
 موسی بن جعفری که گوزل بیر نگاهیه  
 راه هدایتته چکه اهل ضلالتی  
 آیاروادی گوشه زندانده قالالا  
 مین ایل گچه او گوشه زنداندا ساعتی  
 سنسون او ال که وردی اونابند سلسله  
 گلسون اونسی دؤنلره الله لعنتی  
 هارون که کورباطنیدی حقی گورمیوب  
 باغلیدی دست کفریله چشم بصیرتی  
 رکن نمازی ایتدی نمازاوسته دستگیر  
 زندان ظلمه سالدی او شاه ولایتی  
 داد ای فلک زمانیه باخ روزگاره باخ  
 ظالم اسیریلدی روح عدالتی  
 قالدی امام گوشه زنداندا اون بیرایل  
 واردور او حبسخانهده مطموره صحبتی

مصباح زایرینده عالی بیانیه  
 سید بیان ایدوبدی بو دلسوز عبارتی  
 اولسون سلام حضرت موسی بن جعفره  
 ابرار خلقه وار اونون عیناً وصایتی  
 اولسون سلام او وارث وقر و سکینته  
 کیم جدینون وقارینه واردور وراثتی  
 اولسون سلام ایله وجوده که صبح و شام  
 اولموشدی حبس گوشه سی دارالعبادت  
 اولسون سلام او لعل لب دُر نثارینه  
 اولموشدی روزوشبده مناجات عادت  
 اولسون سلام او حبسده آغلار قالان گوزه  
 کیم از بنات پاکینه قالمیشدی حسرتی  
 اولسون سلام ایله بیر آزادمرده کیم  
 زنداندا یاتدی ایلدی آزاد اقتی  
 اولسون سلام او صبرایلین ظلم دشمنه  
 جانه آلان بلانی اولان جانه منتی



اولسون سلام بیر ایله شمس هدایته  
 کیم روشن ایتدی نوریه مطموره ظلمتی  
 اولسون سلام او سروره قعر سجونده  
 دائم معذب اولدی بیوکدور حکایتی  
 اولسون سلام او طایره کیم پنجه زغن  
 سالدی او گل جمالینه بیر ال علامتی  
 فریاد شر و کینه هاروندان الامان  
 موسی بن جعفره ایلدی ظلم بی امان  
 گوزده مجسم ایلرم الله رضاسینی  
 موسی بن جعفرین یازارام ماجراسینی  
 اسمین کتابه مالف بلوا یازوبدیلار  
 گلمز سانا یازام باشینون ابتلاسینی  
 سالسا الینه در گرانمایه گر گدا  
 سنگیله سندیرار اونی بیلمز بهاسینی  
 موسی بن جعفری نه تانور عنصر پلید  
 یا درک ایدر نه درکیله شأن علاسینی

هارونی دوتدی حب ریاست اوتانمادی  
 زندانی ایتدی هرایکی دنیا آقاسینی  
 گنده وروب ایاقینه روباه حیلہ ساز  
 زنجیره چکدی شیر خدانین بالاسینی  
 زنداندا گل وجودین اریتدی شکنجه لر  
 ایتدی ضعیف آلدی الیندن قواسینی  
 ایله اریتدی بوته محنت وجودینی  
 شکلین پوزوب گورردی باخانلار نماسینی  
 هرچند آیریلیق غمی دلتنگ ایدردی چوخ  
 قلیپنده آرتراردی گنه اوز صفاسینی  
 زندان تارده نه گجه گوردی ماهتاب  
 گوندوز گوزی نه درک ایلدی گون ضیاسینی  
 باش سجديه قویاردی سز یلداردی دمبدم  
 قطع ایلمزدی اللهها حمد و ثناسینی  
 کسمیشدی ارتباطینی زیبا و زشتدن  
 یالقز سز یلدیوب چاغراردی خداسینی

زندان تاریدی یری اما صفایه باخ  
 دولدوردی دل صفاسی او زندان فضا سینی  
 اوز حالینه قویدیله ایکاش او سروری  
 آرتیر مییدیلر داخی زجر و اذاسینی  
 ایکاش ال چکیدیله زندان ظلمده  
 چوخ ورمییدیلر دلینه دل یاراسینی  
 ایکاش ورمییدیله سیلی جمالینه  
 سیلی گوت میشدی رخ حقنما سینی  
 هارونیان اسیری اوزی سرور حجاز  
 زندانده ایدردی بونوعیله کشف راز  
 جانان یولوندا یوز ویره نه ابتلامنه  
 متندی جانه خوشدی او درد و بلا منه  
 دل ویر میشم بلالره باشی بلالیم  
 من آشنا بلالره درد و بلا منه  
 من بیر غریب بی کس و بی یار و یاورم  
 بیگانه تکلیوب منی یوخ آشنا منه

هر چند یو خدی بوردا ملاقاتیمه گلن  
 الله منیله دور بو ایدر اکتفا منه  
 بو عالمیله آیری ملاقاتی نیلرم  
 بس دور بو حبس خانه ده واحد خدا منه  
 عشق خدا مریضینه درمان نه احتیاج  
 هم درد عشق دردیم اولور هم دوامنه  
 آزاد مرد او غلیم آزاد مرد اُزوم  
 نامرد لر وروب دیلا قید جفا منه  
 بیر شیر شیر زادم ایدوب روبهان اسیر  
 بیله وروبلا کنده و زنجیر پامنه  
 هر دم سومو کلریم گلی درده سز یلدارام  
 زنجیرده سز یلدار اولار همصدا منه  
 عشق عالمینده چون دل زنداندا قالمیشام  
 رشگ جناندی گوشه ظلمتسرا منه  
 من ویر مرم بهشته بو زندان صفاسینی  
 احسان ایدوبدی حق بیله دارالشنا منه

من سسلدیقجا گوشه زنداندا یا احد  
 هر ذکر یا احده یتر مین صفا منه  
 خلوت یر احتیاجیدی رازونیا زیمه  
 نه یا خشی خلوت ایو ایلوب حق عطا منه  
 کانون عشقدور منه بغداد محبسی  
 عشق آرتورور بوسینه ده تاب و قوا منه  
 من راضیم بو عالمه وار اوزگه عالمیم  
 هرگه مزاحم اولمیه قوم دغا منه  
 ایکاش بیریله دوگوب انجیتمه سون منی  
 ایکاش اهانت ایتمیه بو اشقیا منه  
 سندیر ماسینلا کاش سنق قلییمی منیم  
 ایکاش ورمیه آجی دل لر یارا منه  
 سندی شقی الینده داخی جانه گلیمیشم  
 سیلی ورور جفائیله اول بی حیا منه  
 سندی گورنده من اسرم برگ بیدتک  
 ازبسکه ایلوب ستم ناروا منه

چوخ انجیوب او جوهر ایمان بی عرض  
 ایش یتدی بیر مقامه سوزین ایلدی عوض  
 دردده دل آچدی او مولا گلوب دله  
 عرض ایتدی ای خدا من مظلومه رحم ایله  
 دشمن الینده حبس مجرد سیاه چال  
 نه ئل تا پار منی نه چاتور بو الیم ئله  
 ئلدن آرالی دل یارالی اقربا اوزاق  
 واردور کیمیم بویرده منیم دادیمه گله  
 هارون بوله بوله اسدالله او غلیم  
 شرم ایتمیوب وروردی منه بند و سلسله  
 نالم زبسکه حلقه زنجیره خوش گلور  
 منن او دا سزیلدیری منله گلور دله  
 سیل ستم باشمدان آشوب داشدی ای خدا  
 بیریله ظلمیله نجه ایلوم مقابله  
 چوخ ایتمیشم مقابله آخر یورولموشام  
 یارب گیدوبدی خرمن صبریم منیم یله

چارم کسیلدی چاره سیزه چاره ساز اولان  
 چاره منیمده دردیمه ای چاره ساز ایله  
 احسان ایله که سندین اوزون بیرده گور میوم  
 من روبروی اولمیوم اول بی حیائیه  
 چوخ بی حیا و رحمدی چوخ انجیدور منی  
 مخصوصاً انجیدور او جفا جو گلم دله  
 سیلی ورور من آغلیورام خوش گلور اونا  
 من آغلیورام ایدور او شماتت گوله گوله  
 ای لطفیله ویرن هامی بیکس ضعیفه سس  
 بی دادرس اولانلارا عالمده دادرس  
 ای قورتاران خلایقی شر شراردن  
 مضطرلری خلاص ایلین اضطراردن  
 گهواره سینده مریمین او غلون دانشدیران  
 عیسانی گویله آپاران پای داردن  
 ای یوسفه نجات ویرن قعر چاهدن  
 یعقوبینی خلاص ایلین انتظاردن

ای یونسه نجات ویرن بطن حوتدن  
 لطفیله قورتاران اونی رنج و فشاردن  
 ای آتشی خلیلینه بیر گلستان ایدن  
 سالم چکن کناره اونی حر ناردن  
 ای قدرت قدیمیله لطف کمالیه  
 رنگین آغاجلاری گویدن خاک تاردن  
 ای شیری فرث و دم آراسندان ایدن جدا  
 فضلیله درد جوعی آلان شیرخواردن  
 من بی کس و غریبی ده یارب خلاص ایله  
 قید جفای دشمن بی بندوباردن  
 چوخ بی حیادی ظلمده ایتمز مضایقه  
 فریاد ظلم دشمن بی شرم و عاردن  
 صیادتک جفائیه دامه سالوب منی  
 دفع ایت بو شری ال قولی باغلی شکاردن  
 هارون منه نقدر ایدور ظلم دویموری  
 من دویموشام ولیک داخی روزگاردن

گوگولوم بالام رضانی چوخ ایستور منه یتور  
صون دمده توشه اخدایدوم اول گلعذاردن  
قویسون او داغلی سینه سینی داغلی سینه مه  
آلسون فراق اودون بو دل داغداردن  
معصومه یو خدی گوزلریمی باغلاسون منیم  
قاندور اورک بو حسرت اندوه باردن  
ایکاش اولوب جناز مون اوسته او مهربان  
نی تک نوا ایدیدی دل پرشراردن  
بیرس چکوب منه باشیم اوستونده او خشیوب  
گوهر توکیددی دیده گوهر نشاردن  
گر او خشاسا منه گوزل او خشار گوزل قزیم  
گوزیاشی چوخ توکر او هامی اشگباردن  
تائب توسل ایله بو باب الحوائجه  
آل حاجتون او سید والاتباردن

### احوالات امام هادی (ع)

امام هادی اولوب روبرو فشاریله  
یتوردی عمرینی پایانه انزجاریله  
او سروری متوکل چوخ ایتدی ناراحت  
مدام ایدردی خصومت او شهریاریله  
گتوردی مجلسینه بیرگون حجت اللّهی  
مواجه اولدی او مجلسده نور ناریله  
امام گوردی او بی شرم شوم و خانه خراب  
که عیش ونوشده دور جمع میگساریله  
امام هادی هارا مجلس شراب هارا  
نه چکدی اوردا او مظلوم انکساریله  
امامه ایتدی تعارف او بی حیا مشروب  
امام ردّ ایلدی حال اعتذاریله  
او امردن متوکل ایدوبدی صرف نظر  
سوزون دگیشدی او بی شرم فقد عاریله

الینده جام امامه دیدی اوخی اشعار  
 بو روحه لذت آلوم شعر آبداریله  
 بویوردی سروردین من بوامره معذورم  
 او بی حیا ایدوب اصرار چوخ فشاریله  
 امامی ایلدی مجبور او شوم بی ایمان  
 امام لعل گهربارین آچدی ایتدی بیان  
 خلیفه دهرده تغیر روزگار اولاجاق  
 بسا عزیز جهاندا ذلیل و خوار اولاجاق  
 اوکس که قله محکمه ایلوب مسکن  
 حراستی پوزولوب محو و تارومار اولاجاق  
 اوکس که غالب اولوبدور بزرگ قلعه لره  
 او شومه محبس او محکم اولان حصار اولاجاق  
 امان او گوندن آتوب از عزیز قلعه سینی  
 حسیض درّه ذلتده برقرار اولاجاق  
 امان او گوندن ایدر قبض روح عزرائیل  
 علاقه روح بدنن کسوب کنار اولاجاق

قویلا قبره یاتار توپراق آتدا ذلتیله  
 عزیز عالم اولان ذلته دچار اولاجاق  
 اوکس که مست می جام کبر و نخوتدور  
 مزارده آیلوب اوردا هوشیار اولاجاق  
 ولی اویرده آییلماق نتیجه ویرمز اونا  
 عقوبتیله او مشمول انزجار اولاجاق  
 دیر منادی حق شوکت و جلال هانی  
 بویرده هانسی جلالت سنیه یار اولاجاق  
 هانی او چهره که نعمته غرقدی دائم  
 همان او نعمتی تبدیل نار و عار اولاجاق  
 او گیر و دار او فرامین او تخت و بخت هانی  
 او زرق و برق سونوب تیره روزگار اولاجاق  
 او چلچراغلی تالار زرنگار هانی  
 او ظلمت ایو سنه یر تا دم شمار اولاجاق  
 گلنده قبریوه فأمور لر سئوالاته  
 اویرده وحشت قهار بی شمار اولاجاق

ندور جوابی او موقعه اهل طغیانین  
 که توپراق آتدا دچار غم و فشار اولاجاق  
 جهانده نقدر عیش و نوش ایدوب هاردا  
 چخوب یادیندان اولار تلخ روزگار اولاجاق  
 اوکس که شربت شیرین ایچوبدی نخوتیله  
 سیاه قبرده سیراب زهرمار اولاجاق  
 او توپراق آتدا جهانخوار ظالمین بدنی  
 تمام طعمه مور و غذای مار اولاجاق  
 اوکس که انجیدوب ایلوبدی مردمی مظلوم  
 اونون جزاسی او مدفنده آشکار اولاجاق  
 اوکس که حقی دانوب بیر ریاست اوستونده  
 عقوبتیله دم حشر اولونجا یار اولاجاق  
 بوسوزده چوخ متوگل ایتیردی از ازینی  
 دیدی منه نه جزالر مال کار اولاجاق  
 دولوب بولودکیمی آغلاشدی هایهائیله  
 جهاندا چوخ گولن آری چوخ اشگبار اولاجاق

شراب جامینی وردی یره گوزی یاشلی  
 که یعنی مست هوا زجریله خمار اولاجاق  
 تظاهریله یوزه توکدی اشگ تمساحی  
 او عادتینده او بی شرم پایدار اولاجاق  
 امامه ویردی محبت نشان یولا سالدی  
 ولی عداوت پنهانی آشکار اولاجاق  
 همین عداوتیله عمرینی ویروب باشه  
 اُلوب او نیتتیه داخل مزار اولاجاق  
 گناهکار اگر توبه ایتمهسه تائب  
 اَلنده اهل جهنمله همقطار اولاجاق  
 ایدوب اوکس که فراموش حکم یزدانی  
 تاپوب نه راه حقیقت نه رستگار اولاجاق  
 بلی اوکس که اولوب صید نفس اماره  
 پیری صباح قیامتده قعر نار اولاجاق

## فهرست

|         |       |  |
|---------|-------|--|
| ۴       | ..... | مقدمه  |
| ۵       | ..... | مناجات   |
| ۸       | ..... | فی التوحید و المناجات  |
| ۱۱-۹    | ..... | ولادت رسول اکرم ﷺ  |
| ۱۳-۱۲   | ..... | زیارت بیت الله الحرام  |
| ۱۵-۱۴   | ..... | در راه قرآن  |
| ۱۹-۱۶   | ..... | نصایح  |
| ۱۰۸-۲۰  | ..... | حضرت زهرا <small>علیها السلام</small>                          |
| ۱۳۰-۱۰۹ | ..... | حضرت علی <small>علیه السلام</small>                            |
| ۱۴۱-۱۳۱ | ..... | حضرت امام حسن <small>علیه السلام</small>                       |
| ۱۴۷-۱۴۲ | ..... | حضرت مسلم بن عقیل <small>علیه السلام</small>                   |
| ۱۵۳-۱۴۸ | ..... | امام حسین <small>علیه السلام</small> و زهیر در راه مکه و کربلا |

|         |       |  |
|---------|-------|--|
| ۱۵۶-۱۵۴ | ..... | امام حسین <small>علیه السلام</small> و وهب کلبی در راه مکه و کربلا |
| ۱۶۴-۱۵۷ | ..... | جوان نصرانی در عاشورا  |
| ۱۷۲-۱۶۵ | ..... | حضرت علی اکبر <small>علیه السلام</small>                           |
| ۱۹۹-۱۷۳ | ..... | حضرت قمر بنی هاشم ابوالفضل عباس <small>علیه السلام</small>         |
| ۲۰۸-۲۰۰ | ..... | حضرت علی اصغر <small>علیه السلام</small>                           |
| ۲۲۴-۲۰۹ | ..... | مقام و شخصیت امام حسین <small>علیه السلام</small>                  |
| ۲۳۱-۲۲۵ | ..... | حضرت امام حسین <small>علیه السلام</small> در شب عاشورا             |
| ۲۳۹-۲۳۲ | ..... | وداع حضرت سید الشهداء <small>علیه السلام</small>                   |
| ۲۴۴-۲۴۰ | ..... | شخصیت امام حسین <small>علیه السلام</small>                         |
| ۲۵۳-۲۴۵ | ..... | اتمام حجّت امام حسین <small>علیه السلام</small>                    |
| ۲۵۸-۲۵۴ | ..... | عشق و عاشقی امام حسین <small>علیه السلام</small>                   |
| ۲۶۴-۲۵۹ | ..... | راز و نیاز حضرت سیدالشهدا <small>علیه السلام</small>               |
| ۲۶۹-۲۶۵ | ..... | غارت خیام  |
| ۲۷۵-۲۷۰ | ..... | شام غریبان   |
| ۲۸۷-۲۷۶ | ..... | انسانیت، گریز به قتلگاه  |



- قتلگاه، کوچ از کربلا ..... ۲۸۸-۳۰۹
- شرط دوستی، گریز به احوالات کوفه ..... ۳۱۰-۳۱۵
- راه شام، زبان حال دختر سه ساله ..... ۳۱۶-۳۲۰
- مجلس یزید ملعون ..... ۳۲۱-۳۲۶
- خرابه شام ..... ۳۲۷-۳۳۲
- کوچ از شام ..... ۳۳۳-۳۳۷
- اربعین ..... ۳۳۸-۳۴۹
- وفات حضرت زینب علیها السلام ..... ۳۵۰-۳۵۸
- وفات حضرت امام باقر علیه السلام ..... ۳۵۹-۳۶۳
- احوال حضرت موسی بن جعفر علیه السلام .....
- و توبه کردن بشر حافی ..... ۳۶۴-۳۹۰
- احوال امام هادی علیه السلام ..... ۳۹۱-۳۹۵
- استغاثه از حضرت ولّی عصر عجل الله فرجه الشریف ..... ۳۹۶-۳۹۷